

BIBLIOTECA NAZ.
Vittorio Emanuele III

XXII


B

19

NAPOLI

Sirgite ex libr. P.
U.D.F. R. 1766.

XII. H. 19





XXII

B

~~32~~

19.

JOH. FREDERICI GRONOVII


D E

CENTESIMIS
USURIS

E T

FOENORE UNCIARIO


ANTEZHΓΗΣΙΣII.



INTELLIGENTIBVS.

LUGD. BATAVORUM,

Ex Officinâ DANIELIS & ABRAHAMÆ
à GAASBEECK, Anno 1664.





JOH. FRÉDERICI GRONOVII

DE

CENTESIMIS USURIS

ET

FOENORE UNCIARIO

ΑΝΤΕΞΗΓΗΣΙΣ ΙΙ.

DE usurarum generibus vocabu-
lisque Latinis explicandis inter
juris & rerum Romanarum stu-
diosos hodieque aliquid in qua-
stione esse & non idem sentire universos mi-
nus indignabitur, si quis reputaverit, huic
quoque; priscæ elegantiae parti densas tenebras
obduxisse regnantem barbariem, atque eas
non uno ictu, sed paullatim demum & tardo
successu potuisse dispelli. Johannes Accur-
sius & illius æquales interpretabantur *Usuras*
centesimas, quæ in anno sortem æquipararent:
semisses, quibus dimidium sortis; *besse*, quibus
partes duæ; *trientes*, quibus tertia; *quadran-*
tes,

A

tes, quibus quarta pro lucro quotannis accederent. Primus Hermolaus Barbarus, in Castigationibus posterioribus ad Plinii lib. xiv. *Usuras semisses* esse prodidit, quoties de centum nummis (quæ verbi gratia fors sit, inquit) non quinquagenos, ut illi putaverunt, sed senos tantum nummos usuræ nomine percipimus. Hunc juxta incedere, si non anteire, desiderat Leonhardus Portius lib. II. de re pecuniaria antiqua, jamdudum sibi quoque notatum obtestans, *Usuras semissium* apud Columellam, non semissem sortis, scilicet quinquaginta ex centum, ut diu inscite creditum, sed sex pro centum reddere: & (honestius doctiusque sensu quam verbis) *usuras semisses* dictas, quod semissem cujuscumque pecuniæ, cujus erit fors, quolibet mense reddant: quæ si integram pecuniam quolibet mense præstarent, duodecim annua referrent pro centum. Sic enim se res habet: ubi is nummus, in quo fors numerata est, aut ea pecunia, ad quam æstimatur summa crediti (puta talentum, mina, libra sterlingum, Flandrica, Turonensis) in centum sui generis mense vertente præstantur aut debentur integra, eæ sunt usuræ *centesima*: ubi ejus nummi pecuniæve semis vel pars dimidia, eæ *semisses*: ubi quarta pars ejusdem nummi pecuniæve menstrua, eæ *quadrantes*: ubi duodecima, eæ *uncia*.

2. Hactenus hi, una quidem tantummodo

modo specie tentata, sed ex qua facilis esset progressio ad intelligendas cæteras. Centesimas nominavit & *asses usuras* Hermolaus: sed in castigationibus prioribus, inter ista, quæ cum commentaretur, nondum deposuerat aliquot secula frustratam opinionem. Hermolao acceptum referunt Bartolom. Socinus, nondum ille quidem eluctatus illiberalem dictionem temporum, nec delectu verborum curioso, sed rebus & ipsa juris disputatione compulsus insana magistrorum præcepta deferere; mox politiores Budæus, Alciatus, & cum illi, tum Portio Antonius Augustinus. Budæus addere debuisse autumat Hermolaum, cur *Centesima* usura diceretur, quando id plurimum valeret ad fidem faciendam erroris deprehensi, qui per diu fefellerat. Ipse duas rationes proponit: altera est, quod centesimo mense fortem æquet; altera, quia centesimus nummus pro fœnore statuitur, quum centum nummi fortis pariant singulos nummos menstruos. Priori acquievit Alciatus lib. III. Dispunctionum cap. I. & lib. II. Parerg. cap. XXI. & fere Carolus Molinæus: posteriori Antonius Augustinus lib. II. Emendat. cap. x: sed ita ut & priorem rejecerit, eamque non admittendam demonstraverit: ut & Fr. Hottomannus disputat. juris civilis cap. VII. de Usuris. Atque adeo Budæus ipse hanc po-

tiorem agnovit ad leg. xxxvii. D. de Usuris,
 “ his verbis : *Centesimas* quidam opinantur ex
 “ eo dictas, quod quolibet mense centesimum
 “ nummum mereant: cui opinioni facile assen-
 tior. Hi porro nō quidē *asses usuras* nominant:
 pro asse tamen Centesimam in usuris intelligi
 Budæus, & quum *semisses* usuras dicimus, se-
 missem centesimæ partis significari, & sic *qua-*
drantes, trientes, quincunces, besse, uncias, quum
 tanta centesimæ partis pars usuræ nomine sin-
 gulis mensibus solvatur, Augustinus dicitur.

3. Res pulcre ac præclare dilulescere
 cœperat, nisi insignes quidam viri, dum
 subtilitate vincere & singularem causam,
 quare as cum suis partibus huic negotio
 fuerit accommodatus, invenire volunt, opti-
 mis conatibus contrarios eventus habuissent,
 & sibi aliisque nova offendicula objecissent.
 Inceperunt enim loqui auctores hujus ser-
 monis Jurisconsultos, & usurarum centesi-
 mam *summam vel maximam*, & *assem usurarum*
assemque usurarium. Horum antesignanus Bar-
 tolo. Socinus ad legem Falcidiam, Usuras
 “ centesimas scribit aliquando appellari in Le-
 “ gibus *maximas*, quasi quæ ascendant ad *assem*
 “ & *summam ultimam* usurarum: & quia divi-
 “ datur in duodecim partes, *assem usurarum* ap-
 “ pellare jura centesimam: & ejus, tanquam
 “ assis partes esse *semisses, besse, trientes*: item,
 “ quum ascendat ad duodecim pro centenis,
 tan-

tanquam assem & libram, sumpsisse hoc no-
 men: etsi postremum etiam agnoscat, cum
Centesima dicitur, intelligi centesimam sortis
 partem quæ singulis mensibus solvebatur: &
 habito respectu ad usuras menstruas sic vo-
 cari duodecim in centum, qui in fine anni
 existerent. Sed *maximas* usuras dixerunt Ju-
 risconsulti, quod nullæ majores tunc legibus
 in terrestri fœnore permetterentur. Nec po-
 test *as* censerī centesima ob duodecim an-
 nuos, quia Romani in usuris denominandis
 nihil respexerunt annum, sed tantummodo
 menstruum, quum ipsæ usuræ essent men-
 struæ: Proximus Carolus Molinæus, ita pro-
 nunciavit in Tractatu primo: Centesima ge-
 rit typum assis integri, quum sit integra, so-
 lida & legalis usura, & nomen capit à cente-
 simis Calendis, quibus completur & sortem
 æquat. Et siquidem singulis mensibus cen-
 tesimam sortis partem stipulati essent, hæc
 erat *centesima*, solida & summa usura: si vero
 ducentesimam sortis partem, hæc erat *femis*;
 si trecentesimam, *triens*: si quadingentesi-
 mam, *quadrans*: quia quadrans non est nisi
 quarta pars centesimæ: & sic de cæteris quo-
 tis partibus mensuris. Idem rursus: Cen-
 tesima (hæc summa & gravissima) est quoli-
 bet mense centesima pars sortis & sic in cen-
 tum mensibus sive in octo annis & quatuor
 mensibus sortem æquat.

4. Fr. Hotomanni tertii locum jam signa-
vimus; ubi sic disputat: quemadmodū in mul-
tis juris articulis hoc in usu habuerint juris-
consulti, ut quamcumque rem integram, quā
in partes dividere vellent, *Assem* appellarent;
ita eam usuram, quæ summa est, nempe quum
pro centum denariis singuli denarii singulis
mensibus solvuntur, *Assem* appellatam esse,
ac propterea, quasi ad assis rationem, illius
partes, id est, alias usuras minores, appella-
tionē sumpsisse: illum *assem* autem nihil aliud
esse quā centesimam fortis partē, sive num-
mum illum centesimum, qui singulis mensi-
bus penditur: ut usuras pendi solitas ex Ho-
ratiō & Cicerone appareat. Postremum hoc
bene: superiora vacillant. Quod enim ju-
risconsulti quodvis solidum partibus assis
fecerunt, non fecerunt tanquam Sapientes
& quasi formulis disciplinæ suæ vulgo igno-
tis utentes; sed ut homines Romani, & pro-
miscuæ omnium consuetudini in subiecta
materia servientes. Neque Centesima, ut
usurarum summa & maxima, assis faciem in-
duit, quia majores, binæ, ternæ, quaternæ,
centesimæ apud veteres commemorantur:
atque etsi legibus fero, nec nisi moriente li-
bertate ac sub Augustis, centesimas excede-
re vetitum, tamen id non potest juvare ratio-
nem vocabulorum, quæ reperta sunt, ante-
quam ullus usurarum modus lege definire-
tur.

tur. Profecit in deterius invento illo *asse usurario*, qui foetus infelix statim, ut natus est, ludibrio habuit genitorem suum, eumque à recto itinere, quod antehac quadamtenus institerat, in avia & invia deflexit. Libro II. Observationum cap. xxiii. (in minoris formæ exemplaribus id nonum fuerat) legere est: *Vsura centesima* dicitur, quum in singulos centenos duodecim penduntur: hic enim est, quem *assem usurarium* facimus. Et mox: Quod autem de *asse usurario* diximus, ita accipendum est, ut in libello de usuris docuimus, jurisconsultos à Græcis hoc sumpsisse, ut sortem, quantacumque illa esset, semper ad centenarium numerum redigerent: ipsos autem hoc excogitasse, ut, quia summa usura est, cum centesima sortis parte per singulos menses solvenda, quotannis duodenos nummos in singulos centenos pendimus, propterea summum hunc usurarum gradum, in quo duodecim nummi annui sunt, *Assem usurarium* nominarent; & ex eo non menstruo, sed annuo, singulas assis partes suis nominibus appellarent. Siquidem & *Bes*, & *Semis* & *Triens usurarius* non ex menstrua, sed ex annua pensione appellantur, cum scilicet annis singulis octoni aut seni aut quaterni, in singulos centenos penduntur. Sic Hotomanus, ex quibus videre est, ut virum doctissimum transversum egerit & sibi adversantem

ipsum reddiderit illud *usurarii assis* commentum. Nam si, ut prius recte notaverat, *as* & *centesima* usura nihil aliud sunt quam centesimus nummus, qui quovis mense penditur, quomodo, quæ minores isto asse sunt seu centesimo nummo menstruo, & ab eo vocabula sortiuntur, ex annuo, non ex menstruo, appellantur, quum ipse as sit menstruus?

“ Nam ne dubites, ita dixerat: ut si centesima
 “ pars fortis singulis pensionibus penderetur,
 “ nummus ille centesimus, quoniam usura
 “ summa est, *As* appellaretur. Sed & deinde
 hujus assis, quem centesimam vel centesimum nummum menstruum esse affirmavit, dimidiam partem esse addit *semisses usuras*, tertiam *trientes*, *besse* centesimæ bessem ex Justiniani imperatoris, l. xxvi. Cod. de Usuris. Quæ cum asse illo usurario annuo, cum besse ac semisse ac triente pariter annuis haudquaquam concordant.

5. Hotomannū imitatus est Johannes Crispinus ad Leges xli. tabularum: *Vnciarium fœnus*, non ex menstrua ratione definitur, quum singulis mensibus pars assis (quæ drachma apud Græcos esset) duodecima penditur: neq; enim *As* in usuris menstruus, sed annuus dumtaxat. Id vero anni ratione hoc modo: quia *usurarius as* est, quum unoquoq; anno duodecim in centenos penduntur, *semis usurarius* erit, quum senī quotannis penduntur: *uncia*, quum
 unus

unus &c. Salmasius non quidem *usurarii assis* meminit, & aliam rationem excogitavit, cur & unde *centesima*, curve pro asse habita sit; (Romanos nimirum nuncupasse *asses usuras* ab æreo nummo asse, ut Græcos ab argentea drachma, quibus *τόκῳ ἐπὶ δεξαμῆνι centesima*: hanc autem descendere *ἀπὸ τοῦ ἑκατοῦτος*, quod nomen eidem dederint Græci subaudientes *δεξαμῆνι*:) loquitur tamen quædam Hotomanno similia, ut *assem in centum promissum*, & *in assem mutua data centum* & centesimam maximum usuræ statutū modum; nec illud annuum, quod ab eodem imbiberat, exfuere potuit: eoque toties nobis in alia omnia eundi materiā præbuit. Porro hi omnes consentiunt interim, *uncias usuras* & *unciarium fœnus* eundem ordinem & gradum tenere sub centesima, quem uncia tenet in asse, & nec aliud solidum sive totū agnoscere, nec alia inspectione sic vocari, quam cæteras assis partibus significatas. Neque hoc quisquam, quod meminero, Jurisconsultorum in dubiis habuit.

6. Princeps Paullus Manutius mirificam sententiam prompsit, quædam usurarum nomina menstruam solutionem, ut *Centesima*, *Fœnus unciarium* & *semunciarium*; quædam annuam, ut *semis*, *bes*, *triens*, significare: *fœnusque unciarium* & *centesimam*, esse idem, ut ratio habeatur menstruæ solutionis, non anni; *semunciarium* idem quod

A 5

semisses

- “ *semisses usuras*, hac differentia, ut in *semilibus*
 “ annua, in *semunciario* fœnore menstrua so-
 lutio spectetur. Hæc ipse, qui condidit, de-
 struit, quum recte Centesimam statuit men-
 struam: nam quia hujus, ut assis, respectu
 dicuntur *semisses*, *besse*s, *trientes*, *uncia*,
semuncia, necesse est eas pariter solutionem
 menstruam respicere: neque enim *besse*s,
semisses, *trientes*, *uncias*, *semuncias* hic no-
 vimus, nisi centesimæ. Atque ista quidem
 Manutius in sextum Familiarium. In lib. 1,
 “ epist. x. ad Atticum, *Centesimas* dici tradit,
 “ quia singulis mensibus in fœnus centesima
 “ fortis pars impendatur: à menstrua enim so-
 lutione potius appellatas esse, quam quod
 “ nonnulli putent, quia centum mensibus usu-
 “ ra sortem adæquaret. (Hactenus recte.) Id
 “ *Vnciarium Fœnus* vocari Livio: in quo mirari
 “ se errasse eruditos, opinantes *Vnciarium fœnus*
 “ esse unicam centesimam annuam, quum sit
 unica menstrua. At illi non errarunt: est
 enim revera *fœnus Vnciarium*, unica centesima
 pars fortis annua, quum sit uncia centesimæ
 partis menstrua. Quam certus autem suæ
 opinionis fuerit, hinc cognoscas, licet. Quæ
 adduximus, jam leguntur in exemplari, quod
 ipse typis expressit Venetiis anno 1547. In
 quo cum ad vocem, *Cecilio*, stitisset in his
 “ verbis: (nam ab eo nec propinqui nummum
 “ auferre poterant, nisi cum fœnore centesi-
 marum:)

marum:) in posteriori editione, quam secuta est Francofurtensis a. 1580. adjecit infra scripta: Quæ usurarum omnium gravissima, erat, & *As* dicebatur: pendebantur enim in anno duodecim nummi pro centenis. Cum vero pro centenis octoni, *besse*; cum seni, *semisses*; cum quini, *quincunx*; cum quaterni, *triens*; cum terni, *quadrans*; cum bini, *deunx*; (erratum aut calami aut operarum. voluit *sextans*) cum singuli, *unciaria* vocabatur usura: qua majorem XII. tabulæ primum, ut ait Tacitus lib. v. deinde etiam rogatio tribunicia vetuit, ut lib. vii. Livius narrat, qui etiam de semunciariorum instituto subjunxit. Tacitus omnino sublatas usuras docet, quæ tamen denuo variis fraudibus exortæ, paulatim consuetudine leges vincente, ad centesimas pervenerunt. Hæc ita concepta sunt, ut omnia pro fanis accipere possis: nisi quod *unciariam usuram* vocat, quod veteres *unciarium fœnus* vel *uncias usuras*. Centesimam menstruam ait *Assem* dictam: eam in anno effecisse duodenos nummos: ejus intuitu usuras *semisses*, quæ dimidiatum nummum menstruum, senos in anno &c. *uncias*, quæ duodecimam nummi partem in mense & sic singulos in anno efficiant: his postremis majores vetuisse XII. tabb. & rogationem tribuniciam: deinde semunciis: denique vetitas usuras: tamen consuetudine leges vincente rediisse centesimas.

7. Sequutus hunc Hadrianus Junius, nihil quidem de cæteris, sed *Centesimam* Ciceroni & *Fœnus unciarium* Tacito explicat, quæ centesimam sortis partem singulis mensibus capiunt: quando nimirum quotannis duodecim penduntur usuræ nomine: ibi enim (infit) *assis* nomine censeatur annus, ut *unciarium* vicem gerunt menses. Hi alter ambove traxere Scaligerum, Matthæum Hostum, Thomam Thomassium, Curtium Pichenam. Scaliger, ne ille quidem hanc materiam ex proposito aggressus, inter scribendum ter quater *unciarium fœnus* pro centesima appellat: ut quum quinque millium denarium *unciarium fœnus* annum computat denarios sexcentos, & ipsorum sexcentorum denariorum *unciarium fœnus* duos & septuaginta denarios. Hosto lib. II. rei nummarie veteris, Ab uncia sunt *uncia* *usura*, quæ *centesima* est Ciceroni, *unciarium fœnus* Tacito & Livio: & similia in opusculo de *assis* ejusque partium usu in declarandis *usuris*: quod ex nulla historia probari possit, ullam unquam fuisse usuram tam levem, quam in annum unus tantum ejusdem pretii nummus de centum duceretur pendereturque: *assem* uncias duodecim continere & pro toto & integro usurpari: quemadmodum itaque *uncia* mensem, inquit, tanquam anni duodecimam partem, ita *as* annum, ut totum, refert:

fert : qua ratione *unciarium fœnus* idem esse censetur quod centesima usura, sed diverso respectu. Sic & *semunciarium ex unciario* factum explicat ex asse seu centesima factas usuras semisses. Deniq; *centesimas*, quæ sint velut as, & *uncias*, quæ sint eædem, fuisse menstruas : *besse* vero. *semisses*, *quincunces*, *trientes*, *quadrantes*, quæ sint quarta usuræ centesimæ pars, annuas fuisse certo colligi. Hoc ultimum Manutianum est. De Thomasio & Curtio diximus.

8. Est autem animadversione dignum, hos omnes, quum se huic culpæ alligerent, non tractasse illam quæstionem diligenter & ea accuratione, qua jurisconsulti, totius ad partes partiumque & ad totum & inter sese consideratis rationibus, sed leviter ac defunctorie satis, aut paucis ex hoc genere vocabulis aut uno tantum fœnore unciario appellato. Denique hi excusabiles, quia quam multis quamque certis & perspicuis argumentis tam crassus error posset coargui, videre non potuerunt. At non tam parata venia homini, qui, cum pateret via plana & expedita, quam nos fecimus, jam bis ad eundem, ut habet proverbium, offendit, ut aliquid in nos injustæ suæ ac longa invidia collectæ bilis evomeret. Quam si pari acerbitate ultum ire & histrionis istius postscenia tantis injuriis laceffitius protrahere gestirem, copiosa sane mihi suppeditaret oratio :
sed

sed non vacat ardelionum vitas pandere : & quis inde in publicum fructus? aut quem non tædet inaledicentiæ, qua iste per omnia scripta diffimillimos sibi traducit? Nec vero adeo ignoramur uterque, ut aut ille mihi opprobrire possit, quod purgandū habeam, aut mihi Æthiopem reddendi nigriorem necessitas incumbat. Quæ totis novem paginis declamat, prætereo, ut nihil ad rem pertinentia, & quæ ne verbo quidem refutari mereantur. Pag. demum 10. incipit meditari causam.

9. Ibi objicitur mihi, primum ejus Achillem, invictum velitem, vel noluisse me vel non potuisse intelligere. Achilles iste tabidus, monogrammos, enervis, inermis, tamque fortis quam Peleus ejus Criticus est, talem se ferebat : in confesso esse, in ea republica, quæ cives habeat pauperes & æris indigos, usuras esse grandiores, quam ubi opibus & pecunia abundant : Romæ autem, quum ferme ὅλης τῆς οἰκονομίας opes incenibus complecteretur, centesimam usuram fuisse ordinariam. Collocemus eum in statu & gradu, ut appareat, quam facile loco moveri possit atque prosteri. Quæcumque respublica quum & populi & privatorum opibus floreret, admisit centesimas usuras, ea multo magis easdem tulit, quum esset inops. At Romana respublica, quum publicis & privatorum opibus floreret, admisit usuras centesimas

fimas ordinarias. Respondi, quod priore loco ponitur, haudquaquam esse perpetuum. Potest enim fieri, ut respublica, dum pauper est, absque ullo sit scœnore, exemplo Germanorum, qui Taciti ævo pauperes scœnus ignorabant, nunc cum auro & argento habent scœnus. Potest fieri, ut aliqua respublica cum flore potentia & opibus acceperit vitia, quæ scœnus incitant: quibus vitiis quod vacaret inops & tenuis, nec instrumentum luxuriæ atque avaritiæ magno conducendum habebat. Idem multa privatorum exempla demonstrant, qui paupertatem egregie ac sine ære alieno tolerarunt: ut Valerius Poplicola, Menenius Agrippa, Man. Curius, C. Fabricius, L. Æmilius Paullus, Tiberones, & alii. Deinde monui, quamvis iratum, hunc Achillem, nihil mihi minari, sed Agamemnoni Salmasio: nam & mihi certum est centesimas jam in paupere populo Romano nimium quantum ordinarias fuisse, ex aliis, quam quas noster edit, causis. Et potuisssem sic defungi: sed non dissimulavi aliquid amplius illum significare. Nimirum, Si in urbe Roma publice privatimque inopi centesimæ fuerunt ordinariæ, verosimile est Decemviros eas in XII. tabulis sanxisse. Id vero dixi esse ἀναγκάζον, cum Decemviri non respuerint, quid optarent scœneratores, sed quomodo consulerent miseræ atque exhaustæ plebi.

plebi. Tamen isti si credas, argumentum
 ejus aut nolui aut non potui intelligere. Sed
 quam aut voluntas aut facultas me defecerit
 heroici hujus argumenti intelligendi, magis
 apparebit, si ipsa verba inseruerimus, quibus
 “ ille nunc id reformat. Sunt autem ista, Cer-
 “ to credi debere in republica Romana, cum
 “ egena & impotens adhuc esset, minimum
 “ usuras centesimas per leges receptas fuisse,
 “ quod tantæ, eadem republica quam locuple-
 “ tata & potenti, jure probatæ fuerint. Hoc
 sane illud ipsum est, quod ego mihi refellen-
 dum duxi: unum interest: additur enim hic,
per leges: quod non video causam, cur ego
 interponendum divinare debuerim. Sic igitur
 pugnat: In quacumque republica quam
 locupletata & potenti jure probatæ sunt cen-
 tesimæ, in eadem multo magis receptæ fue-
 runt per leges etiamnum inope. In republi-
 ca Romana quam locupletata & potenti
 jure sunt probatæ centesimæ. Sed hic quo-
 que, quod citerius ponitur, in eodem vitio
 est. Non id necessarium: potuerunt & non
 esse: potuerunt esse, non lege scripta, sed
 moribus introductæ, nulla lege vetante, quæ
 postea accesserit. Alterum quoque positum
 multas exceptiones patitur, uti jam ostendi-
 mus, & pluribus ostendemus. Ille, ut prius
 confirmet, obducit nobis rempublicam Ba-
 tavorum: quasi unum exemplum ex propo-
 sitione

sitione particulari possit reddere universalem: quasi valeat, si respublica Batavorum, ergo omnis. Deinde nimia dissimilitudo est in exemplis, ob diversum illarum rerumpublicarum statum. Batavi afflicti ac miseri cum potentissimo hoste congressi magna pecunia egebant ad alendum mercenarium militem: Romani parvo contenti ac fortes cum divitibus & male fortibus sine stipendio militabant. Deinde Batavi, postquam florent, nondum ad eam immoderationem luxus & corruptelarum pervenerunt, (& absit, ut eo perveniant) ad quem Roma florens cum magno fœnore.

10. Fide minus bona agere arguor, qui, quæ à fœneratoribus facta sunt, confundam, cum illis, quæ jure licebant, pag. 15. At qui, verum tuetur, is fide agit bona. Concessi frequentes & ordinarias omni tempore, de quo agimus, centesimas fuisse, irritis tot legibus, quæ modum usuris minorem fecerunt: jure licuisse capere centesimas, hoc est, lege scripta, negavi & pernego. Sed fide minus bona agit adversarius, qui tanquam certum & exploratum statuit, quod nunquam probavit. Juber hoc me discere ab Justiniano & Harmenopulo. Justiniani producit hæc ex l. xxvi. π. I. Cod. de Usuris: *In trajecticiis autem contractibus vel specierum fœnori dationibus, usque ad centesimam tantummodo*

licere stipulari, nec eam excedere, licet veteribus legibus hoc erat concessum. Harmenopuli vero ista lib. III. tit. VII. Ἐπὶ τῶν ναυηκῶν δανείων, καὶ τῶν δανειζομένων εἰδῶν, ἐφ' ὧν τὸ παλαιὸν ἐξέτω πλείονα τόκον λαμβάνειν, μόνον μὲντοι ἕως ἑκατοστῆς, καὶ μὴ περαιτέρω. In nautico autem fœnore, aut speciebus, quæ fœnori dantur, in quibus olim licebat graviores usuras exigere, solum ad centesimam, & non ultra. Hæc vero quid ad centesimam in omni fœnore? quid ad modum fœnoris definitum lege XII. tabularum? Primum uterque loquuntur de fœnore nautico, quod, quo tempore lex XII. tabularum lata est, Romanis usu erat incognitum, quippe mare nondum expertis. Deinde uterque loquuntur de veteribus legibus, quibus excedere centesimam erat concessum. At lege XII. tabularum, si maxime in ea fœnus unciarium sit centesima, concessum non erat, ut ea excederetur. Nec prodest hic capillum promittere & vaticinari, Tacito non exhiberi totum carmen Legis: & forte in casibus, quos tangit Imperator, per XII. tabulas centesimas excedere licuisse: quia, quod modo dicebam, nondum exercebant mare Romani. Denique nec Harmenopulus VETERI JURE, sed τὸ παλαιόν. Adscribit mea verba, & si quod magno ære conducere studuisset, non æque commodum testimonium se nancisci potuisse

tuisse prædicat. Sunt autem ista: Fœnoris, modus crescit minuiturve partim pro tempore proque modo pecuniæ, quæ inter homines versatur, partim pro fide illorum, qui mutuum petunt, &c. p. 72. Et gloriatur: Quid æque apposite pro statuminando meo, argumento (circa quod adversarius frustra, lacertos fatigavit) dici posset? Stuporem an malitiam appellem incredibilem? Ego narro, quid morē plerumque fiat, quidque factum sit Romæ, sine lege, & aliquando contra legem: ille centesimam vetustissima Decemvirorum lege statutam, quod nunquam ei concessi, persuasum venit: & tamen testimonium illi præbui. Sed sacra ancora est Dion, qui notavit, post Actiacum Octavii triumphum τὰ δανείσματ' ἀγαπήλως ἔπ' ἡ δαχμῇ πλείτερον ὄντα, τότε ἔπ' ἡ τῷ τελευτησούσῳ αὐτῆς γελῶντος. Et ne hoc sine Thrasone transeat: Si aliud non haberem, solus hic locus Hectori nostro papiraceo æternum, prostituendo sufficeret. O te Bollane cerebri felicem, an infelicem dicam, si quæ jactas, credis, & quam simulas spem, habes! Ubi hic de jure? ubi de legibus, aut tabulis duodecim? Ego pag. 9. & 10. Antexegeleos quinque causas annumeravi, quare necesse fuerit, invitis omnibus legibus, florente opibus ac luxu Roma, grave fœnus agitari: & tamen tanquam contrarius opponitur mihi

Dio, qui eo tempore scribit in usu fuisse centesimas.

11. Tandem profert aliquid adversus illud, quod monueram Decemviros non respexisse, quid optarent fœneratores, sed quomodo consulerent adversus illos plebi.

“ Pag. 19. Prudentes legislatores idem hic
 “ observare solent, quod circa valorem pecu-
 “ niæ, quem, si in immensum surrexerit, ad ju-
 “ stum reducunt. Et pag. 23. Magistratus
 “ quando leges de fœnore ferunt, non modo
 “ conditionem suorum civium attendere so-
 “ lent, verum etiam iis, qui pecuniæ suæ usum,
 “ stipulando usuras, aliis concedere possunt,
 “ sic succurrunt, ut semper inveniantur, qui in
 “ illa mutua danda nolint esse difficiles. Pri-
 mum, quæ hic diversitas & differentia ci-
 vium & illorum, qui pecuniæ suæ usum, sti-
 pulando usuras, aliis concedere solerent?
 Numquid igitur fœneratores non erant ci-
 ves? immo civium optimi & præstantissimi.
 Deinde hæc ut plurimum vera sunt de illis
 magistratibus, qui jure suo parentibus &
 tranquillis præcipiunt, quid facere debeant:
 non in illis, qui rogant tantum, quum in po-
 puli potestate sit jubere legem, in quo pars
 multo maxima se fœnore gravatam sentit.
 Eandem legem de *unciario fœnore*, quum à
 M. Duillio & L. Mænio, altero & octogesi-
 mo anno, postquam tulerant eam decemvi-
 ri,

ri, repeteretur, quod jam scilicet ejus ἡ λó-
 γος ἐστὶν ὀφειλόμενος, *haud letam Patribus* fuisse
 scribit Livius lib. vii. cap. xvi. Cur *haud*
letam potissimum *Patribus*? quia in his erant
 maximi fœneratores, & quæstus iste mini-
 mus. Et quia *haud letam Patribus*, intelligi-
 mus quam diligenter observarint attende-
 rintque hi legislatores, quod adversarius
 contendit. Præterea fecerunt, quod potue-
 runt Decemviri: satis medios se gesserunt:
 & ut minimum permiserunt fœneratoribus,
 ita & atrocissimi fuerunt in debitores. Au-
 diat horrendi carminis legem: *Aeris. confessi.*
debitique. in. jure. judicatis. triginta. dies. just.
sunto. postidea. manus. injectio. esto. In. jus. ducito.
Ni. judicatum. facit. aut. quis. em. endo. jure. vin-
dicat. secum. ducito. vincito. aut. nervo. aut. com-
pedibus. quindecim. pondo. ne. majore. aut. si. volet.
minore. vincito. si. volet. suo. vivito. ni. suo. vivit.
qui. em. vinctum. habebit. libras. farris. in. dies.
dato. si. volet. plus. dato. &c. Tertiis. nundinis.
partes. secanto. si. plus. minusve. secuerunt. se. frau-
de. esto. Quos ita terruerunt, illis pro solatio
 dederunt, quod & acerbissimi fuerunt in fœ-
 neratores seu creditores, non nisi minimum
 fœnus indulgendo.

12. Si *unciarium* fœnus duodecima centesi-
 mæ pars fuit, inquit, quæ impudentia fœne-
 ratorum fuerit, legitimas usuras in tantum
 multiplicasse, ut undecies excefferint, quod

- “ leges jufferant: atque id etiam duplicasse.
 Respondeo, non major quam illorum, qui
 fecerunt idem, quum omne fœnus vetitum
 “ esset. Pag. 20. laticlavios & angusticlavios
 “ per fœneratores suam pecuniam ait collo-
 “ casse. Quibus verbis, ut & alibi, prodit, se
 nescire, qui Romanis vocarentur *Fœnerato-*
res. Immo ipsi Patres, ipsi nobiles, ipsi di-
 vites, ipsi boni viri in veteri historia sunt &
 appellantur *Fœneratores*: non aliquod aliud
 genus hominum, quorum opera illi pecu-
 niam suam collocarent. Erant quidem ar-
 gentarii, mensarii, nummularii, penes quos
 depositas pecunias habebant: quibus & fœ-
 nerabantur interdum, & per quos fœnera-
 bantur aliquando: sed hic exiguus erat nume-
 rus præ multitudine illorum, qui per se ipsi
 fœnori darent. Ibidem occurrit cedro di-
 “ gnum: Quod Tiberius sciret Senatores pecu-
 “ nia affluere, & eam fœneratoribus credere,
 “ quum pauperibus fœnore oppressis vellet
 “ succurrere, jussit *δικιλίας μυριάδας ὑπὸ αὐ-*
 “ *τῶν βασιλέων ἀποκεί τοῖς δεομένοις ἐς τετρία ἔτη*
 “ *ἐν δανεισθῆναι*, ut loquitur Dion lib. LVIII.
 Hæc turpis & magna inscitia est. Tanquam
 ea pecunia ipsorum senatorum fuerit, & non
 publica, cui administrandæ senatores illi
 erant delegati, perinde ut Quinqueviri men-
 sarii apud Livium. Excipiat, quid hac de re
 Suetonius: *Publice munificentiam bis exhibuit:*
 propo-

proposito millies sestertio gratuito in triennii tempus, cum per Sc. sanxisset, ut fœneratores duas patrimonii partes in solo collocarent, debitores totidem æris alieni statim solverent, nec res expediretur. Excipiat, quid Tacitus: donec opem tulit Cæsar, disposito per mensas millies sestertio, factaque mutuandi copia sine usuris per triennium, si debitor populo in duplum prædii cavisset. Populo, inquit. ergo ex ærario populi Romani prompta hæc pecunia: non ex arca senatorum.

13. Secundo argumento postulaverat exemplum sibi dari nationis adeo inopis & usurarum impatientis, ut sortem vel creditum accipere sub usuris unciis, quas duodecimas centesimæ menstruas tuemur, grave habuerit. Id alio nodo Gordio se firmaturum pollicetur. Fingamus ergo Titium à Cajo accepisse quinquaginta sestertios & pro usu promississe fœnus semunciarium, &c. Nimirum hic homo unicum exemplum certissimam putat esse rationem fundandi ac stabilendi, quod in universum adfirmavit. Quid ergo litius? si singulis mensibus usuras solvere voluerit, quis tam peritus fuerit calculator, qui ad pecuniam Romanam tantillum reducere possit? aut quis dixerit exili illi fœnori nummum quoque respondisse? Hic dum peritum calculatorem postulat, fixit imperitiæ suæ notam. Quinquaginta sestertii fuissent illo seculo, de quo nobis pugna

est, cxxv. libræ æris. Centum libræ fœnus semunciarium annuam efferunt selibræ vel sex uncias : viginti quinque dant annuam fescunciam. Jam si quærimus menstruum hujus annui, selibræ sive sex unciarum æris duodecima pars est sine dubio semuncia; uncia duodecim habet dimidiatas sextulas; semuncia duodecim scriptula. Ergo menstruum est semuncia dimidiata sextula scriptulum. En ad pecuniam Romanam tantillum absque ullo negotio & non adito numerorum arenario reductum: en tam exili fœnori pecuniam Romanam respondentem.

14. Sed, inquit, demus respondisse, quis voluerit tantillo pecuniam suam collocare, periculum sustinere, simul & tabulas conscribere, aliasque molestias devorare? Hoc rogare *ἀνέμενον* ei, qui facile vivit, sive quia in lautum patrimonium successit, sive quia annonis de publico non contemnendis fruitur: nullum enim sentit incommodum, si, ut Græcum est proverbium, *κέρδος ἡσυχίᾳ*. At homini, quales tum erant Romani, Parvi beati ruris honoribus, nihil habentes præter paullum supra duodecim milia quingentos æris, (qui quintæ classis, hoc est, maximæ partis, census erat, in argento nostro ccl Philippi) ei hoc adeo spernendum non erat. Puta enim duodecim hac le-
- ge

ge debitores aliquem habuisse : menstruus fructus erat septunx semuncia, annuus septem libræ semis. Denique cui licet, mittit obsonatum; tenuiores vivunt sine pulmento. Si lege sic constitutum sit, bonus civis aut abstinebit fœnore aut parebit legi. Non respiciunt leges, quod imperat lucri cupiditas : sed si tali tempore lucrum petis, & leges metuis, subeas oportet, quod jus compellit. Ibidem male posuit calculos, quum fœnore semunciariorum quinquaginta florenorum collecto subtilitatem suam in computando monstrare conatur. Tres chalcos sive deutas cum quadrante facit : trientem dicere debuit.

15. Interrogationem istam secundi Achillis eliseram plano & liquido Livii testimonio, *forte ipsa* debitores *obrutos*, ut mirum non sit grave illis fuisse fœnus quamvis *uicarium*, vel quicquid supra sortem adjiceretur. Ille & adversus argumentum meum aliquid molitur & Livii sensum perversa interpretatione corrumpit. Alterum est, semper fortis difficiliorem quam fœnoris esse solutionem. Sit hoc, quandoquidem major summa numeranda est : sed annon vel fœnoris vel fortis sine fœnore solutione gravior est & fortis & fœnoris supra sortem conjuncta solutio? Tum quia concedit posse ex infima plebe homines usuras ad assem exhibere, qui

ne quidem plures post annos solvere possunt sortem, annon concedit & sortis nudæ solutionem esse illis gravem? Quemadmodum igitur negare audet iisdem grave esse, quantillum supra sortem accedit? Quemadmodum fide majus putat, plebem, quæ mille libras acceptas mutuas ægre reddebat, indignatam, quod mille ac decem rependere compelleretur? Nihil igitur hic dixit, nisi quo se magis impediret. At Livio mirificas objicit præstigias: fœnus oportuisse solvi ante sortem: itaque populum Romanum fuisse sorte obrutum, postquam scilicet fœnus ex consuetudine prius solvisset. Omnia, quæ unquam exstiterunt in literis, monstra superabunt, si cum hujus explicationibus & conjecturis Adversaria prodierint. Verba Livii: *Et si unciario fœnore factolevata usura erat, sorte ipsa obruebantur inopes.* Demus illis sententiam, quam somniat ὁ φιλοζυμῆς: Et si, quum vetitum esset plus duodecim in centum capere, levata usura erat, tamen quia sortem non solvebant, priusquam fœnus ex consuetudine solvisset, ipsa sorte obruebantur. Quis tam lippis aut cæcis oculis, ut non videat ineptias hujus sermonis? Primum qui duodecim in centum pendunt non levem, sed gravem usuram pendunt. Deinde qui centesimas dant, quum sint tenuiores & modici patresfamilias, qui ex accepta fœnebri

nebri pecunia. per lucrosam aliquam negotiationem reficere tantum nequeant, ut & usuras præstent & ipsi sint salvi; (quales erant Romani solis, fere agrorum fructibus adversus usuras luctantes) hi profecto non modo sorte, sed etiam fœnore contabescunt, exhauriuntur, obruuntur. Itaque, & fœnore & sorte obruebantur, dicendum Livio, si quidquam insanæ mentis animum ejus intrare potuisset: non sorte ipsa. Hoc enim posuit ille Græcorum delicias secutus, quibus αὐτὸς interdum est μόνος; velut, cum dicunt: Αὐτοὶ γὰρ ἡμεῖς ἐσμὲν. Nec aliter Silius:

Ipsa quidem virtus sibimet pulcherrima merces.

Cogitandum quum levata fœnore unciario esset usura, id est, quum locupletiores non nisi unum annum ex centenis percipere possent, iratos eos subito & alieno debitorum tempore exegisse nomina, (quod lege nulla erat vetitum) ut fundis potius mercandis aut apud inquilinos & non cives sociosve Italicos pecuniam suam majore fructu collocarent: ita in angustias adductos debitores, quum nec in arca quidquam nec versura solvendi copia esset, bonis evolutos & sorte intempestive restituenda obrutos. Sic solent auxilio reperta astu & malitia hominum in perniciem vertere: & tale quid etiam Tiberio imperante accidit. Hoc igitur Livium dixisse accipient mentis compotes: Et
 si

si rogatione Duillia perleves & tantum uncias centesimarum sortis partium usuras pendebant, tamen vel solam & sine ullis usuris sortem solvendo, quod statim vel ad brevem nimis diem, antequam tantum, quantum debebant, è fructibus suis aut operis refecissent, solutio instaret, evertebantur bonis, dein addictum corpus præbebant.

16. Attendi quoque jusseram illa verba, *Et si unciario, tamen sorte, & apud Tacitum vix semunciario concesso, vetita mox omnis versura*: neque enim commissuros fuisse, ut inter unciarium & sortem, inter semunciarium & vetitum nihil medii ferrent, si *unciarium* pro centesimis, *semunciarium* pro semissibus usuris habuissent. Respondet ille post Curculionem Plauti docuisse nos Tacitum, cur hic saltus factus fuerit. At utrobique nihil legimus aliud, quam multas fraudes scœnatorum fuisse ad leges eludendas. Hæccine ratio est, cur commode dictum possit videri: etsi non plus quam duodecim in centenos pendebant, tamen credito ipso mergebantur: an ejus, quod dictum est, verus sensus, (etsi non plus uncia libræ menstrua, una libra annua, solvebant in centenas, tamen vel sola sorte obruebantur) ostendit scœnus unciarium genus usuræ perleve fuisse & parum addensorti? Hæccine ratio, cur post usuras semisses paulo ante concessas ad omne scœnus

fœnus vetandum fuerit deventum? an post fœnus ad semuncias redactum, quum illas quoque recusarent debitores, ad vetandum omne processum esse ideo dici apparet, quod fœnus semunciarium à nullo minimum quantum distaret? Præterea Tacitus hæc verba, quæ iste se iterum exhibere scribit, ponit, postquam jam vetitam versuram fuisse narraverat, & loquitur de eo, quod post illam vetitam tamen ad suam usque ætatem factum sit, ut ea non possit accipi proprie fuisse causa vetandi. Non igitur aliud significant ambo, quam, quod ne hoc quidem tam exiguum oneris usurarum plebs ferre posset, omne prohibitum fuisse. Ne quid intentatum relinquat, addit etiam: Ne autem fœnerari liceret, Romæ multis annis post T. Manlium & C. Plautium consules, effecit L. Genucius tribunus plebis. Qui sunt isti multi anni? Quinque omnes: nam cccvi fuerunt illi consules, cccxi Genucius tribunus.

17. Post tot circuitiones videtur se tandem componere ad seria. Quæret iterum, inquit pag. 25. adversarius, cur non usuræ sextantes, quadrantes, aut trientes jure receptæ fuerint? Certe hoc quæsi: si uncium fœnus est centesima, semunciarium usuræ semisses, quare quum hæc gravia essent, non dextantes, dodrantes, besses, septunces;

non

non quincunces, trientes, quadrantes, sextantes, aut illas, quas exspecto, quo nomine sit appellaturus, qui *uncias* vocari vetat, sanxerint, & intra tam breve tempus, nulla clade reipublicæ ab externis, statim ab duodecim ad sex in centenos, à senis ad nullas transierint? Hic ille, quasi aliquid dicat: Sed si *semunciarium fœnus* ex illius sensu centesimæ vigesima quarta pars, oneris singularis rationem habuerit, causa non est, cur de sextantibus, quadrantibus aut trientibus quaramus? Magnum inverecundiæ specimen! Quasi hac interrogatione ego convellam sententiam meam, & perconter, quod me percontari minus deceat, respondet mihi, quod verum est, quod sentio, quod ut ab illo extorqueam, hanc quæstionem posui. Hæc enim revera causa est, quare ab unciario ad semunciarium, ab semunciariorum ad nullas usuras fuerit facilis transitus, quod ista minimi essent generis, & parum intervalli inter uncias semunciasque usuras & nullas. Ille mihi hoc opponit, quasi jus interrogandi non habuerim, qui hanc sententiam foveam. At ego, quia hanc sententiam teneo, quia ille ex sua sententia hanc quæstionem solvere nequit, ideo interrogaveram. Sed fallor toto cœlo in explicando unciario & semunciariorum fœnore, & ille rationem dicet, cur legē sextantes, quadrantes aut trientes usuræ

rece-

receptæ non fuerint. nam istas, quas reddi-
 dit sine nomine, prudenter omittit, quia fe-
 cit Chimæras, entia rationis. Quæ est igitur
 ista bella ratio, quare cum *semunciarium*
fœnus, sive, ut est ipsi, semisses usuræ, graves
 essent, non statuerint quincunces, trientes,
 quadrantes, sextantes, denique Chimæras,
 entia rationis? Locupletiores ex ipso quo-
 que senatorio ordine apud fœneratores le-
 vioribus usuris pecuniam suam collocare so-
 lebant, quam illi grandioribus dein mutuam,
 dabant. Hem! apud fœneratores! Non pas-
 sum facit hic strigosus quadrupes, quin lapsus
 cernuus. Immo ipsi fœneratores erant. Men-
 sarios, trapezitas, nummularios dicere vole-
 bat. Quod etiam factum, sed hæc erat minima
 pars fœnerantium. Ciceroni, Livio, aliis
fœneratores sunt ipsi locupletes, qui non per
 alium, sed per se perque dispensatores &
 procuratores suos fœnus exercebant: ut *præ-*
diatores, qui pecuniam suam habebant in
 prædiis. Itaque frustra hic adhibet Sueton-
 ium in Octavio cap. xxxix. *Notavitque ali-*
quos, quod pecunias levioribus usuris mutuati, gra-
viore fœnore collocassent. Qui hoc fecerant, non
 nummularii erant, sed equites Romani.
 Quod ergo, inquit, locupletiores minus,
 quam semisse cum argentariis transigere nol-
 lent, passi fuerunt per plebiscitum omni fœ-
 nore interdiceretur. Plus decies hos perle-

gi, & tamen subtilitatem percipere non potui. Quid autem illud, *passi fuerunt*? Utrum contigit hoc illis imprudentibus, dum morantur, contantur, sperant argentarios ad conditiones suas perducere; an susque deque habuerunt, & permiserunt fieri, quum si contra niterentur, impedire possent? Si contigit imprudentibus, quæ ipsorum erat culpa, si voluerunt sibi satisfieri ad legem? nam semunciarium tunc legitimum erat, quod usuras semisses noster interpretatur. Et quomodo conspirarunt in eandem pervicaciam omnes tam sceneratores quam numularii, illi, ne minore semissibus darent, hi ne tanto acciperent, tanquam in Velabro olearii? Cur non missos fecerunt avaros illos argentarios, & ipsi directo quisque per se petentibus mutuum sub justis usuris dederunt? Quis autem fuit acer ille velut è specula insidiator, qui hoc tempore capto, dum isti dissident, utrumque genus ingenti bolo fraudavit? Si vero, *passi sunt*, est, permiserunt fieri, cum possent impedire, quis adeo pertinax, ut malit nullum pecuniæ fructum, quam paullo minus quam sex in centenos lucrari? Qui delectatur exemplis recentibus, consulat rempublicam Batavorum: diu semissibus sicilicis versuram fecit: pace restituta ad trientes pervenit: annon multo maxima pars publico scenerantium gaudet

gaudet hodie trientibus, qui soliti erant semisses & sicilicos redigere? Cur autem sceneratores tam fuerunt irati atque inimici sibi ipsi, ut non oculo carerent, quo nummularii ambobus, sed prorsus eodem supplicio seque & illos adficerent? Ubi nunc illi, quos me poscit in rebus, quas naturæ perspicuitas & communis intelligentia docent, auctores? nam nihil horum est, quod cuiquam adfirmanti sine teste credas.

18. At ego duos auctores dabo, qui testatum faciant omnibus hominem gnaviter ineptire. Hi erunt T. Livius & Appianus, ex quibus discimus hanc legem de non scenerando armis latam, quum post initum Samniticum bellum, qui Capuæ in hibernis erant relictæ, conjurassent de illa urbe possidenda, interfectis incolis, & ubi sceleratum consilium prudentia C. Marcii Rutili consulis irritum fuit, metu quæstionis & pœnarum ingenti manu facta Romam armati contenderent. His oppositus M. Valerius Corvus dictator cum iusto exercitu, potius, quam civilem sanguinem misceri pateretur, & hanc & alias indignas condiciones accepit. Nondum erant tam viles vitæ civium, quam postea sunt factæ: præterea cum hominibus desperatis congregi res plena periculi: tum castris in Albano positæ, clam duce colloquia fieri: amplexus ibi & lacrimæ, ut inter amicos ac necessarios: nec

C

diffi-

diffiteri culpam, qui secesserant, sed necessitates domesticas & vim fœnoris causari. Corvus igitur jam quoque veritus, ut suis militibus, magnam partem & ipsis ære alieno gravatis, fides constaret, Senatui de omnibus per literas edocto auctor palam fuit novarum tabularum. Et ἡ βελὴ πρὸς εἶσα ταῖς μὲν τῶν χρεῶν ἀποκρίσεις ἐψηφίσαντο πᾶσι Ρωμαίοις, τοῖς δὲ τότε ἐχθροῖς καὶ ἄλλοις. Tum & extortum, ne fœnerari liceret. Legat Livii librum septimum extremum, & quod de tertio Appiani superest in excerptis Constantini Porphyrogenetæ: ibi quod ignorat, inveniet, & nullum locupletiorum & nummulariorum, quasi ranarum & murium, pugnæ locum.

- “ 19. Locupletiores fœneratoribus pecu-
 “ nias suas credidisse certam usuram stipulando
 “ patere quoque ait ex Plauti Mostellaria. Ex-
 “ cerpat locum: ego, unde pateat, nec memini,
 “ nec reperio. Hic novum ei se argumentum si-
 “ stit: Quum locupletiores fœneratoribus pe-
 “ cunias suas, certam usuram stipulando, ut eam
 “ fœnerarentur, credere consuerint, quantil-
 “ lum acceperint locupletiores, si jure fœnera-
 “ tores, non nisi duodecimam centesimæ par-
 “ tem, & alias, non nisi vigesimam quartam sti-
 “ pulari potuerint? Aperit hic quoque se igno-
 “ rasse adhuc, quid essent in historia Romana
 “ fœneratores: & prorsus habuisse illos pro ge-
 “ nere his Lombardis, deliciis suis, simili. His
 “ namque

namque solis positam legem XII tabularum ostendit se opinari verbis istis : si jure scœneratores &c. ob hos solos tantum seditionum fuisse. Nunc singulis urbibus sufficit unus : at Romæ scilicet ita fruticavit hæc tabes , tanta illorum multitudo fuit & gratia, ut essent materia discordiæ inter Patres & plebem. *Fœneratores* Romani, ô bone, erant non alii quam creditores, principes, nobiles & optimi quique de plebe. Non tumultum fecit plebs propter pauculos nescio quos nummularios, sed *πενία πρὸς πλεονέκτων ἐξαισίαζε καὶ ταπεινότης πρὸς ἐπιφαιδαν*, ut loquitur Dionysius lib. vi. pauperum debitorum adversus nobiles & divites creditores, hoc est, *fœneratores*, erat motus. Pauci erant, qui per argentarios fœnerabantur : pauci nummularii : immo vix ulli illis temporibus, de quibus loquimur, quum nummus non esset argenteus : & si parum acciperent, qui horum ministerio fœnerabantur, sibi habebant imputandum, qui nihil acciperent, nisi contra legem. Sed quod maximum est, & non his tantum, verum & superioribus ejus confutandis sufficit, nunquam hæc leges ætatem tulerunt : sed brevi post tempore, per ipsos egentes divitesque mutua dissimulatione sunt abrogatæ : quod satis ostendunt tam pauci anni inter unciarium scœnus duodecim tabulis jussum & tumultum Manlianum, inter hunc & legem Liciniam Sestiam, hanc & ro-

gationem Duilliam, rursus hanc & Quinque-
 viros mensarios, hos & fœnus semunciarium,
 hoc & Genucium plebiscitum, hoc & roga-
 tionem Pœteliam, hanc iterum & secessio-
 nem in Janiculum: quæ potuit discere & pu-
 tare non supervacua fuisse in libello meo pag.
 16. Continenter post superiora scribit pag. 26:
 “ Ut & Manutio, viro doctissimo, & mihi testa-
 tum faciat. Ebrium dices & insanum, qui sic
 omnia conturbet. Quid hic loci Manutio?
 Quæ vellicat, exstant p. 22. mei libelli: quod
 cum Manutio mihi est, pag. 87.

“ 20. Peccavi scilicet, quia censui unciarium
 “ & semunciarium fœnus Romæ grande onus
 “ fuisse. Non hoc dixi in universum, sed pro
 tempore & loco: ei qui nihil habet, quantil-
 lum dare, grande onus est. Petebat iste exem-
 plum nationis, quæ adeo fuerit inops & usura-
 rum impatiens, ut debitores gravati sint cen-
 tesimam partem crediti annuam solvere, seu
 unum in centenos, & id insigne onus putave-
 rint. Respondi exemplorum plenam esse hi-
 storiam, & eorum quatuor dedi genera. Pri-
 mum est earum civitatum, quæ novas tabulas
 “ poposcerunt. Ille oggannit, ad calculos & ta-
 “ bulas meas nihil facere tabulas novas, quas
 “ proponere ac promittere soleant, qui eodem,
 “ quo Catilina, sint ingenio: & me argumen-
 “ tum petere à seditiosis decoctoribus ad illa
 “ improbanda, quæ publice fuerint utilia. Fate-
 tur

tur se non intelligere, quid fuerint *nova tabula*: non sunt autem aliud quam *δοτικὴν χρεῶν*, seu remissio debitorum. Has non inodo proponere ac promittere solebant auctores seditionum & tyrannidis adfectatores, non decoctores conjuratione petere; sed palam plebs sæpe petebat à senatu & nobilibus: ut Romæ, quæ secedebat in montem sacrum. Τῶν μὲν δημοίων ἢ αἰδιωάτως ἔχῃν σκηπτομυῶν ἀγαλύνειν τὰ χρεῖα, χάρις τε αὐτοῖς κεκωλυμένης ἐν τῷ πολυέτῃ πολέμῳ, ἢ βοσκημάτων διεφθαρμένων καὶ ἀνδραπόδων αὐτομολίας καὶ κατὰδρομῆς ἀπανοθέντων, τὲ τε καὶ πόλιν κλήσεως ἐξ ἀνηλωμένης ταῦς εἰς τὴν στρατείαν δαπάναις· τὴ δὲ δανείων τὰς μὲν τοῖς συμφοραῖς ὁμοίας ἀπαισι γεγονέναι λεγόντων, καὶ ἑμόνον τοῖς χρεωφλέταις· ὅσῃ ἀνεκτὸν ἢ ἡγεμύων, σφίσι μὴ μόνον, ἀλλὰ καὶ τὸν πόλεμον ἀφῆρέθησαν ὑπὸ τῶν ἐχθρῶν, ἀλλὰ καὶ ἀδεομύοις πῶς τῶν πολιῶν ἐν εἰρήνῃ σιωπήσασαν, ἀπολωλέκεναι· ἀξιόντων ἢ ἑδὲ τῶν δανείων ἑδὲν μέτριοι ὑπομύειν, ἑδὲ τῶν χρεωφλεῶν ἑδὲν ποιεῖν δίκημον· ἀλλὰ τῶν μὲν ἑδὲ ὅσῃ τόκῳ ἀφίεναι, τὴ δὲ μηδὲ αὐτὰ τὰ σωμακλήγματα ἀγαλύνειν, inquit Dionysius lib. vi. Hoc est, quum plebs præ se ferret, se solvendo non esse, inculis per diutinum bellum agris, pecore perduto, mancipiis per transfugia & hostium incursiones amissis, urbanis opibus sumptu in militiam facto exhaustis; feneratorum dicerent, communem illam omnibus, non debitoribus solis, calamitatem incubuisse; nec fe-

rendum, sibi & qua in bello eripuissent hostes, & qua in pace cives egeni credita abstulissent, pariter periisse: & neque hi quidquam remitterent, neque illi æquum præstarent: sed fœneratores etiam usuras exigerent, debitores etiam contractus rescindi vellent. Nullus hic Catilina, nullus Nabis, nullus Perſes: sua quemque necessitas urgebat: neque urbem incendere, senatum trucidare cogitabant: sed ἀπαλλαγὴν τῷ χρεῶν & βοήθειαν τινα, qua salvi essent in posterum, petebant. Plutarchus in Solone: Ἀπας μὲν γὰρ ὁ δῆμος ἰὼν ὑπὸ χρεως τῷ πλεονίστῳ· ἢ γὰρ ἐκείνοις ἐκτατὰ τῶν γινομμένων τελευτῶντες, ἐκτεμνόμενοι περὶ ἀγορῶν οἰκῶντες καὶ θῆτες: ἢ χρεῶν λαμβάνοντες ὅτι τοῖς σώμασιν, ἀγώγιμοι τοῖς δανείζουσιν ἦσαν, οἱ μὲν αὐτὰ δαλούοντες, οἱ δὲ ὅτι τῇ ξένῃ πτωχεύοντες. Omnis enim populus obaratus obnoxiusque divitibus erat: & aus agrum exercebant illis, sextas frugum partes dominis pendentes, unde & ἐκτεμνόμενοι coloni; dicebantur: aut quod fœnore accepto etiam corpora obligassent, addicti erant, & alii creditoribus serviebant, alii peregre venum ierant. Nec negat Plutarchus σφραγίσαν Solonis ipsas fuisse tabulas novas vel χρεῶν ἀπογραφὰς. Constituit enim τὰ μὲν ὑπάρχοντα τῶν χρεῶν αἰεῖσθαι, πρὸς δὲ τὸ λοιπὸν ὅτι τοῖς σώμασι μηδένα δανείζεν· ut reliqua debitorum remitterentur, & ne corpora obligata pro credito posthac forent.

21. Ælianus lib. xiv. ποικιλ. cap. xxiv.

Χρημα-

Χρημάτων κατεφρόνησαν καὶ μεγαλοφροσύνην
ἐπεδείξαντο, ὁρῶντες ἐν πενίᾳ σὺν πολίταις ὄν-
τας, πλελίωντες αὐτοὶ ; ἐν μὲν Κορίνθῳ Θεοκλῆς
καὶ Θερασωνίδης, ἐν δὲ Μιτυλήνῃ Πραξις. Καὶ ὅν
καὶ ἄλλοις σωεβέβηκον ὀπκηφίσαν τῆς πενίας
τὴν ἀνάγκην τοῖς ὑποκεκμημένοις. Ἐπεὶ δὲ σὺν ἐπι-
θον, ἀλλ' αὐτοῖς τὰ ἐαυτῶν ἀφῆκαν χρεῖα· καὶ
ὤναντο σὺν εἰς ὀργήν, ἀλλ' εἰς αὐτὴν τὴν ψυ-
χίῳ. Οἱ γὰρ μὴ ἀφέντες, ὀπκημένοι τοῖς δα-
νείσαις, πρεβαλόμενοι τῇ ὀργῇ τῶν ὀπλων τὴν
ὀλογωπίαν χρεῖαν καὶ ἄμαχον τὴν ἐκ τῶν ἐπι-
θον ἀνάγκην, ἀπέκλιναν σὺν δανείσαις. Pecun-
niam despexerunt animumque magnum declara-
runt, quum ipsi in amplius opibus versarentur, cives
suos extrema penuria laborare cernerent, Corinthi
Theocles & Thrasonides, Mitylenis Praxis. Iidem
aliis, ut paupertatis onere indigentes levarent, au-
ctores fuere: quibus quum minime persuaderent,
ipsi sœnus suis debitoribus remisissent, eaque re non
quidem pecuniam, sed vitam lucrifecerunt. Et-
enim quibus debita non condonabantur, prætexentes
armorum iræ plenam rationis inopiam & indomi-
tam omnium necessariorum indigentiam, impetu
in eos facti sœneratores occiderunt. Ita enim po-
strema videntur scribenda: ubi vulgo, τὰ ὀπλα
καὶ ὀλογωπίαν χρεῖαν τὴν ἄμαχον. Videt
novas tabulas à totis propemodum civitati-
bus postulas: videt cives, triplo aut decuplo
majorem partem, qui cætera salvam rempu-
blicam & libertatem vellent, modo ipsis in ea

salvis & liberis vivere liceret, nullo Catilina, nullo regni captatore instigante, à paucis, qui scenore aliam turbam merferant, nobilibus divitibusque, quod vi & numero parare in promptu erat, petisse atque orasse, ut ære alieno liberarentur, & grave duxisse, non modo unum aut dimidiatum nummum in centenos, sed de centenis acceptis ullum reddere: & quum repugnarent creditores, Romanos secessisse; Athenienses tumultum fecisse, donec illis satisfaceret; Corinthios & Mitylenæos interfecisse, quos non erant læsuri, si preces admissæ forent, ut pepercerunt illis, qui admiserant.

22. Agin Eudamidæ filium numquid dicet Catilinæ similem fuisse? regem Sparta & Lycurgo dignissimum, verumque heroa, quamvis infelicem. Rem cognoscat. Epitadeus ephorus, odio filii, quem sine justa causa ex hæredare gestiebat, rhetram tulit, ἐξείναι τὸν οἰκτὴν αὐτῆς καὶ κληῖρον, ὡς τις ἐθέλοι, καὶ ζῶντα δύναι καὶ καταλιπεῖν Δαπιδέμενον. ut jus esset cuique bona sua & sortem, cuicumque veller, donandi inter vivos ac testamento relinquendi. Confestim exorti, qui variis modis extenderent latifundia, & infirmiores, atque etiam propinquos, possessionibus exsuerent: brevique omnia transiere ad paucos divitiis quærendis invigilantes, ut vix superessent ἐκατὸν οἱ γλυῦ κεκτημένοι καὶ κληῖρον. ὁ δὲ ἄλλος ὅχλος ἄπόρος καὶ ἄπιμος ἐν τῇ πόλει παρεκάθητο, τοῦ μὲν ἐξωθεν πολέμευς

πολέμους δ' ὄγῳ καὶ ἀπερθύμεως αἰμυρόμενοι,
 αἰεὶ δ' ἐπὶ πᾶσι καὶ ὅν τι τῶν μετ' ἐβόλῃς καὶ μετ'-
 σείσεως τ' παρόντων· id est, *centum, qui agrum &*
sortem haberent; cetera turba inops & abjecta de-
siderabat in urbe, belli hostem segniter atque ignave
propellens, domi autem semper captans opportuni-
tatem mutationis & rerum novarum. Tum Agis
 sancxit, χρεῶν μὴ ἀφειῆναι σὺν ὀφείλοντας, πῶ
 ἢ γλῶσσαν ἀναδιδῶναι, &c. ut *obearis as alienum*
remitteretur, ager divideretur &c. Atque ipse ut
 exemplo esset ceteris, πῶ αὐτῷ πρῶτον ἔσσαν,
 πολλὰ μὴ ἔσσαν ἐν τοῖς γεωργημένοις ἢ νεμομέ-
 νοις ἀνδρὶ ἢ τῶν ἐξακρόσια τάλαντα νομίσματος
 ἔχουσιν, primus suas opes, magnas in arvis & pa-
 sscuis, & super hac nummi sexcenta talenta, id est,
 ccclx. millia Philippum, in commune distri-
 buenda tradidit. Τὰ τ' χρεῶσιν γεγραμμένα,
 debitorum chirographa, quæ κλάεα vocabant,
 in forum congesta & combusta. Quam μεγα-
 λοψυχίαν νεανίσκος ita demiratus est populus,
 ut solum dignum Sparta regem trecentis annis
 exstitisse fama ferret. Hæc si valuissent, neque
 à pessimis hominibus turbata essent, non no-
 vum ac nefarium exemplum introductum
 fuisset Lacedæmone, regem innocentissimum
 & Heraclidam, reginasque paris nobilitatis
 ac virtutis carnifici subjiciendi: non Cleome-
 nes habuisset causam internecandi & tollendi
 ephoros, deinde imitatus & ipse Agis, cujus
 ex inimico nascebatur, & ausus ἢ αὐτῷ γλῶ-

ἀπασι πᾶσιν εἰς μέσον τίθεναι, & χρεῶν σὺν ὀφεί-
 λοντας ἀπαλλάττειν, & suos fundos in medio ponere,
 ac credita remittere suis debitoribus: deniq; Sparta
 recepisset disciplinam Lycurgi, qua septingen-
 tos per annos floruerat, nec fuisset locus tyran-
 nis. Ipsum immo Lycurgū χρεῶν ἀποκαταίειση-
 γήσας testis Plutarchus in Laconicis Apophth.

23. Easdem Megarensium angustias osten-
 dit inventum ipsis verbum ἡ Παλιντοκία. quip-
 pe δόγμα θεμυμοί σὺν τόκῳ ἀνέπεριτίοντο πα-
 ρεῖ τ' δανείων, ὅς δεδοκότες ἐτύγχανον, παλιν-
 τοκίαν τὸ γινόμενον περισσεύοντες, ut testatur
 Plutarchus in Quæstionibus Græcis: factò
 plebiscito à fœneratoribus, quas illis persolverant,
 usuras repetiverunt, & hanc παλιντοκίαν appellā-
 runt. De Heracleotis Justinus lib. xvi. quum
 plebs etiam novas tabulas & divisionem agrorum
 divites impotenter flagitaret. Inde scholæ de-
 clamatorum de novis tabulis loquuntur inter-
 dum, tanquam de re, ut sæpe fuit, legibus in-
 troduc̃ta. Quintilianus declam. cccxxxvi. Pa-
 ctus cum fratre majore, ut agrum communem pa-
 ternum ille susciperet & omni ari alieno satisfacere-
 ret, tabularum novarum lege lata partem agri pe-
 tit. Et in eadem: Sive istud liberalitate credito-
 rum factum est, sive (ut manifestum est) publica
 necessitate, non solvisti. Curius Fortunatianus
 artis rhetor. lib. 1. Repetebat ab amico suo pecu-
 niam cum usuris, quasi creditam. Ille offerebat si-
 ne usuris, tanquam depositam. Inter moras judicii
 lex relata est de novis tabulis.

24. Nugatur igitur strenue, quum me ait ab seditiosis decoctoribus petere argumentum ad improbanda quæ publice essent utilia. Nihil ego publice utile improbo: sed exemplis civitatû, in quibus multo maxima pars populi novas tabulas poposcit, demonstro, fuisse nationes adeo inopes & usurarum impatientes, ut insigne onus putarent, vel centesimam sortis partem annuam usurarum loco solvere, quod iste negaverat. Non erant novæ tabulæ signum reipublicæ bene compositæ: & hanc occasionem sæpe aucupati sunt homines populares ac tyrannidi insidiantes, si bonorû cessaret æquitas: sed non propterea desinunt esse argumentum, fuisse populos, qui graves paterentur vel duodecimā centesimæ menstruam usuram pro ære credito ex pacto exigentes: quippe quæ ostendant hos populos eo devenisse inopiæ, ut ne ipsam quidem sortem possent reddere. Cicero reprehendit novas tabulas? Et quis non reprehendat, si potest alia ratione concordia consuli & æs alienum tolli? Quid factum sit, non quid utilius factu fuerit, hac parte quæritur.

25. Dixi secundo, hanc interrogationem adversarii confutari numero illarum civitatum, quæ besse aut quadrante deciderunt. Ad hoc ille: Quid ad rem? earum rectores, quantum oneris pro pecuniæ usu civibus suis imponi posset, prudenter attenderunt: Romæ idem factum jam dixi. Putavit nimirum besse aut

aut *quadrante decidere*, esse, legem ferre, ut usuræ non sint justæ, nisi quadrantes aut besse: ut quum Romæ ex unciario semunciarium scenus factum est, (quod ille contendit esse à centesimis ad semisses redactum:) & hanc prudentiam laudat magistratum æstimatorum, quid pro usu pecuniæ civibus imponendum sit. Sed discat, *decidere besse*, Latine dici, ita cum creditore transigere, ut sine ullis usuris, ne forte quidem integra, pro tota summa crediti recipiat duas ejus tertias: ut pro centenis nummis, quos debitori numeraras, si liberes illum renumeratis senis & sexagenis & besse unius nummi: discat *decidere quadrante*, esse, non reddere ultra quartam partem crediti, ut pro centum nummis vicenos quinos. Sic apud Martialem:

Conturbabit Atlas, & non erit uncia tota,

Decidat tecum qua pater ipse deum.

Idem alibi:

Solvere dodrantem nuper tibi, Quinte, volebat

Lippus Hylas: luscus vult dare dimidium.

Accipe quamprimum: brevis est occasio lucri:

Si fuerit cacus, nil tibi solvet Hylas.

Jam videamus, an aliquid ad rem attulerim. Ille negabat inveniri posse populum adeo inopem, ut ei *usura uncia*, hoc est, unus in centenos annuus, graves essent. Ego contra inveniri populos dixi, apud quos creditores coacti fuerint sortem absque usuris recipere magna parte

parte imminutam. Sic Vellejo Valerius Flac-
cus consul auctor legis, qua creditoribus quadran-
tem solvi jusserat. Sic Julius decrevit, ut debi-
tores creditoribus satisfacerent per aestimationem
possessionum &c. qua conditione quarta pars fere
crediti deperibat, teste Suetonio. Hi decide-
runt igitur dodrante. Festus: *Unciaria lex dici*
cœpta est, quam L. Sulla & Q. Pompejus Rufus tu-
lerunt, qua sanctum est, ut debitores decimam par-
tem. Locus in fine laborat: sed facile potest
sic restitui: *ut debitores duodecimam partem for-*
tis solvendo liberarentur. Hi deciderunt uncia.
Fallitur enim Matthæus Hostus, qui hanc le-
gem de unciis usuris vel unciario scœnore fuisse
existimat. Fallitur alius vir eruditissimus, qui
censet ea lege duodecimam debiti partem re-
missam debitoribus fuisse.

26. Nunc ego justius quæram, quid ad rem „
quod sequitur, Romæ idem jus nullumque „
discrimen fuisse decoctoris & debitoris, cujus „
fortunas tristis aliquis casus perdiderat. Equi- „
dem scire cupio, qua vi ex tali proposito tale „
consequens efficiatur: Romæ non distingue- „
batur creditor utrum fortunæ inclementia an „
sua culpa decoxisset, ergo recte scœnus unci- „
arium centesimæ adæquatur. Sic enim loqui- „
tur, quasi operæ pretium faciat: Ne quis exi- „
stimet, à me præter rationem in republica „
paupere unciarium scœnus centesimæ adæquari, „
cogitet, ibidem prærogativam &c. Hæc igi- „
tur

tur cogitatio contendere in nobis atque elaborare potest, ut istum non præter rationem rem omni ratione defectam statuisse, existimemus: Hoc est, Centaurus potest generare Chimæram. Et iterum: Quis credat rigidos hos iusti antistites, audire voluisse illos, qui *fœnorii unciarii*, centesimæ æquivalentis, iniquitatem incusatum veniebant? Profecto maluerunt non audire: sed estne hoc rogare hominis, qui primos unguiculos attigit historiæ Romanæ? Qui communis concordiæ causa toties concesserunt egenæ aut querenti plebi, qui toties etiam lascivæ & honores ac sacerdotia contra morem majorum petenti, illos non credit audire voluisse accusantes iniquitatem centesimarum usurarum, ne ipsis quidem, qui ceperunt, aut permiserunt aut etiam ob præsentem reipubl. causam defenderunt, laudatarum. Ablegandus mihi rursus est ad illa, quæ necesse negat fuisse, ut tam prolixè traderentur, ut recordetur quoties non de centesimarum, sed multo inferiorum, sed denique & non semel omnium, quantularumcunque usurarum, iniquitate querentes audierint. Præterea qui audire doluerunt, non doluerunt tanquam rigidi iusti antistites, sed displicuit aliis tolli fidem infirmatis pactis conventis, aliis deteriora sibi reddi vectigalia. Denique, ut rigidi hi antistites iusti plerumque se passi sint flecti in tali causa, testimonium præbet

Sal-

Sallustius : *Sape majores nostri , miseriti plebis Romana , decretis suis inopia ejus opitulati sunt : ac novissime , memoria nostra , propter magnitudinem aris alieni , volentibus omnibus bonis , argentum are solutum est .* Non minus flagitiosum est , quod subjungitur : Nec unciarium scenus ad semunciarium redactum fuisset , nisi spes fuisset , sceneratores , qui mille artes norant illudendi legibus , ultra unciarium progressuros non fuisse . Deus averruncet talem legislato- rem qui legem fert ea spe fore , ut non nisi altero tanto , quam permissum est , violetur . Quasi diceret legis Fanniae sumptuariæ centenos vicanosque aris hanc vim habuisse , ut non nisi duceni quadrageni impenderentur . Possuntne hæc homini sano in mentem venire ? aut est aliquis tam prodigus suæ existimationis , ut venisse fateatur apud eruditos ? quid vocem , qui & pro veris & certis haberi velit ? Denique adliniit : Quod verotum quoque excederent , usura omnis plebiscito est prohibita . Vide quo delabatur indocta pertinacia . Etiani ex suo sensu probabiliorem rationem reddere poterat : nempe unciarium , quod vult esse centesimam , grave fuisse , ideo ventum ad semunciarium , ipsi semisses usuras ; has quoque fuisse graves , ideo omne vetitum . Præ hoc maluit comminisci gerras Siculas , quam ullo modo ad verum adpropinquare .

27. Edideram tertio , quantillum supra sortem

fortem aliquando intolerandi oneris videri non absurdum esse, quia scenus omne alicubi
 “vetitum est. Hoc ille sic refert: Sed quid in-
 “de tertio noster evicerit, aut cum ratione con-
 “cludet, quod alicubi scenoris nomen ignotum
 “fuerit? Atego vetitum dixeram, non igno-
 tum. An potest vetari, quod quid sit, nesci-
 tur? Cur ergo non vetuerunt hunc & hujus si-
 miles, si quem habet, Decemviri tangere res
 Romanas? Hæc fraus & malitia est. Non
 enim ignorabat me respicere ad plebiscitum
 Genucium, quo non magistratus, jure pote-
 statis, ad coercendos pauculos nummularios,
 quod centesimam excederent, cum semisses
 usuræ permissæ essent, prohibuerunt scenera-
 ri: sed populus extorsit magistratibus ac no-
 bilibus, si clientibus suæ pecuniæ usum con-
 cederent, ne quid eo nomine supra creditum
 acciperent, quod quicquid supra daretur, ho-
 mines sibi grave judicarent. Quarto opposui
 posse videri non onerosam centesimam sortis
 annuam, ubi fors non exit centenos, sed raro
 “intra illum numerum sisti. Ille nihil aliud ad
 “hoc, quam me garrire & ganeones attendi non
 “debere. Hoc vero garrire est & nihil respon-
 dere.

28. De tertio argumento pœne piget ver-
 bumfacere. Quis enim potest argumenti lo-
 “co habere: Antoninus & Alexander, laudan-
 “tur, quod trientibus usuris sunt scenerati:
 ergo

ergo in XII. tabulis *fœnus unciarium* est centesima. Illi merito laudantur, quod centesima esset permessa legibus: non duodecim tabularum, nam his jam ante quingentos annos bis obrogatum erat, tum quum semunciarium fieret, & tum, quum omne tolleretur: sed illis, quæ tum vigeant. Priores, quæ modum fœnoris arctaverant, brevi post lationem omnes fuerant irritæ: & videtur homo Iliensium dolere vicem, quod egregium civem Hectorem perdiderunt. Cur non optimi Principes, inquit, ut populo gratificarentur, jusserint potius fœneratores attendere ad duodecim? Rursus loquitur, ut historiæ ignarus, & eorum, quæ inanibus tractat, oblitus. Nihil his verbis, quæ objectavit mihi, jussisse fœneratores narratur: suam pecuniam, è fisco, fœnori dederunt, nec per nescio quos fœneratores, sed per procuratores suos. Sed quærit, cur non attenderint ad XII. tabulas? Dixi gratuitorum nullam esse necessitatem: nec qui octo condonat, illaudatum esse, etsi non undecim condonarit, quum nihil condonare compellatur. Hæc ait esse ex illis, quæ sciunt qui nondum ære lavantur. An ideo parum vera sunt? an minus valent ad demonstrandam vanitatem interrogationis, quam posuit? Caput illud XII. tabularum ante tot secula exoleverat. Vulgo quisque ex pecunia sua reficiebat, quod poterat, dumtaxat usque ad centesimas:

D

ut

ut qui trientibus contentus esset, rem magnam præstare videretur.

29. Corruptissima necessum est fuerint tempora, inquit. Judicio parum politico. Fœnus Romæ trientibus usuris majus permissum, Cæsare trientibus contento, non tam corruptorum temporum illorum nota est, quam libertatis & Principum pudoris, qui sceneratores, hoc est, divites, nobiles, optimos civium, & à quibus plurimum ipsa juvabatur respublica, exemplo quam rigida lege, præsertim quum toties id frustra tentatum viderent, emendare maluerunt. Et tentavit tamen Alexander: *Vsuras fœneratorum contraxit ad trientes pensiones, etiam pauperibus consulens*, ut scribit Lampridius. At id quoque parum valuisse docet lex 1. Cod. Theod. de Usuris, ubi Constantinus: *pro pecunia ultra singulas centesimas creditor vetatur accipere*. Pergit, sed statim offensans:
- Coërcendis fœneratoribus par fuit Tiberius. Quomodo coërcuit? jussit divites duas patrimonii partes in agris habere: & quum nihil sic proficeret, millies sestertium ex ærario sine usuris in triennium mutuum dedit. Idem Claudius, fidem faciente Tacito. Nihil habet pensi quid dicat, dummodo aliquid dicat. Quid enim Claudius? Vetuit jus reddi de illis, qui filiis familiarum credidissent. Non videt, quare major difficultas Pio & Severo fuerit, quam Diocletiano & Maximiano &c. qua-

si id ipsum, quod infamia illi puniunt, sub istis principibus impunitum fuerit. Præterea multa faciendi major difficultas fuit Antonino & Alexandro, quam Tiberio, Diocletiano, Maximiano.

30. Fœneratores, ait, secundum sequiorem sensum omnes illos habeo, qui usuræ modum jure definitum excedunt. Habeat ille, quicquid lubet: sed non habet, quod debet habere, hoc est, notitiam sermonis Latini. Quod unciarium, inquit, publice receptum centesimæ æquivaleret. *Unciarium fœnus* verum, duodecima centesimæ partis menstrua, non fuit publice receptum nisi paucis annis quarti seculi: at Antoninus nono, Alexander decimo seculo populi Romani vivebant: quum Lex XII. tabularum trunco, non frondibus, umbram efficeret: nec tamen sola, sed vix colebatur.

31. Constitutionem Impp. Gratiani, Valentiniani & Theodosii adduxi, non quod nescirem usuras contractuum differre ab usuris ex mora: sed quia plerumque ut imperantes agunt cum civibus, ita quisque cum alio: si mitius habentur, & ipsi minus tristes inter se sunt: ubi inclementius, & ipsi, cives an hostes comedant, parvi pendere incipiunt: & exemplum ex publico manat in privatos. Esse vero durissimam hanc legem quis diffitebitur? Justinianus *peßimi exempli* legem vocat: ubi in-

ter cætera: nec priscis legibus, quæ duas centesimas eis inferebant: ut intelligat non omnes priscas leges esse XII. tabulas. Hic vero spectatu dignum, ut lectoribus suis, quasi stolidis & bardis, sursum vorsum os sublinat officiiis. Sed viderit adversarius, inquit, quid profit dignum in hanc legem intendisse. Impp. testantur se progredi ex prisci juris formulis: hoc est, juxta duodecim tabulas, ut antea evicimus hoc intelligendum esse. Sed XII. tabulæ non meminerunt Centesima, verum fœnoris unciarum: necessum ergo est, ipse adversarius fateatur, (nisi conscientia suæ vim facere voluerit) illud, quod in XII. tabulis, seu jure prisco, fœnus unciarium vocatur, idem per omnia esse quod centesimam. Hæc qui legerint sine examine & non revocatis ad considerationem ipsius constitutionis verbis, putabunt duplam illam centesimam directo descendere ex lege XII. tabularum: hoc enim nisi sumatur, nulla istius collectionis virtus fuerit. At imperatores præstantur, se hætenus sequi duodecim tabulas, ut quemadmodum illæ falsam vindictiam ferentes duplione decidere jubent, sive, ut interpretantur Augusti, mala fidei possessorem in duplos fructus conveniri; sic ipsi reliquatores post sententiam, duobus mensibus elapsis, in non solum binas centesimas pendere jusserint. De qua duplici centesima, ut & de cessantibus satisfacere post duos menses nihil prorsus lex

xii. tabularum, sed judicatis durissimam conditionem imposuit, cujus jam meminimus, quæque exstat apud Gellium lib. xx. cap. i. Et tamen audet homo conscientiam loqui, quam aut nullam habet, aut si quam habet, horret.

32. Nunc tribus velitibus triarii quinque succenturiantur. Sed quum istorum velitum ductor Achilles, nulla re fuerit par heroi sui nominis nisi quod *πόδας ὠκύς*, & tergo non fauciato, sed bene flagellato fugerit, exiguam spem pono in triariis. Isti velites præmissi, erant, ut explorarent, quid aceti mihi esset in pectore. Præclaram militiam, quæ proficiscitur, ut exploret acetum. Quid facient triarii? amurcam credo aut muriam tentabunt. Prius triarius est locus Dionis, qui testatur scilicet usque ad Actiacum triumphum Romæ *δανείσµατα* fuisse *ἢ τῇ δερχµῇ*. Non potest os aperire, quin exhalet tetri primordia falsi. Ubi est apud Dionem, *VSQVE AD?* *ταῦτε δανείσµατα ἀγαπηλῶς ἢ τῇ δερχµῇ πρὸς τερὸν ὄντα*. An *πρὸς τερὸν* est usque ad? An quum fœnus esset triente, & uno die fieret bessibus, id tempus non fuit ante principatum Augusti? Bene auguratur me non dicturum, centesimam fuisse ordinariam illis, qui in foro mentas habebant: sed quum præfatur, Non puto, adeo impudentem fore adversarium, ineptit. Non enim hoc dicere impudentiæ foret, sed

stulticiæ: nihil enim ad rem faceret: sed hoc est perpetuum hominis peccatum: qualis ipse est, tales alios imaginatur. Dio de illa loquitur, ut legitima & jure concessa. Nihil apud Dionem neque de lege neque de jure video: sed ex eo moribus receptam fuisse intelligo, ita ut momentis variaret. Frustra igitur leges, senatusconsulta, plebiscita poscit in eo, quod consuetudine satis se tuetur.

33. Hic illud mirabile & reservatum, ὡς αὐτὸ νόμισμα δεχάϊον ἐν ἡσυχίᾳ πότεν αἰδέσθαι; *Fœnus Vnciarium*, quod postea usitatus jurisconsultis præeuntibus *centesima* dici cœpit. p. 36. & p. 42. quod subsequenter seculis usitatus *centesima* dici cœpit. Non igitur erat *centesima*, quum *fœnus unciarium* vocabatur: & illud vocabulum pro hoc, tanquam antiquario, comparatum est. Atqui persuadere voluit, *fœnus unciarium* dici respectu centesimæ, tanquam assis usurarii. Si nondum natus erat as usurarius, & patres expectabat jurisconsultos subsequenter seculorum, quomodo potuit ab eo denominari *fœnus unciarium*? Nisi forte genuit, priusquam natus esset. Sin exstiterunt ambo vocabula simul, & alterum pro antiquo spretum est, quid habet dulcius, suavius, blandius *centesima* quam *fœnus unciarium*, ut ex duobus juxta Saturniis, juxta situ marcidis, posterioribus seculis placeret? Utrum vox *Vnciarius* habet δεχάϊσμον, an hæc com-

compositio, *Fœnus unciarium*? Quid autem hæc vox habet olidius & magis fœculentum, quam *trientarium*, *quadrantarius*, *sextantarius*? quid compositio, quam *fœnus trientarium*, quo Lampridius & Capitolinus sunt usi? Sed ego propemodum molestus, qui tantis nugis reprehendendis immoror.

34. Secundus triarius est quod obvenit Ciceroni oratorum Principi. Expedi me quaeso, & cito absolve: pœne flentem concinnas: adeo invitus audio aliquid obvenisse Oratorum principi, quod ei summas molestias exhiberet. Sed non sic abibit: multa etiam falsa, inepta, aliena, me audire oportet, antequam nihil sciam. Quid est igitur? Cum Ciliciæ proconsole esset, Salaminii à Bruti familiaribus pecunias acceperant, per imprudentiam in syngrapha quaternas centesimas promittentes: sed cum Bruti familiares viderent sibi obstare legem Gabiniam, cujus duo erant capita: unum, ne cuiquam in provinciis dare accipereve pecuniam in versuram liceret: alterum ne gravior usura per provincias quam centesima foret; confugerunt ad duo Sc. de illa syngrapha facta. Hæsit vero hic Cicero, veritus ne ex Sc. cogeretur jus dicere de quaternis centesimis. Sed postea animadvertit illud Sc. non de quaternis exigendis cavere, sed ne fœneratores sortem ipsam amitterent, quia contra legem Gabiniam dedissent. neve

“ Salaminii mulctarentur, qui contra eandem
 “ legem accepissent. Remedio autem fuit alte-
 “ rum Sc. iisdem consulibus, nempe Lentulo
 “ Philippoque, conditum, quo statuebatur, ut
 “ iudiceretur ex illa syngrapha, qua Salaminii
 “ Scaptio debebant, cui singulas solum centesi-
 “ mas promiserant; quamquam hic (quæ erat
 “ hominis impudentia) ex altera syngrapha
 “ quaternas exigeret. Tantumne est? vix re-
 spiravi: sed non semper ego tantum auditor.
 Pilius hic sane quam copiosus est, & sarcinis
 minime recisis, neque ut in castra, sed ut ad
 mercatum profectus, opulenta præda victori.

35. Quatuor igitur hic gravia peccata.
 Primum quum ait Salaminios à Bruti familia-
 ribus accepisse pecuniam, per imprudentiam
 quaternis centesimis promissis. Quam enim
 imprudentiam? Scilicet hi soli ignorabant
edictum provinciale Luculli, quod omnes boni
 dumtaxat Prætores & Proconsules illarum
 partium in suo edicto tralatitium habebant.
 Ita enim appellandum est, non *Lex Licinia*, ut
 imprudenter Manutius & Bosius. Legem
 enim Romæ ferri & populo Romano iubente
 oportebat. Plutarchus nihil aliud quam ἐξέ-
 λασ. Immo astute Salaminii, ut acciperent
 nummos, quaternas promiserunt, satis freti
 per magistratum provincialem non nisi cente-
 “ simas duros: quod & pœne evenit. Iterum
 “ delirat, cum alterum caput legis Gabinæ fa-
 cit,

cit, ne cuiquam in provinciis dare accipereve,
 pecuniam in versuram liceret. Ne dicam, sic
 eum loqui more suo bene barbare: voluit
 enim: ne cui in provinciis facere versuram aut
 scœnori dare liceret. Quæ hæc lex mira, pro-
 hibens omne scœnus in provinciis? quis hoc
 audivit unquam? Immo, ne Romæ cuiquam
 provincialibus ibi morantibus collocare lice-
 ret. Tertius error est, quum alterum caput
 ejusdem legis facit, ne gravior usura per pro-
 vincias quam centesima foret. Hujus mihi
 det auctorem. Non potest autem alium, quod
 sciam, dare quam nuperum, & hic, opinor,
 habuit Aufon. Popmam, à quo hos carbones
 pro thesauro suffuratus est. Non ita Antonius
 Augustinus: *Vt neve in urbe versuram facere*
(puta provincialibus) neve ex syngrapha jus di-
cere adversus provinciales homines liceret. Non
 Leonardus Malaspina: *Ne pecuniam Romæ quis*
provincialibus daret, neve illi acciperent: sin data
fuiſſet, de ea syngrapha jus ne diceretur. Nec po-
 test hoc fuisse, si fuit, quod iste edidit, alterum:
 nam si permittitur centesima, permittitur scœ-
 nerari: si prohibetur scœnerari, negantur cen-
 tesimæ. Verba Ciceronis: *Cum Romæ versu-*
ram facere vellent, non poterant, quod lex Gabinia
vetabat. Iterum: *quod ex syngrapha jus dici lex*
Gabinia vetaret. Denique: *vetabat autem lex*
jus dici de ita sumpta pecunia. Hic solus fundus
 hujus rei. Tentaverat id ipsum in tribunatu

suo C. Cornelius, quod Gabinus perfecit. Asconius Pedianus in orat. pro Cornelio: *Retulerat ad senatum, ut, quoniam exterarum nationum legatis pecunia mutua magna daretur usura, turpique & famosa ex eo lucra fierent, ne quis legatis exterarum nationum pecuniam expensam ferret. Cujus relationem repudiavit senatus, & decrevit satisfactum videri eo Sc. quod ante annos aliquot Cn. Domitio C. Calio Coss. factum erat, cum senatus ante pauculos annos illo Sc. decrevisset, ne quis Cretensisibus pecuniam mutuam daret. Cornelius ea re offensus senatui, questus est de ea re in concione, exhauriri provincias usuris: providendum, ut haberent legati, unde in praesentia pecuniam creditoribus darent. Id igitur tum irritum postea effecit hic Gabinus. Quarto impingit, quum ait alterum Sc. factum, quo statuatur jus dici de illa syngrapha, qua Salaminii Scaptio debebant, cui singulas solum centesimas debebant, quamquam hic ex altera syngrapha quaternas exigeret. Vide qua imprudentia homo contraria loquatur. Præcedenti pagina scripsit, Salaminios per imprudentiam quaternas promississe: hic tantum singulas. Num quid aliud debebant quam promiserant? Ubi autem apud Ciceronem mentio duarum syngrapharum? aut quis ita sibi patitur obrepi, ut duabus syngraphis, altera centesimas, altera quaternas promittat? Putes inductum verbis Ciceronis lib. vi. epist.*

II. Salaminios adduxi, ut totum nomen Scaptio vellent solvere, sed centesimis, ductu à proxima quidem syngrapha, nec perpetuis sed renovatis quotannis. Sed eundem sensum his verbis comprehendit Cicero epist. I. Confeceram, ut solverent centesimis sexennii ductu cum renovatione singulorum annorum. Ergo centesimis ductu à proxima syngrapha est centesimis sexennii ductu. Lentulus & Philippus consules fuerunt anno urbis DCXCVII. Cicero proconsul anno DCCII. Sulpicio & Marcello consulibus. Convenit numerus: ab illis ad hos est sexennium. Habent tamen aliquid scabri verba ista, à proxima quidem syngrapha. Manutius coniecit, à prima quidem syngrapha: ut solent ponere à primum, ubi non respiciat alias ejus generis res, sed ejusdem rei partes, locum, tempus: veluti quum Terentius, in prima fabula, pro primo actu fabulæ; Cicero in prima provincia, quod est in aditu provinciæ. Nec repugno, & suspicor tamen: à proxima die syngrapha. Erat dies definitus in syngrapha, quo fecissent illam contrahentes: erat dies, quo solum iri stipulati essent creditores, respondissent debitores. Dies igitur proxima syngrapha scilicet factæ diei, est dies, qua renumerare pecuniam Salaminii debuissent, & quia non renumeraverant, usuras debere cœpissent. Sed utcumque hæc se habeant, nihil est causæ, cur duas syngraphas imaginemur, & quidem non

non ejusdem exempli, quum in altera centesimæ, in altera quaternæ centesimæ caverentur. Quid autem, Remedio fuit alterum senatusconsultum? nam si jam animadverterat Cicero, prius illud Sc. non de quaternis exigendis cavere, sed ne sceneratores sortem amitterent, non erat, cur ultra hæreret, aut aliud remedium exspectaret.

36. Nunc sententiam loci peragamus. Salaminii Romæ pecunia indigebant. Nemo dabat ob metum legis Gabinæ. Scaptius tandem & Matrinius, freti gratia Bruti, qua se sperabant legem Gabiniam perfringere posse, voluerunt dare quaternis, si solverentur illa lege. Fit Sc. gratia Bruti, ne aut Salaminii aut qui dedissent, fraudi esset. Pecuniam numerant. Postea venit in mentem sceneratoribus, se hoc Sc. tutos esse, si ultro redderent sortem cum scenore Salaminii: sed si gravarentur, & vi prætoris vel proconsulis impellendi essent, parum effecturos, quod non modo vetitum esset dare vel accipere provincialibus Romæ, sed & magistratibus, ne ex tali syngrapha jus redderent. Impetrarunt igitur eadem Brutigratia Sc. aliud, quo hæc syngrapha, quippe ex auctoritate Senatus facta, jubebatur esse eodem jure, eademque vi, qua aliæ syngraphæ, quas per leges in provincia facere cuivis liceret. His ex instituto Luculli non nisi centesimæ ducebantur. Itaque per
formu-

formulam hujus Sc. integrum erat Ciceroni
 servare edictum suum, & non morari usuras in
 syngrapha expressas. Hæc est historia loci,
 ex qua velim videre, quid homo mentis bene
 sanæ ad præsentem quæstionem de scœnore
 unciario colligere possit. At ille cornicum
 oculos confixit. His præmissis, inquit, atten-
 damus ad sequentia. I. Lege Gabinia licitum
 fuit per provincias centesimis contrahere.
 Nempe ut quidvis licet quacumque lege, cu-
 jus in ea nulla facta est mentio. II. Has sena-
 tus in contractu Salaminiorum ut justas pro-
 bavit. Nihil mendacius. Senatus, gratia
 potentis hominis inductus, probavit syn-
 grapham adversus legem Gabiniam, in qua
 quaternæ centesimæ perscribebantur, igno-
 rans vel dissimulans, quid in ea de usuris cau-
 tum esset: tantummodo, ut fors scœnatori-
 bus salva esset. III. Cicero de illis ut justis
 jus dixit. Nempe ex edicto suo, in quod edi-
 ctum hoc caput ex edicto Luculli transtulerat.
 Quæ sequuntur, summam arguunt imperitiam
 veteris historiæ. Quæ vero iniquitas fuisset,
 si Romæ per leges XII. tabularum, duodeci-
 ma solum centesimæ pars maxima usura fuisset,
 & tamen promiscue omnibus, lege quo-
 que lata centesimis in provinciis scœnerari li-
 cuisset? Tabulis duodecim cavebatur civibus
 & tradebatur jus Quiritium: hi erant pro-
 vinciales. Tabularum duodecim hoc caput
 tunc

tunc temporis ne in civibus quidem valebat, quippe quod statim à primo ortu irritum fuerit. Præterea in Græcia & Asia semper majores usuræ viguerunt etiam inter ipsos incolas quam Romæ. Super hæc id ævum erat, quo non sine causa Mithridates culpabat *rapacitatem Proconsulum, sectiones publicanorum, calumnias litium*, ut est apud Pompejum Trogum. Itaque adeo non fuit hæc iniquitas, quicquid Romæ foret, ut contra summa clementia merito prædicetur Luculli & aliorum, non nisi egregiorum, qui intra hunc modum sistere usuras jusserunt. Laudat xli. tabulas & laudavit superius. Hæc vero supervacua, nec necessum erat cur inculcaret. Quis enim vituperat? sed profecto reprehensionem merentur, sicubi cruentas centesimas, pro justis sanxerunt. Ita nunc mulus hic Marianus abeat, injusto fasce, quo undique clausus, quasi crudellarius, incedebat, exutus & fugæ paratior, & qui nihil habet, quod ostendat à tergo, nisi quod clurinum pecus.

37. Tertius autem ubi sit, qui sit, quæ arma ventilet, etiamnum quæro; tanta est nebula & colluvies inutilium verborum. Quamquam centesima, incipit, ut ipse adversarius testatur, Romæ usura maxima & as quasi usurarius fuerit. Quæ frons ferrea, quod cor plumbeum, si non hujus hominis? Palam pag. 19. in hac quæstione rejeci illud centesimam usuram

usuram maximam : monui, ubi quæritur causa, cur assis partibus genera usurarum censeantur, quæ intra centesimam sunt, inutiliter centesimam, ut maximam, considerari : nam jurisconsulti in Digestis, cum sic appellant, aliud volunt omnino, quam viri docti, qui hoc captabant, ut *assem suum usurarium* exstruerent. Palam pag. 31. improbavi antiquis inauditum illum *assem usurarium*, monuique id genus loquendi gravium errorum fuisse principium. Et tamen hic me facit testem centesimam usuram fuisse maximam & quasi *assem usurarium*. Quamquam igitur non mihi, sed „ isti barbaro Poticio, Centesima sit usura ma- „ xima Romæ & as usurarius, non semper tamen „ argentarii centesimis suam pecuniam mutuam „ dare potuerunt tempore Ciceronis quoque. „ Hicne subsedit ille in medio agmine cum vecti Donax, ille Gamma triariorum, quem in me immittit Alpha dialecticorum ? Valde quidem obscurus, hic si est, & qui latere magis quam pugnare velle videatur : cui fallere & effugere sit optimus triumphus. An potius minatur inde, Nusquam autem legitur, *scenus* „ adeo leve fuisse, ut non surrexerit ultra duodecimam partem. Putabam hoc in quæstione nobis esse : nunc, ut video, argumentum est. Sed nec usquam legitur centesimas à duodecim tabulis profectas. Nisi tamen stabulatur in istis, Lego quidem apud Ciceronem :

Fænus

- “ *Fœnus ex triente Idibus factum erat besibus.* Sed si unus dies fœnus ita mutare potuit, haud dubie nullus ei tum lege modus aut præfinitus fuit aut præfinitus valuit. Fortassis autem adhuc ocquiniscebant & nidamenta congerebat in vepreto; nunc vero Ἰνὶ τὰ Φρονίων, Τρώεας & Φαδρός, Achilleum clamabit: Quis sibi vero
- “ persuadeat, Leges XII. tabularum hoc seculo
- “ & præcedentibus aliis dormivisse? Immo quis sibi persuadeat, caput Legis XII. tabularum de fœnore, quum ante annos plures trecentis resolutum ac sopitum obdormiisset, hoc demum seculo evigilasse aut expergefactum esse? Nihil hic homo meminit, nisi ei centies inclametur. Lex de unciario fœnore statim, postquam lata erat, obdormivit, & non modo artibus fœnerantium & necessitatibus mutuantium, sed & aliis legibus; veluti de semunciario fœnore, de omni usura in contractibus cavenda, sopita & abolita est. Immo
- “ hic potius obrepit: Maxime quod parati
- “ essent quadruplatores. Certe & accusati & puniti sunt etiam citra quadruplatores. Livius lib. x. Cn. & Q. Ogulnii adiles Curules aliquot fœneratoribus diem dixerunt, quorum bonis multatis &c. Lib. vii. Iudicia eo anno tristia in fœneratores facta, quibus ab adilibus dies dicta esset, traduntur. lib. xxxv. Iudicia in fœneratores eo anno multa severe sunt facta accusantibus privatis adilibus curulibus. Sed quid hoc ad causam?
- Quæ-

Quæstiones istæ non sunt habitæ ex lege xii. tabularum, sed ex plebiscito Genucio de non scænerando : neque illis omnes, qui peccaverant, (nam id fuisset infinitum) sed, ut sit in grassantibus vitiis, invidiosi quidam & infelices sunt irretiti. Quid si tamen in Equo Trojano sit in extremo : Sed quod unciarium scæ-, nus centesimæ æquivaleret, qui centesimis, scænerabantur, contra xii. tabb. non peccabant. Hoc est, quia quod volo, id ita esse volo contra omnem rationem & fidem, volo etiam lectorem credere se tertium accepisse argumentum, etsi dictum nihil sit. Ita tertius hic triarius, quamvis strepitum fecerit, nullotamentelo misso, transit Orci galea tectus & invisus incognitusque, tanquam Psyche ministerium.

38. Cæterum ut lector pro tam futile loquacitate habeat aliquid solidi, recognoscat verba Appiani lib. i. Ἐμφυλίων· Τῶ δ' αὐτῶ χρόνῳ καὶ τὸ αἶψα οἱ χρησταὶ πρὸς ἀλλήλους ἐστάσιασιν. Οἱ μὲν πρᾶττοντες τὰ χρέα πρὸς τούτοις, νόμος πινὸς παλαιᾷ προαγορᾷ· οἱ μὴ δανείζην ὑπὲρ τούτοις, ἢ ζημίαν τὸν ἔτιω δανείσονται· πρὸς φλήν· (ὥστος εὐφῆναι γάρ μοι δοκεῖσιν οἱ πάλαι Ρωμαῖοι, καθάπερ Ἑλλῆνες, τὸ δανείζην &c.) ἔθες δὲ χρονίᾳ σὺν τέκῃς βεβαιῆναι, οἱ μὲν καὶ τὸ ἐθῶ ἦσαν· οἱ ἢ οἶον ἐκ πολέμων τε καὶ σεισῶν ἀνελθόντες· εἰσὶ δ' οἱ καὶ τῶν ζημίαν σὺν δανείσῃ ἐκπίδναι ἠπείλυν, Hoc est,

E

Eodem

Eodem tempore (anno U.C. DCLXIV. Cn. Pompejo Strabone L. Porcio Catone Coss.) & in urbe creditores ac debitores inter se dissidebant. Creditores quidem, qui sub usuris mutuum dedissent, quum veteri quadam lege prævetitum esset fœnerari, aut qui fœnerati essent, mulctam deberent (videntur enim prisci Romani aversati fœnus exemplo Græcorum &c.) hi igitur quum longa consuetudo usuras recepisset & confirmasset, pro more exigebant: debitores vero bella & seditiones proximas causati, solutionem differebant; erant etiam, qui minarentur se mulctam populo à fœneratoribus ex lege petituros. Locus hic insignis & instituto nostro valde congruens. Illud, οἱ χρεῖται πρὸς ἀλλήλους, Latinis est inimitabile: nam eadem vox ὁ χρεῖτης, καὶ ὁ δανειστής, καὶ ὁ χρεωφιλότης, & utrosque hic complectitur. Cæterum agnoscit Appianus, fœnus lege vetitum fuisse. Agnoscit nihilominus impune diu exercitum & longa consuetudine contra legem succrevisse & convaluisse. Agnoscit neutros decurrisse ad legem duodecim tabularum de uncario fœnore: non creditores, quia haud dubie majus exercuerant fœnus, nec Vnciarium intelligebant, nisi cum duodecima centesimæ menstrua infertur; non debitores, quod illa jamdudum senio confecta quiesceret aliisque severioribus ea de re rogationibus cessisset. Agnoscit fœneratoribus præsidium fuisse unum, ἐν τῷ χρεόνιον σὺν πέντε βεβαῖον, longi-

gani

gani consuetudinem usuras adfirmantem. Agnoscit nec debitores omnes omnino recusasse, usuras objecto plebiscito Genucio, sed, utpote gnaros id millies contemptum & usu quasi abrogatum, quibus aliquis pudor supererat, moras tantummodo quæsiuisse; quosdam improbiores minis egisse, tanquam ex lege vel rogatione Genucia (quæ contraria lege nunquam abrogata erat) multam populo petituros à creditoribus, quod scœnerassent. Pergit Appianus: Οδὲ στρατηγὸς Ασπιδίων, ὃ τῶν τα προτέκλετο, ἐπεὶ Ἀσπιδίων αὐτὸς οὐκ ἐπέθεν, ἐδίδε καὶ ἀσπιδίων αὐτοῖς δικαστήρια, πῶς ἐκ τοῦ νόμου καὶ ἐθὺς ἀπορίαν ἐς τοὺς δικαστὰς παρεφάρων. Prætor autem Asellio, *cujus ea jurisdictio erat, quum ad conditiones perducere illos non potuisset, judicia utrisque reddebat, iudicibus rem perplexam ob legis & consuetudinis pugnam committens.* Hinc rursus apparet sompnus & silentium legis XII. tabularum de unciario scœnore, qualecumque illud fuerit: apparet infirmitas plebisciti Genucii, quum Prætor & laborarit, ut deciderent litigantes, & confessus fuerit iudicibus dubitationem suam, quod hinc staret lex, inde consuetudo. Quorum neutro fuisset opus, si aut lege XII. tabularum defenderentur scœneratores, aut lex de non scœnerando, ullave alia de modo scœnoris ad id locorum valuisset, & exacta severe atque exercita fuisset.

39. Quartus triarius levis est & valde æstive viaticatus. Usuræ centesimæ in Pandectæ juris civilis Romani *gravissima* nuncupantur & *legitima* & *maxima*. Recte *gravissima*: nunquam enim non graves centesimæ fuerunt, et si Duillium tribunum plebis pro beneficio eas largitum esse censeat noster. Et *legitima*: quia quo tempore fragmentorum juris auctores scripserunt vigueruntque, jus de illis reddebatur. Denique *maxima*, quia majores terrestres centesimis leges Cæsarei juris non admittebant. Vocitantur ibidem sæpe *legitima*, quæ ex jure duodecim tabularum descendunt. Quidni? Sed & sæpe, quæ non descendunt: neque enim, opinor, solæ decemvirorum tabulæ legum numerum obtinebant. Veruntamen omnia *legitima* ex aliqua lege. Concedo. Quia non potest alia lex nominari, ea est XII. tabularum. Hic indispensato & vano ictu sese effundens corrui, velut vetulus bos, triarius, & cere-comminuit-brum. Quot enim fuerunt leges, quæ nominari non possunt, atque ignorantur? Ex duodecim quidem tabulis hæc lex peti nequit, quia (tanquam intercalarem versum ubique me cogit hoc sibi occidere) quod in XII. tabb. cautum erat de fœnore, ante multa secula evanuerat. Legem de fœnore tulit & Cæsar Dictator: *οὐκ ἐπισυμβολαίων* ejusdem materiæ Tiberius: credibile est etiam prætores, qui rigorem juris legitimi identidem

dem emoluebant, in annuo edicto de scœnore caput habuisse tralaticium & pro temporibus mutatum. Horum aliquid aut constitutionem serioris Imperatoris, neglectam Triboniano, respicere potuerunt jurisconsulti: duodecim tabulas in hac causa non potuerunt.

40. Habet & iste triarius. Sed tantam pronuntiavit mercedem rei, quam præstari non posse confidebat, ut incitaverit laborem nostrum, donec præstaremus. Pollicetur enim pag. 37. Si poterit legem vel senatusconsultum vel plebiscitum adducere, quo centesima in urbe permissa fuerit, ut ordinaria usura, manus dabo, & publice errorem confitebor. Det, age, manus & publice errorem confiteatur: Senatusconsultum præsto est, factum Ser. Sulpicio M. Claudio Marcello consulibus, anno urbis DCCII. De quo sic Cicero lib. v. ad Atticum epist. XXI. *Habes meam causam, quæ si Bruto non probatur, nescio, cur illum amemus: sed avunculo ejus certe probabitur: præsertim, QVVM SENATVS-CONSULTVM MODO FACTVM SIT, puto, postquam tu es profectus, IN CREDITORVM CAUSA, VT CENTESIMÆ PERPETVO FOENORE DV-CERENTVR.* Nec aliud respexit Brissolinus lib. III. Antiq. cap. I. quum ait: Puto, autem hoc esse Gabinia lege senatusque consulti effectum: quibus hoc comprehensum,

„ fuisse Cicero lib. v. ad Atticum indicat, ut in
 „ creditorum causa centesimæ perpetuo fœno-
 „ re ducerentur, vetitumque ex ea syngrapha
 „ jus dici, ex qua majus usura centesima fœnus
 „ promissum esset: nec tantum fœneratoribus
 „ & supra modum lege constitutum accipienti-
 „ bus, sed & versuram facientibus pœnam con-
 „ stitutam. Ad quod noster sic digrunit: Ve-
 „ rum ex Cicerone, qui hic ad suffragium vo-
 „ catur, nihil aliud eviceris, quam legem Ga-
 „ biniam per provincias fœnus ordinasse, & pro-
 „ hibuisse excedere centesimas. Si totam epi-
 „ stolam legisset, aut eam Ascensiano more,
 „ quem deridet, interpretari quemquam un-
 „ quam audivisset, sciret hoc falsum esse, & plus
 „ ex Cicerone evinci. Nam lex Gabinia jam
 „ lata erat anno V.C. DCXCVII: hoc senatus con-
 „ sultum factum anno DCCII. mense Sextili vel
 „ Septembri, postquam Atticus in Epirum erat
 „ profectus. Cogitaverat exire urbe circiter
 „ Cal. Sextiles: XI. Cal. Octobris non dubita-
 „ bat in Cilicia Cicero, quin jam movisset:
 „ deinde gratulatur ei, postquam pervenisse
 „ cognorat, & literis narrat, quid Nonis Octo-
 „ bribus in senatu actum sit. Lex Gabinia veta-
 „ bat Romæ morantibus provincialibus in fœ-
 „ nus dari, provinciales accipere, & si factum
 „ esset, de tali syngrapha jus dici: hoc Sc. con-
 „ stituit, ut creditoribus Romæ cives solverent
 „ usuras centesimas sine anatocismis. Subjicit
 „ Cicero

Cicero Luccejum questum per literas, *summum esse periculum, ne culpa senatus, his decretis, res ad novas tabulas perveniret. Quod non potest referri ad legem Gabiniam, utcumque illa formetur: sed ad hoc Sc. egregie pertinet. Veretur enim Luccejus, ne quia Senatus tantopere faverit creditoribus, multitudo obæ-ratorum nanciscatur magistratum popularem, qui roget novas tabulas: ut triennio post C. Julio Cæsare II. P. Servilio Isaurico Coss. nacta est prætorem M. Cælium Rufum: quas & præcedente anno C. Claudio Marcello L. Cornelio Lentulo Coss. Cæsarem ex Hispania, ubi legatos Pompeji, Petrejum, Afranium, Varronem vicerat, reducem poposcerat. Appianus lib. II. civilium: Αἰτῶσι δὲ αὐτοῖς καὶ χρεῶν ἀποκοπὰς διὰ τὰ πολέμους καὶ πόλεως καὶ τῶν ἐκ τῶνδε τοῖς πιπρεσσομενῶν δυνάμιαν, τὰς μὲν ἀποκοπὰς οὐκ ἔδωκε, πμητὰς δὲ τῶν οἰνῶν ἀπέφηνεν &c. Petentibus autem & novas tabulas propter bella & seditiones & hac secutam possessionum vilitatem, novas quidem tabulas non concessit, sed æstimatores possessionum designavit. Peccavit tamen Brissonius miscendo, quæ miscere non debebat. Primum nullæ partes hic legis Gabinix. Deinde comprehensum fuisse senatus consulto, ut in creditorum causa centesimæ perpetuo fœnore ducerentur, verum est, & in hoc sistere illum oportuit. Quum subjungit, vetitumque ex ea syngraphâ,*

“ jus dici, ex qua majus usura centesima fœnus promissum esset, plus dicit, quam ex Cicero-
ne colligimus: & durum esset etiam in futu-
rum, nedum in præteritum. Neque enim in-
telligimus, Senatusconsultum irritas reddi-
disse syngraphas, in quibus plus centesimis
perscriptum esset: nam fœnus, ut paullo ante
ex Appiano docuimus, etsi vetitum lege, in-
valerat tamen valebatque consuetudine contra
legem: sed rescuissse & abolevisse, quicquid
supra centesimas esset promissum. Quod au-
tẽm apud Ciceronẽ est de jure non reddendo
ex syngrapha, id effertur de syngrapha, qua
fociis Romæ fœneratum esset. Similiter cum
“ scribit Brissonus: nec tantum fœneratoribus
“ & supra modum lege constitutum accipienti-
“ bus, sed & versuram facientibus pœnam con-
stitutam, errat: nam in lege Gabinia nullus
constitutus fœnoris modus: sed pœna & in-
dantes Romæ fœnori provincialibus & in
provinciales accipientes. Senatus autem con-
sulto de centesimis perpetuis ducendis num-
quæ talis addita fuerit sanctio, ignoramus,
quia id siluit Cicero. Hoc igitur Senatuscon-
sultum fuit initium pro legitimis habendi cen-
tesimas: sive ipsum illud respexerunt Juriscon-
sulti, sive caput ejusdem sententiæ additum
aut in Prætorum edicta aut in leges Julii Ti-
berii, quo caveretur, per æstimationes pos-
sessionum Julii aut mutuũ gratuitum Tibe-
rii

rīi ære alieno sublato, in posterum non excedi centesimas, nisi nautico scēnore.

41. Quintus triarius subarroganter sese infert, καὶ μέγα φρονεῖ ἐφ' ἑαυτῷ, tanquam aliquis ex Comœdia Pyrgopolinices: instar omnium vult esse, & solus negotium conficere.

Quid dabit hic tanto dignum promissor hiatu?

Lex XII. tabularum scēnatores, qui scēnus unciarum excederet, condemnat quadrupli. Centesimam ultra si quis aliquid eruerit, Theodosius condemnat quadrupli. Ergo centesima est scēnus unciarum. Sed scit ex lege artis hac figura non colligi adfirmata. An igitur sic mavult: Quadrupli scēnatores condemnant duodecim tabulæ, qui excesserit scēnus unciarum. Quadrupli condemnat Theodosius, qui excesserit centesimam. Ergo centesima est scēnus unciarum. Sed & hoc σόφισμα est: nec nescit, opinor, sic colligi debere: Ergo quidam, qui excessisset usuram legibus permissam, eodem modo puniebatur à Theodosio, quo in duodecim tabulis. Quæ vero sit illa usura legibus permissa, nihil sic definitum est. An denique sic statum ad præliandum componit: Quicumque legem XII. tabb. respexit in pœna scēnoris illegitimi, is eandem etiam respexit in scēnore definiendo. At Theodosius respexit legem XII. tabularum in pœna scēnoris illegitimi. Ergo & eandem

E 5 respe-

respexit in modo. Sed nullam necessitatem esse prioris ex positis docuit ipse, quum pro regula laudat mea verba pag. 17. & 29. Non enim scenus crimen est, nisi ubi omne vetitum est, nec unus ejus tantummodo omni tempore modus. Eat nunc & dicat me dialecticis operam non dedisse.

42. Arrodit deinde & conspuat hæc Aëllō disquisitionem meam de occasione & origine translati ad usuras assis ejusque partium: quam me cogit obrectator contra meum institutum laudare. Nemo enim alioqui minus sibi fidere, nemo sua facere minoris. Sed hæc est, in qua ego incessi omnibus læticiis: quam Deo, ingenii datori, inter prima, quæ in bonis literis utiliter elaboravi, acceptam refero: ob quam illi gratiarum hecatomben cecidi. Infelix palatum, quod ad has delicias obbruit, & Hyblæum vel Hymettium mel pro Sardoo averfatur: cæci oculi, οἱ πέντες τὸ σκότῳ φῶς, καὶ τὸ φῶς σκότῳ. stupidæ & verminantes manus, quæ quocumque moventur, aculeos sentiunt, & vel byssi tactum velut vulnera indolescunt. Sola hæc litem nostram terminat: sola omnium sanorum constringit adfensiones: sola caligines, nebulas, nubes, per quas summi adhuc viri doctoresque nostri, punctum veri quidam, alii lineam, sed passim infuscatam, videre, dissipat, & meridiano sole cuncta convestit. Hæc est, quam
nemo

nemo omnium, qui ante nos hanc curam occuparunt, nobis imputat: quæ me exoravit, ut priorem *Ἀντιχρήσιον* chartis & luci darem: neque enim solemus sub nomine nostro proscribere, quod omne aliis debeat, & in quo nihil sit, quod non primo mihi post literas renatas vel investigatum vel proditum credam: quam legem omnes, qui in studiis nostris aliquid moliuntur, dicere sibi debere semper putavi. Hæc est, ob quam amo hominis, qui mihi certamen hoc indixit, immodestiam: absque qua fuisset, vix retractassem hanc materiam, in qua satis me profecisse, satis spectatum, opinabar, & restare, quod ad ejus emolumentum tantopere pertineret, ignorabam.

43. Nec vero non pepulit hominem aliqua vis veritatis: sed videntem meliora dolentemque videre abduxit in deteriora personæ odium. Hoc est, quod confitetur me Grammatica habere præsidia, quæ adeo urebant torrebantque miserum, ut à pag. 29. mei libelli ad pag. 79. transsiluerit. Quæ sunt igitur illa Grammatica præsidia? Omnia, inquit, ad hæc redigi possunt. I. Romanos in universum omnes à Romulouſque secundum usurarium assem illiusque partes, in menses singulos, usuras stipulari consuevisse. II. Hanc distributionem neutiquam Jurisconsultis esse acceptam referendam: quod sit non veterum
juris-

« jurisconsultorum inventum, sed patrumfami-
 « lias, sive qui scenerabantur sive qui scenori
 « accipiebant. III. Eoque unciarium scenus
 « ab ipsis reipublicæ Romanæ primordiis, velut
 « duodecimam centesimæ usuræ partem, æsti-
 « mari debere. Hic merito miretur lector, quid
 in his sit Grammatici? quid eum moverit, ut
 tantis furiis iret in Grammaticos canonas?
 quid ita luant boni Grammatici, quod ego
 statuerim usuras stipulari solitos Romanos
 secundum assem, aut jurisconsultis negarim,
 quod ab Romulo usque fuit, quum nulli essent
 jurisconsulti. Miretur etiam merito, quomo-
 do ex utroque collegerim scenus unciarium
 esse duodecimam centesimæ: nunquam enim
 me deprehendit eo genere collectionis usum.
 Utriusque admirationis causam non tollam,
 sed augebo, & ei monstrabo ipsum, si quis
 unquam fuit, Autolycum:

*Qui facere adsuerat, patriæ non degener artis,
 Candida de nigris, vel de candentibus atra.*

44. Dixi ergo *Centesimam* in stipulando pecuniæ reditu adamasse privatos imitando reipublicæ morem, quæ certarum rerum, ab eumentibus & vendentibus ad usum aut lucrum, solet exigere pretii centesimas: quemadmodum & vocabulum *Vestigal*, proprium in exactione publica de speciebus, quæ vehuntur, hoc est, importantur & exportantur, ad privatos redditus adhibitum est. Dixi præ-
 terea

terea Romanam pecuniam omnem usque ad quingentesimum pœne V. C. annum fuisse libras & partes æris gravis : ita, ut centesima pecuniæ mutux datæ revera nihil esset aliud quam æris libra, quæ & *as* vocabatur. Itaque qui centesimam posceret menstruam pecuniæ fceneratæ vectigal, ei si minus dare vellet, qui cum illo ibat in creditum, non potuisse aliter dividere illam centesimam, quam per libræ æris partes : & necessario dicendum habuisse, se daturum non ipsam centesimam menstruam seu libram, sed ejus centesimæ vel libræ sive deuncem, sive dextantem, sive do-drantem, sive bessem, sive septuncem, sive semissem, sive quincuncem, sive trientem, sive quadrantem, sive sextantem, sive unciam æris : inde sic sermocinari cœpisse : *dabis mihi menstruas usuras centesimas*, hoc est, libras singulas in centenae : *Dabo tibi mēstruas usuras non centesimas, sed centesima vel libræ deunces, dextantes, do-drantes, &c.* quas voluisset. Id retentum etiam in pecunia argentea, quia ejus *ἀργυρῶν* vel minutia erant ex ære, & nomina partium æris ad easdem æreas minutias transfulerant, et si longe aliud esset pondus, ut *assem, semissem, trientem, quadrantem* : & in rationibus referendis ipsum denarium partibus æris metiebantur & partiebantur. Ut igitur reliquæ partes æris libræ significant in usuris totam partem centesimæ, quotam singulæ faciunt in libra, ita *unciam* in illis

illis necessario significare duodecimam: quum exemplum nullum possit dari, reperiri, excogitari cujusquam rei, quæ instar assis partes acceperit, ubi non ejusdem duodecimæ rationem haberet *uncia*. Denique evidentiam & naturam rerum clamare, ut homines sic loquerentur, ejus rei causam non fuisse elegantiam aliquam veterum jurisconsultorum, quasi qui omne solidum tanquam assem dispertiri solerent, aut ab illis has formulas promanasse, sed ab ipsis patribus familias, (quemadmodum & omnis assis usus divisioque) qui si maxime vellent & in id incumberent, non poterant aliter loqui. Sed & scœnus jam vexavit urbem regnante Servio Tullio; jurisconsultus autem, cujus prima ejus disciplinæ experimenta ipsis veteribus exstiterè, nominatur Sex. Papirius, qui aliquantum post reges exactos vixit. Hæc mea est sententia, quam iste sic deformavit, ut ejus nihil simile vero, nihil suum appareat.

45. Nunc illum rogo, quid hic sit Grammatici? aut quæ mihi præsidia tribuat Grammaticæ magis quam illi aut cuivis Latine scribenti? hoc est, ut utamur & animi sensa, ut quimus, exprimamus ea lingua, qua instituimus. Quid igitur succenset atque irascitur furenter, cui debet, quod hoc sermone potest conviciari? omnis humanitatis janitrici? omnium, quæ homines docti differunt, recti-
ci

ci & ordinatrici? An quia, dum fertur ut hibernus torrens, dum præcipitat lutulentus, dum prius effutit, scriptitat, publicat, quam meditatur & cogitat, sæpe leges ejus violat? Hoc est maledicere nutrici & matri, quia fidelium ejus præceptorum immemor fueris. Age iterum, dic mihi bona, id est, non tua, fide, quid in omni hac explicatione atque enodatione Centesimæ & ea minorum usurarum sit Grammaticum? Quid patresfamilias assidui, negotia gerentes, rustici Romani, omnium à Græcia demum allatarum artium rudes atque imperiti, parcimonia & labore quærendi, quibus domus & urbes convalescunt, admoniti fecerint, exsequuti sumus, & quomodo id, quod fecerunt, pronuntiarint, antequam ulla esset illis literis mandata Grammaticæ, aut nomen ejus nosceretur. Quid potuit igitur peccare, aut suis præfidiis homini obniti, quæ nondum erat nata? Aut edicat mihi, ad quam partem Grammatices hæc pertineant? ad Orthographian? ad Proso-dian? ad Etymologian? ad Syntaxin? aut quis Grammatica scribentium hanc sui operis partem putarit? L. Volusius Mæcianus jurisconsultus, medici complures, mensores & rei rusticæ scriptores, Architecturæ magistri, Arithmetici, Priscianus Grammaticus extra Grammaticen & in proprii indicis libro, æris partes enarrarunt, non ab Grammaticis inventas,

ventas, sed ex medio vulgi usu depromptas, & ad suam quisque disciplinam accommodatas. Romani autem illi, de quibus agimus, non habebant, nisi Grammaticen naturalem: à matre sic formare voces erant edocti & adsueta. Sero admodum homines ingeniosi artem in natura & consuetudine deprehenderunt, & quod homines, animantia polita, & rationem, ex mente divina delibatam, sortita, loquebantur, id non esse fortuitum, temerarium, inconditum, ut mutorum soni, sed habere suam legem, suum ordinem, suam convenientiam, intellexerunt. Ex multis igitur inter se comparatis struxerunt definitiones: quibus nos, barbari nati, utique indigemus, si libeat Romano sermone uti: illi longo tempore non nisi animi & elegantiae caula illas percipiebant. Atque, ut apud Ovidium Cygnus,

non hac, quam cernis, equinis

Fulva jubis castis, nec onus cava parma sinistra

Auxilio mihi sunt: decor est quaesitus ab istis.

Mars quoque ob hoc capere arma solet:

Sic illis erat Grammaticae. Nos vero, cum scribimus aut loquimur, si praesidiorum Grammaticorum piget, quid experimur eum sermonem, quem non adsequimur sine Grammatica? cur non potius contenti sumus lingua, quam ante Grammaticen didicimus? Sed sic solent Sophistae: &, ut Baleares victi, pecudum in morem clamore sublato fugam petiverunt:

verunt : sic illis postremus hic latratus, quod convellere nequeunt, id esse Grammaticum.

46 At etiam postulat auctores. Quicumque hæc legent, putabunt me dissimulare, quæ ex bonis suis auctoribus attulit. Non hoc, sed scient & horrebunt, ita corruptam & perversam sententiam meam, ut nullus unquam falsarius sic grassatus sit. Sed perlustrentur, inquit, omnes chartæ : auctor non occurret, vel per indicem citatus. Cujus autem rei petit auctorem ? Utrum centesimam in publicis usurpari ? an commode à publicis vectigalibus ad privatos redditus transferri ? Utrum Romanos usos pro pecunia asse librali ? an quoties mutuum darent, æs dedisse ? Utrum fuisse qui poscerent usuram menstruam centesimam ? an inventos, qui centesimam integram negarint ? Utrum centesimam illam fuisse libram ? an qui minus voluerint dare, non potuisse aliter significare id minus quam partibus libræ ? Utrum id translatum ad argentum, ut *impendere, expensum ferre, dispensator &c* ? an non didicisse sic loqui ab iuriconsultis ? Verba mercatorum, negotiatorum, nautarum, artificum, militiæ propria, si in lite aut disceptatione juris sint commemoranda, utrum illi accipiunt à iuriconsultis, an iuriconsulti ab illis ? Quid restat ? Prorsus hic homo nec, cui credere debeat,

scit, nec cui diffidere. Probari petit, quæ ab
eductis atque institutis liberaliter audita modo
assensum impetrant : probari petit bis duo
esse quatuor, & solem meridie lucere.

- “ 47 Grammaticorum juxta assensum calculos
“ attendi non debere præcipit. Habet, quod
desiderat : nec enim aut Grammaticen aut
Grammaticos morati sunt Romani, cum sic
inceperunt loqui : quippe cum Romæ nec ars
“ nec ulli artis professores invenirentur. Con-
“ suetudinem loquendi quoque seculo receptam
“ magis considerandam crepat, quam quæ
“ Grammatici suas juxta regulas ineptiunt, si
“ non delirant. Hæc quomodo possunt pro ad-
versantibus haberi, quum ex consuetudine
loquendi Grammatici suas regulas formarint ?
& illam consuetudinem alia consuetudine mu-
tatam exceptionibus tradant ? Tum, quasi
“ aliud diceret, Ergo primo observetur, quan-
“ do de verbis explicandis sermo est, primas
“ consuetudinem ferre. Sit ita, quia libet : sed
probetur consuetudinem fuisse ullo seculo, ut
fœnus unciarium pro centesimis usuris usurpa-
retur. Tria, quæ annumerat sequentia, ser-
“ monem priscum posterioribus vix intelle-
“ ctum, & sic multa in duodecim tabulis, &
“ reprehendendos, qui verba inde obsoleta pe-
terent, non nisi unum sunt : & valent in illis,
quæ usus non frequentavit, aut, quomodo
aliter efferrentur, invenit : haudquaquam in
istis,

istis, quæ semper uno modo placuerunt, quo in numero vel prima sunt *as & libra & æris* partes. Hic tempus erat distinguendi obsoleta à conservatis: ubi nunc ille distinguendi magister? Nam si hoc perpetuum est, & patet in omnia, cur aliquid hodieque intelligimus in reliquiis, quæ de duodecim tabulis supersunt? cur ipse in illis intelligere se autumat *fœnus unciarium*? Componantur hæc, inquit, „ & prisci ævi vocabula atque formulas rigide ad „ Grammaticos canones exigendas non esse li- „ quido patebit. Quam belle, Hæc componan- „ tur? Cur non potius: Misce, fiat potio?

48 Sed quid rursus hic Grammatici canones homini, tanquam lippi oculi, molesti sunt? Grammatice sane conficitur ex ea ratione loquendi, quam elegantior ætas adamavit: sed annon ipsi Grammatici passim tradunt, quid ab hoc nitore differat priscus squallor? Quid igitur vetat, quod nemo facit? Sunt quædam in omnibus linguis communia omnibus, quibus in populorum usu fuerunt, seculis: sunt alia, in quibus interdum elegantia, interdum fastidium posteriorum à vetustiori more recessit. Qui autem magis hæc distinguunt & differentiam illorum observant quam Grammatici? qui magis confundunt, quam *ἀγρίμωτοι*?

49 Quod sequitur, lepidum est, & clarum exemplum, ut homines, qui sibi con-

scii, se in tenebris errare, plurimum tamen videre simulant, ambigua loquendo sibi caveant. Sic enim pergit: patebit simul *fœnus unciarium*, ipsis XI I. tabulis notum, haud æstimandum, ob rationes supra allatas, secundum recentiotem distinctionem fœnoris juxta assis partes. Quid enim hoc aliud est quam concedere ac confiteri, eam interpretationem *fœnoris unciarii*, quam nos facimus, esse veram secundum recentiorum fœnoris discrimina assis partibus significata; negare eam esse veram, si antiqua, quam loquitur, distinctio respiciatur? Quæ est igitur antiqua illa fœnoris distinctio non juxta partes assis, quam sequutæ sunt duodecim tabulæ, & per quam *fœnus unciarium* potest esse centesima? Quando antiqua observari desiit, successit recentior? Si ante tempora Livii & Taciti, ex quibus solis de *fœnore unciario* scimus, cur neuter illorum verbo monuit aliter id acceptum tunc quam olim? si post ea tempora, cur nemo alius? Utrum illa distinctio antiqua erat non juxta assis partes, ut recentior, an juxta easdem aliter consideratas? Si non juxta partes assis, quemadmodum aliquod fœnus potuit vocari *unciarium*? an unquam Romanis *uncia* aliud quid fuit aut significavit quam assis partem? & quidem duodecimam? Si fuit juxta assis partes, sed alio modo, subveniat imbecillitati nostræ & ardori discendi, explicet

plicet illum modum : expromat, qua via ad rem tam inopinatam, quæ nemini ante hac suboluit, pervenerit. Alia fuisse discrimina appellationum fœnoris antiquis, alia recentioribus, sive ut utraque juxta assis partes, sed dispari modo, sive ut altera juxta partes assis, altera nihil ad assem pertinentibus vocabulis significarentur, & tamen in his esset fœnus *unciarium*, unus iste fuit, qui statueret, omnium mortalium. Hæc auctoribus indigent: hæc probari debent, non quæ ille omnibus perspicua demonstrari postulat. Sed eo ipso, quo cavere sibi voluit, neminem lædit præterquam ipse sese. Ipse in superioribus ex illa, quæ nunc ei est recentior distinctio fœnoris juxta partes assis, (quæ semper unica fuit eritque, nec varietatem recipit, non magis quam numeri, unum, duo, tria, quatuor, &c.) ipse, inquam, ex illa *fœnus unciarium* in superioribus interpretatur. Centesimam (quæ nunquam veteribus dicta est nisi pro fructu menstruo) accipit pro annuo asse usurario, seu simpliciter pro duodecim in centum. Ab hujus assis *uncia* dictum contendit *fœnus unciarium* pro fructu menstruo. Quod si est, inania sunt, quæcunque intonuit de Grammaticis præsidiis, de verbis antiquatis, de consuetudine loquendi. Habet enim & ipse non minus Grammatica præsidia: nihil est in *fœnoris unciarum* nuncupatione obsoletum aut

antiquum, nihil abhorrens ab ullius Latinorum ætatis consuetudine: nihil necesse est postea dictam *centesimam*, quod prius *fœnus unciarium*: immo *unciarium fœnus* dici non poterat, nisi & vocaretur *centesima*, cujus tanquam assis usurarii causa hæc dicebatur uncia usuraria. Ita secum luctatur miser, & nulla in parte consistere mavult, quam dediscere errorem centesimæ acceptæ pro annuo.

“ 50 Rursus male Tiresiam agit: Clamabit quidem adversarius, hæc non esse consentanea artis suæ Grammaticæ regulis. Falsus est vates: haudquaquam clamabit ille, quod verum non est. Quid enim magis consentaneum Grammaticæ regulis, quam primas ferre in loquendo consuetudinem, ex qua omnis Grammaticæ descendit, ex qua tanquam ex fonte ducitur, ex qua Grammatici regulas constituerunt, & si quid contra quorundam hominum vel temporum consuetudinem contraria consuetudine invaluit, sub exceptionibus ponunt, & operam dant, ut hujus quoque aliquam rationem inveniant? quis jubet vitare, ne cum Faunis & Aboriginibus loquamur, nisi Grammatici? quis docet, ubi archaismus virtus sit, ubi vitium, nisi Grammatici?

“ 51 Addit: Nec hominum vulgo partes assis, usuras quasi definientes, Justiniani quoque ævo, liquido notas fuisse, discat ex ipsius.

Novella

Novella xxxiv. ubi Imperator definiens mo-
 dum usurarum, quas ab agricolis stipulari li-
 ceat, summam hoc constituit, ut pro annua
 minutarum frugum usura non amplius octa-
 va modii parte in singulos modios exigatur;
 pro usura pecuniarum *siliqua in singulos solidos*.
 Inviatum propugnaculum ! Justiniani ævo
 hominum vulgo parum notæ erant assis par-
 tes, usuras quasi definientes : Ergo *sænus un-*
ciarum in XII. tabulis est ex illis verbis au-
 steræ ac rancidæ vetustatis, quæ nemo intelli-
 git, & successio temporum mutavit : & si,
 quid sit illud, nemo intelligit, est centesima.
 Puerile est & falsissimum, Justiniani ævo par-
 tes assis, usurarum genera distinguentes,
 ignotas fuisse. Cur enim is in Corpus suum
 irrepere atque insinuare passus est tot superio-
 rum jurisconsultorum loca, ubi *semisses*, *quin-*
cunces, *trientes*, *uncia usura* appellantur ? Cur
 non hæc vocabula, ut passim alia, per Tri-
 bonianum mutavit, substitutis, quæ notiora
 essent ? Cur ipse in l. xxvi. Cod. de usuris *bes-*
sem centesima nominat ? Et quod maximum
 est, hoc ipso, quem arripuit noster, loco
 quum *siliquam* dicit *in solidos singulos*, an in-
 telligitur quid sit *siliqua*, si nesciatur quid sit
as ? quum *siliqua* sit sexta pars scriptuli, ut
scriptulum quarta & vicesima pars uncix, *uncia*
 duodecima assis. Et loquitur sic Justinianus
 hic ob nummum aureum, *solidum*, qui tum

versabatur plurimus: cujus divisio omnis non aliis fiebat quam assis partibus: & constat quadringentis post Justinianum annis, regnante Alexio Comneno, eandem prorsus solidi partitionem publice notam fuisse. Cur autem ipsos tirones discere voluit hæreditatem plerumque dividi in duodecim partes, quæ assis appellatione continentur? & illarum partium nomina exponit ab uncia usque ad assem? Cur passus est veteres jurisconsultos retinere illa vocabula in omni materia hæreditatum? Nam qui partes assis una in re intelligit, is ignorare non potest, quanta quæque sit in quacumque re, cui applicatur. Sed quod hic, (succinit) ut sæpe alias, fallitur adversarius, Imperator alia forma uti voluit. Ego sensi, quod Horatius:

Romani pueri longis rationibus assem

Discunt in partes centum diducere. Dicat

Filius Albin, si de quincunce remota est

Uncia, quid superest? poterit dixisse triens: en:

Rem poteris servare tuam. redit uncia, quid sit?

Semis.

At Justinianus in certo genere pecuniæ, solidis, trientes usuras expressit per *siliquas in solidum*: ergo falsum est, quod Horatius & ego scripsimus, nec omnes in togata gente melioribus temporibus sciverunt, quid essent *trientes usuræ*? Cur mihi non liceat eadem forma concludere: In L. Lecta. refertur cautio, in qua scribitur, non *usuras centesimas*, sed,

Sed, in dies triginta inque denarios centenos denarios singulos dare stipulatus est: ergo Paulli tempore vulgus ignorabat, quid essent usuræ centesimæ.

§2 Quid vero hic locum habet, quod de tribubus & mensibus ingerit? Tribus dixit, Romulus, ut Græci *τριῦνας*, quum in tres partes populum Romanum divisisset. Servius quatuor fecit urbanas, idem nomen retinuit, compluribus etiam in agro Romano adsignavit. Novis deinde partibus accedentibus xxxv. sunt factæ. Sic *decuria* & *centuria* primo decem aut centum capitum, postea & plurium & pauciorum. *Denarius* primo decem librarum æris, postea decem sextantes, tum decem uncias, denique sedecim semuncias. Sic *sestertius* olim duas libras selibrarum æris, dein duos asses semissem multo minoris ponderis, tandem quatuor asses complectebatur. Hæc vocabula quum corporibus certi numeri imponerentur, ex ipsis numeris formabantur; & quamvis postea mutarentur numeri, corporibus, quibus ea dicaverat longa consuetudo, hæserunt. Sic *pyxides*, *libri*, *codices*, *papyrus*, *congiaria*, ex sua quæque materia nominari cæpta, in formis & rebus, in quibus nihil istius materiæ, usurpantur. Sic *Phasiani*, *Asturcones*, *Deliaci*, *Indus* pro elephanti rectore, *Lucæ boves*, *Phari*, *Mausolea*, *Africana*, *Numidica*, *Persica*, à locis dicebantur: nec

minus cum tempore homines, animalia, res, quæ ista loca nunquam tenuerant. Nihil video, cur Romulus, cujus nepotes quingentesimo demum post mortem illius anno Grammatices odos adflavit, suffragante Grammatica *Tribus* finxisse dicatur: ut & pleaque ista in usu fuerunt ante Romanam Grammaticen: nec ullam unquam tam fatuam vidi Grammaticen, quæ in linguis viventibus & vulgo usitatis ob hujusmodi similitudinem significationes vocum propagari & porrigi ultra, quod primo significarant, prohiberet. An sic *fœnus unciarium* olim fuit idem quod centesimæ usuræ, seu nummus centesimus menstruus; serius pro duodecima centesimarum, seu nummo centesimo annuo cœpit usitari? Credemus, si demonstraverit, ob quem numerum, locum, materiam centesimis fuerit id tributum nomen; deinde à centesimis ad duodecimas centesimarum transierit. Nam hoc solum dicere, vox *tribus* primo tertiam, postea quintam & tricesimam partem populi Romani comprehendit: ergo simile quid accidit in centesima & fœnore unciario, balare est. Centesima in usuris semper una atque eadem fuit: as cum partibus suis semper unus idemque: nec unquam centesima hic aliquid aliud significavit, quam centesimam sortis partem inenstruam: cujus proinde & uncia est una, nempe duodecima cente-

Centesimæ partis & ipsa menstrua. At etiam „
 de mensium nominibus cornicatur ; quod „
 nec ad rem facit , & per se ineptum est. Pro „
 Januario cur *undecembrem* , pro Febuario *duo-*
decembrem formarent , non magis ratio fuit ,
 quam cur pro Sextili *Sextembrem* , pro Quin-
 tili *Quintembrem* , pro Majo *Quartembrem* &c.
 facerent. Hæc meri arbitrii sunt , & etiam ,
 postquam Januarius annum aperuit , adsequi-
 mur causam , cur duodecimus mensis retinue-
 rit nomen , quod acceperat , quum esset deci-
 mus. At ubi causa , cur idem scœnus & *Uncia-*
rium & *as usurarius* ? Illud etiam quam provi-
 de : Initio verumerat , quod Ovidius lib. I. „
 Fastor. dicit :

Tempora digereret cum conditor urbis , in anno „
Constituit menses quinque bis esse suo. „

Non multis autem annis post verum quoque „
 fuit :

At Numa nec Ianum nec avitas præterit Umbras. „
Mensibus antiquis addidit ille duos. „

Quasi non utrumque hodieque verum sit , si
 semel verum fuit.

53 Hic metam flectit , & recurrit ad pag.
 27. mei libelli. Negat suum fuisse argumen- „
 tum , Unciarium scœnus centesimæ respondere , „
 quod illud è principiis Salmasii & meis elici „
 posset. Non fuerit : quid ad me ? quis dixit
 fuisse ? Ille scripserat suam sententiam non
 recedere à principiis nostris. Id ut datum est ,
 accipi-

accepimus, & ex eo repetivimus, nihil cavillati, nec referentes inter argumenta ejus, quæ pro argumentis non vult haberi. Primum autem ridiculum est in ea re, quod dissentiunt hæc inter se principia, & simul stare nequeunt: prius negat Salmasius, affirmavi ego: posterius ponit Salmasius, abdicavi ego: ita laboramus ambo in demoliendo, quod ille tamquam utrique concessio immolitur. Alterum erat meum, usuras Romæ fuisse menstruas, eoque vocabula usurarum omnia menstruum significare: in quo & reprehendi novi argumenti, quod inde fingit, stulticiam, & docui principium illud nihil eum juvare, qui centesimam concinnat annuam. Alterum Salmasii, Centesimam fuisse usurarum maximam & ideo pro asse placuisse in usuris, quod lubricum & falsum esse demonstravi. Ad hæc nihil aliud ille, quam sibi non esse tanti, ut his obstrepat. Optandum erat homini, tam sapiens fuisset in omni hac materia, & nec Salmasio nec mihi obstrepuisset.

“ 54 Recoquit de Synecdoche p. 49. Non
 “ ego assem uncix (ut calumniatur adversarius)
 “ aut totum parti adæquavi; sed Centesimam,
 “ ut assem usurarium, sic synecdochice attendi
 “ posse scripsi, ut duodena ipsius pars, ratione
 “ anni, quo solveretur, *Uncia* vocaretur, quæ
 “ duodecies soluta juxta duodecim menses, quibus
 “ annus constat, quum conficeret duodecies

cies centesimam menstruam, simul quoque, mense, centesimam fortis partem confecisse,, eamque *Unciam* & synecdochice & maxime,, proulu loquendi, vocari potuisse, quod centesima ut as Usurarius ratione anni, æque,, duodecim partibus seu unciis quoque mense,, debitis constaret, atque annus totidem mensibus, aut ut Assi cuiuslibet duodenæ uncix assignari solent. Ohe, jam satis est. Quis,, enim patienter audire potest tantum verborum, quæ intelligere se putet, quum tamen, quid in summam audierit, referre nesciat? Synecdochen, ut caput Gorgonis, ostentat, & laxat mihi campum debacchandi in Rhetoricen & rhetorica præsidia & rhetoricos tibicines cum fulcris, canonibus, regulis, præceptis, spiritibus, coloribus, minutiis. Id vero ego non faciam: barbari est quamcumque honestam artem contemnere, & non omnes sacras & venerabiles putare. Nec dialecticen spreui, sed per ironiam hominem, ut sophistam & malum dialecticum derisi. Centesimam, inquit, ut assem usurarium sic,, Synecdochice attendi posse scripsi. Hoc est,, si capere subtilitatem possum, Centesimam, quæ annui proventus proprie pars est duodecima, posse, per Synecdochen partis pro toto, accipi de proventu annuo seu duodecim centesimis, ita ut una centesima sit hujus figuratæ centesimæ uncia. Et tamen præfatur: Non,,
ego

“ ego assem uncix, ut calumniatur adversarius
 “ aut totum parti adæquavi. Quod fecit, id
 negat se fecisse, dum repetit, & de hoc admo-
 neri calumniam vocat. Quam pueriliter au-
 “ tem ludit in numeris: pars duodena, duode-
 “ cies soluta, juxta duodecim menses, conficit
 “ duodecies centesimam menstruam. Putes au-
 dire: *Omnia clocca cloccabilis in clockerio clocke-*
rando cloccans cloccative facit cloccabiliter clocke-
rantes. Et tamen aliter quoque vitiavit sen-
 tentiam: nam, ut constaret oratio, scribere
 “ debuit: quam duodecies solutam juxta duo-
 “ decim menses, quibus annus constat, quum
 “ conficeret duodecies centesimam menstruam,
 “ simul quoquo mense centesimam sortis par-
 “ tem confecisse: Vel, quæ duodecies soluta
 “ juxta duodecim menses, quibus annus constat,
 “ quum conficeret duodecies centesimam men-
 “ struam, simul quoquo mense centesimam sor-
 “ tis partem confecerit. Similiter ineptit in *Cen-*
tesima vocabulo, cui tres diversas significatio-
 nes una in periodo imponit: prima namque
 inducitur centesima as usurarius, illa maxima,
 ὀγκώδης, doliaris, gravida, quæ suomet se a-
 qualiculo duodecies continet, & quotannis
 toties parit: rursus eadem, tanquam Empu-
 sa, subito pusillum induens statum, ipsa fit
 partus sibi, & foetu menstruo, quasi secundi-
 nas, trahit tertiam centesimam sortis partem.
 Hoc quoque decies legi oportet ut intelligas;
 utque

utque ubi intellexeris, nihilo sis scitior. Estne aliquis tam malevolenti genio natus, tam infelicis indolis, tam perditii consilii, ut has salebras, tricas, *περσπολογίας & αικανθολογίας*, has *κνωάδας*, *γραῶν ἀποτίληματ' αἰρηῶν*, & *ἅπαν ῥύπος*, *ἔργον ἐπ' ἔργῳ*, etiamsi esset in illis aliquid veri, accipere malit, quam quæ nos supra tam plana, tam facilia, tam manifesta, edidimus? Jam quid est, Synecdochice & maxime pro usu loquendi? Est igitur Synecdoche alia non pro usu loquendi. Et quid si usus iste loquendi præ se ferret suas esse partes primas, rhetoricæ cum suis Synecdochis laqueum mandaret? Bellum haberemus, opinor, rhetoricale. Ubi autem usus ille loquendi? Duo sunt auctores omnes, qui faciunt mentionem *fænorii unciarii*: quid sit, neuter exponit: contra omnem loquendi usum explicat noster: & tamen crepat usum loquendi.

55. Sed nec Synecdoche istic locum habet. Pars, quæ pro toto ponitur eleganter, plerumque pars est maxime conspecta aut unica & singularis in toto: ut quum *autumnus* pro anno, *caput*, vel *anima* pro homine enuntiatur. At hæc Synecdoche prorsus Titiana est. Cecinerat Virgilius inter eos, qui ab inferis rediissent: *quid Thesea? magnum Quid memorem Alcidem?* Et rursus: *sedet, æternumque sedebit Infelix Theseus*. Robertus Titius, qui

qui reperisset alicubi, Thesea, quum ab Hercule abduceretur, multatum parte natium, quæ rupi, cui infederat, adglutinata hæsit, per Synecdochen censuit propter istam partem regem Atheniensium dici æternum sedere, quasi *πυλω* tanquam sui vicariam & loci custodem ibi reliquisset, eaque foret, quæ clamaret: *Discite justitiam*. Non commodius pars duodecima, nulla re notabilis aut potior illustriorve cæteris, tantumque duodecima, communi mille rebus vocabulo, pro toto corpore valeret. Ut si quis cum homine cavillatore ac sophista mero cavillari gaudens *Lumbum* eum aut *Anum dialectici* honoris causa salutaret. quod tamen melius procederet: potest enim fieri, ut bonus ille *κεραπῶν*, *ἐπίδων*, *πελώνων*, *κροκοδείλιων*, & similium gryphorum genitor gloriatur etiam esse proletarius columbulus Dioneus; aut totus fœteat ac nihil nisi purgamenta egerat: & sic vel laboriosissimæ vel olentissimæ partis accessio videatur. Deinde *Centesima* non potest habere rationem hujusmodi totius: quia nihil aliud significat quam quod eo numero exprimitur, videlicet centesimam sortis partem mensuram: ea vero partes alias non habet, quam habet ille nummus, qui *centesima* vocatur. Ut exempli gratia, si centum floreni, quos vocamus, sunt dati, centesima est florenus: si centum Philippi, Philippus est centesima:

si

si centum denarii, denarius: si centum æris libræ, libra. Quod si igitur *centesima* valet pro duodecim centesimis, etiam florenus poterit dici pro duodecim florenis, Philippus pro duodecim Philippis, denarius pro duodecim denariis, libra pro duodecim libris. Hoc vero si absurdum & inconueniens, & illud. Ergo & duodecima illius centesimæ pars, potest illa quidem vocari *uncia*: sed ea *uncia* nequit esse centesima ipsa, puta Florenus, Philippus, denarius, libra: verum pars ejuserit, quæ dicitur, nempe duodecima: in quibus si annum expectamus, non fient duodecim centesimæ, Philippi, denarii, libræ: sed horum duodecim uncia, integra centesima, integer Florenus, Philippus, denarius, solida libra. Quomodo autem centesima pars per Synecdochen etiam vocatur *uncia*? Nam si centesima usura est totum, cujus duodecima pars est centesima pars sortis, citra ullam synecdochen, citra ullam figuram aut tropum, vocabitur ea centesima pars sortis *usura centesima uncia*. Deinde toties hoc quoque monui, ut repetere pigeat: hæc duo vocabula, *Centesima usura*, vel *centesima usura*, non conjunguntur, ut *sexagesima mensis* apud Martialem: nam si hoc sit, *usura centesima* erit, quæ post nonaginta novem pensiones solvitur, centesima pensio: sed *centesima usura* per compendium sermonis est centesima pars sortis usura men-

strua, Synecdoches istius nec in se nec in uncia suacapax. Nec potest hic haberi ratio anni, quia nihil annuum exprimit centesima, sed solum menstruum. Nec vero absurdissimis commentis colorem dat Quintilianus, quum docet Synecdochen repertam, *ut ex uno plures intelligamus*. Qui plures isti ex uno? nempe quos subjectum exemplum commonstrat, si scilicet dicatur cum Livio *Romanus pralio victor*, pro *Romani pralio victores*. Idem scribit Scholiastes Theocriti ad illud Idyllio VII:

Οὐνεκα οἱ γλυκὺ Μοῖσα Διὰ σώματ' ἔχ' ἑνέκταρ.

Συνεκδοχικῶς ἀπὸ μιᾶς τὰς πέντε δηλοῖ. *Musa* nempe ἀντὶ τοῦ *Muse*. Quid hoc ad propositum? aut quem locum habet, ubi vocantur *uncia usura*? jam hic plures nominantur: quemadmodum igitur ex uno intelligimus plures? Talem Synecdochen agnosco in verbis Justiniani L. XXVI: C. de Usuris: *minime licere ultra tertiam partem centesimæ usuratum nomine stipulari: & usque ad centesimam stipulari*. Intelligimus enim tot tertias partes centesimæ, totque centesimas, quot centenos nummos habet fors. Sic qui promittit *unciam centesimæ*, promittit tot uncias menstruas centesimi nummi, eoque tot nummos annuos, quot centeni nummi sortis numerabantur. Eam vero synecdochen non posse efficere, ut uncia menstrua significet duodecim menstruas uncias,

cias, eoque singulos nummos menstruos de centenis, vel puero planum est. Sic etiam quum damus sceneratum centesimis die annua, intelligimus duodecim centesimas nobis esse solvendas: in quo si fingere licet Synecdochen, *Centesima* non desinit esse quod est, aut fit aliquid amplius, quam centesima pars sortis menstrua. Neque enim hæc figura mutat naturam rerum, nec reddit unum plures, ut id unum, quasi solidum constans ex pluribus istis, in eisdem plures tanquam partes possit dividi: ut quod ex die annua intelligimus duodecim centesimas menstruas, ex eo non efficitur, ut *Centesima* sit duodecim centesimæ, & alia *Centesima* sit Centesimæ uncia. Pone enim diem semestrem: ex eadem die semestri centesimas intelligo sex solvendas: nec tamen ideo centesima erit totum, cujus partes sint sex centesimæ. Pone diem bimam: intelligimus viginti quatuor: numquid eo & habuerunt assem usurarium centesimam, cujus scenus unciarium essent duæ centesimæ menstruæ? Quot asses usurarios, quot centesimas, instar chamæleontis versicolores, nobis expatrabit hæc Synecdoche? Quum Martialis canit: *quam totam redimit denarius alter*: & Juvenalis, *sextarius alter Ducitur*; ex uno intelligimus duos: non tamen alter denarius mutat suam naturam & fit duo: non alter sextarius ita grandescit, ut duos sextarios capiat.

“ 56 Sed, inquit, perierit mihi analogia?
 “ non tamen de gradu dejici possum. Primum
 hoc est insulsi hominis dicere, nisi rationem
 exhibeat alicujus ἀνωμαλίας, quæ analogiam
 impediat. Deinde prorsus ab hoc loco alie-
 num est analogiæ meminisse. Ubi disputaba-
 tur de vocabulo *fœnoris unciarîi* aut *unciarum*
usuratum, injeci pervincere analogiam, quum
 omnes aliæ partes assis in usuris id genus signi-
 ficent, quæ tantum absunt à centesima, quan-
 tum ex partes absunt ab asse, etiam *fœnus un-*
ciarium vel *uncias usuras* esse, quæ tantum di-
 stent ab centesima, quantum ab asse differt
 uncia. Hic vero quid centesima sit, quære-
 batur.

57 Vt nihil in hoc negotio inter nos con-
 venit, etiam dissentimus in loco Plinii lib. x.
 ep. LXII. *Pecunia publicæ, Domine, prudentia*
tua & ministerio nostro & jam exactæ sunt & exi-
guntur: quæ vereor, ne otiosæ jaceant. nam &
prediorum comparandorum aut nulla aut rarissima
occasio est, nec inveniuntur, qui velint debere,
reipublicæ præsertim, duodenis assibus, quanti à
privatis mutuantur. Quod hic mecum litigan-
 dum constituit, in quatuor articulos discer-
 pit. Proposueram hunc locum, tanquam uni-
 cum ex omni Romana antiquitate, in quo ab
 annuo appellantur usuræ. Superbum id homi-
 ni arrogantissimo visum, & me jubet adjice-
 re: quantum mihi liquet. Frustra docet mo-
 destiam,

destiam, cujus ipse non unciam habet. Nec arroganter ego, sed, ut res est, iterum clamo, nihil simile in tota vetustate reperiri. Sed hujusmodi adfirmationes plerumque reprehendunt homines ob imperfecta studia timidi, & in illis, quæ rebus revincere deberent, fiunt magistri morum. Hic tertius articulus deartuatus. Primo, quod dixeram, *Et si vulgatum* retineamus; id arripit, & doctæ atque ingeniosæ Salmasii correctioni me parum tribuere, largiri que vulgatum posse retineri, exultat. Sed quod addidi, nihil illud vulgatum Centesimæ unciariæ profuturum, quum ipse velit idem vocabulum dici & de menstruo & de annuo, duodeni asses de solo dicantur annuo; ad id quod pensitari juberet, & quidem exacte, quod numero notaret, nihil habuit.

58 Se cundo tamen imprudens ego præ Salmasio, qui à vulgato periculum suæ sententiæ timebat. Non solebat ille facile periculum sententiis suis timere. Sed frustra metuit, si metuit. Quid enim sententiæ veræ, quæ *Centesimam* facit duodecim in centum annuos, ex eo, quod unoquoque mense centesimam partem sortis redigat, & *fœnus unciarium* unum in centum annum, quod menstruam unciam Centesimæ mereatur, tot rebus rationibusque confirmatæ, nocere potest, quod alicubi legitur collocare duodenis assibus. Fatui est ita argumentari: Plinius dicit

collocare duodenis assibus: ergo usurae unciae sunt centesimae. Ut benignissime scriptum tractemus, & quam fieri potest, tolerabilem ex eo sententiam ducamus, asses illic accipiendum est pro nomismatis aëreis, nominatis ut solemus supponere exemplum uniuscujusque rei & destinare certum genus pro omnibus promiscue in eo genere. Sic pecuniam collocare assibus duodenis, nempe in centenos asses annuis, foret collocare centesimis. Libuerit hoc sic dixisse Plinio: quid est in ea formula, quod vetet Centesimas esse, quod revera sunt, nempe partes sortis centesimas nomine usurarum menstruas datas? quid quod *fœnus unciarium* non patiatur esse, quo uncia centesimae menstrua, & sic una integra centesima annua, seu nummus in centenos penditur? Nihil prorsus: nobis enim nunc consideratur as cum partibus suis, non ut νομισμάτιον, sed ut finitor ac divisor. Salmasius, qui sciebat illud loquendi genus esse ἰδωπικὸν hujus aut proximorum βαρβαροζώντων seculorum, nec ulli unquam Romano, nedum Plinio, tam culto tamque limato, excidisse, quasi sub istis *duodenis assibus* subaudiens τὸ *usurū*, (ut *centesimū*, *trientibus*, *besibus*, quoties in hac re ficsola ponuntur, τὸ *usuris* intellectum volunt.) Ea lectione, aiebat p. 269. de Mod. Us. si vera esset, *asses* *usurae* deberent esse, quae duodecimam centesimae partem postulant, hoc est, singulas in cen-

centum uncias annuas : sic unciarum fœnus,,
idem esset cum assario, uncia cum asse, & pars,,
denique cum toto. Quæ verba non signifi-
cant, si admittantur verba Plinii, *fœnusuncia-*
rium fore duodecim in centum, quod vult
Quadrigarius Veritatum, sed *asses usuras* fore
unum in centum aut unciarum fœnus, hoc est,
non singulas in centum uncias annuas, ut præ-
cipitat ὁ πάλιν, sed centesimam sortis partem
annuam, singulas in centum uncias centesimæ
mensuras. Hic iterum in meam invidiam ad-
dit Salmasio titulum, quem ille nunquam ad-
fectavit. Euathlus iste alios sibi similes quæ-
rit. Aut extundere mihi quædam vult ἐνδο-
μυχα. sed non magis dignus erit mihi, cui ista
revelem, quam Salmasius, quum hunc quo-
que allatrasset, dignum habuit, cui respon-
deret.

59 Quartus Plinianus articulus est lucu-
lentus instar triarii sagmarum, & cum cura ve-
xandus. Proba ergo, inquit Criticorum Ome-
ga, Plinii lectio est, juxta quam quisquis de-
bet *duodenis assibus*, simul centesimis usuris,,
debet. Sed centesima, D. Salmasio teste, men-
sura reliquarum & as quasi usurarius erat: eo-
que qui debet duodenis assibus, usuram tan-
tam debet, habita ratione anni. Posuit antea,,
Etenim, ubi Latina oratio id repudiât: nunc
ponit *Sed*, ubi debebat *Etenim*. Non mirum
est inimicum esse Grammaticæ, qui nescit. *sed*

Sed adverbativam esse conjunctionem, non ratiocinativam. Qui debet usuram, inquit, *duodenis assibus*, is debet centesimis. Quare? quia centesima est as usurarius: ergo qui debet duodenis assibus, debet centesimis. Itane, centesimis? non persuades, ὡς ἔμπρῳ, sed centesimis duodenis: nam as usurarius tibi est centesima ipsa: qui debet igitur assibus usurariis duodenis, is debet centesimis duodenis: & quia una centesima, habita ratione anni (loquor tua lingua) complectitur duodecim centesimas sortis partes, debet centesimas sortis partes centum & viginti. Perhonestum scœnus & contemptore pecuniæ dignum, in centum nummos fortem, centum & viginti nummi scœnus. Hoc si cuiquam approbare scœnus potest, ei quoque persuadebit scœnus unciarium nunquam egenti plebi Romanæ potuisse onus esse, nec quemquam velle tam levibus usuris pecuniam collocare. Centesimam esse mensuram aliarum usurarum, quomodo accipi debeat, priore commentario monui, & ibidem assẽm illum usurarium reddidi confossioreĩ foricina nenia.

60 Sed erat exemplum statuendum, ne posthac negaretur fingi casus, quos mos aut
 “ rerum natura existere non patitur. Finge,
 “ ait, Sejum cum Alfiõ in annum contraxisse
 “ usuris centesimis, & uniuscujusque mensis
 “ Calendis repræsentasse usuras. Potueritne di-
 cere

dicere V. C. Kal. Martii, *Accipe assem usura-*,
rium, & iterum Kal. Aprilis, *accipe assem &c.*,
 Non potuit *ωζα* *ῥε*. Bos Cn. Domitii quid fece-
 rit, ignoro: sed Sejus non potuit, quia, quid
 monstri esset as usurarius, nemo Romanus nec
 scivit unquam nec cogitavit. Ille aliam com-
 miniscitur rationem: Sic enim jam duplicasset,,
 centesimas. Profecto & hoc ego putabam:
 neque aliud priora illius verba sonabant. Se-
 quitur, si *As* proprie intelligendus fuisset. Hoc,,
 igitur & ipsum antea explicuisse oportebat,,
 esse alium *assem* proprium, alium impro-
 prium; & proprium usurarium annuum, im-
 proprium menstruum. Atqui ex superioribus
 imbiberam, ut centesimam, ita assem maxi-
 me proprium esse, qui menstruus est, illum,
 qui annuus, Synecdochicum. An potius *duo-*
denos asses Plinianos voluit esse proprios; illum
 usurarium, qui nusquam est, nec fuit, Synec-
 dochicum? Erro; immo Plinianos voluit im-
 proprios, nam mox scribit Plinium *asses* po-
 suisse pro unciis. O nugarum Chaos, in quo
 semper obstat aliis aliud, &

Frigida depugnant calidis, bumentia siccis,

Mollia cum duris, sine pondere habentia pondus.

Etiam numero dixi hoc: expectare debue-
 ram, donec in eundem cinnum coniecissem,
 quod proximum est: Sed si acceperit V. C.,
 centum denarios, ut quoque mense debuerit,,
 solvere singulos denarios, simul assis hujus,,

“ annui singulas uncias quoque mense solvendo
 “ fidem suam liberaverit. Hic vaticinari poterat me clamaturum, *assem* illum annum esse *Chimæram*, esse contra rationem & usum loquendi antiquis probatum, nullo veterum exemplo. Plinii exemplaria non habent; qui velint debere, *reipublicæ præsertim*, *asse annuo*, sed *duodenis assibus*. At illi Plinius (ut omnia turbentur, nec uncia tantum pro assibus illudant) *asses* pro unciis dixit. Ne tam magnifice de Plinio sentiat: ille infelix nondum didicerat ab aliquo *βαλανηφάγω* esse *assem* usurarium annum, qui duodecim censeretur assibus: esse centesimam *παχέϊαν* credo & *Ægineticam*, quæ duodecim intumesceret centesimis: nondum didicerat *asses usuras*, superbas nimirum & insolentes, ita esse in ordinem coactas, ut ad *scenus unciarium* depressæ jaceant; contra *scenus unciarium*, olim humile & capite obstipo, ita super *Ossam*, *Pelion* & *Olympum* elevari, ut centesimis æquale gradiatur. Plinius centesimas usuras putavit, quum centesima pars fortis menstrua penderetur: & easdem dictas *usuras asses*, quod centesima & as, eo tempore, quo inventum hoc loquendi genus, una eademque res erat: *unciarium* autem *scenus* & *uncias usuras*, quum duodecima pars centesimæ menstrua solveretur: quemadmodum *trientarium scenus* & *trientes usurae* sunt, quum tertia pars centesimæ vel unius
 num-

nummi menstrua datur; *sextantarium fœnus* & *sextantes usura*, quum sexta pars unius centesimæ vel nummi quot mensibus datur.

61 Sed non contineo me longius, quin aliquid etiam minus expectatum & πῶ φιλοπυμμένον modulo majus, sed apud exculta ingenia honori mihi futurum, proferam. Prorsus divine Salmasius hic Plinium restituit: nunquam sagacior, etsi sagacissimus passim, in conjectando fuit: nec potest Plinius aliter scripsisse, quam *usura assibus*. Argumento est, quod πὲ duodenis assibus Romana loquendi ratione revincitur ac refutatur, ut vere scribit ὁ πένυ. deinde si illud *duodenis* removemus tanquam subjectum ab imperitis, nulla vox alia ex omni, quæ nobis restat, lingua Latina ei potest suffici, quam πὲ *usuris*. Superiore certamine nostro, ut dies diem docet, parum mihi liquidæ & explicatæ cum Plinio rationes erant. Quod libri propagarunt, sine Venere; quæ multa in eo, quod excogitavit Salmasius. Videbam unum fere omnes, qui vulgato acquieverunt, dictitare: ut ex centenis assibus quot annis duodeni pro usura inferrentur: quasi in certa specie nummi quævis pecunia signata ostenderetur. Ita Catanæus, Rittershusius, Buchnerus. Budæus: *Duodenos asses* appellat, plenam centesimam, eo modo loquendi, quo nunc in ea re utimur, *duodecimum denarium*, vel *decimum quintum* dicentes. Alciatus: Fœ-
nera-

“nerabant respublicæ civitatum *duodenis assibus*
 “ut inquit ad Trajanum Plinius: quæ in jure
 “nostro Centesima usura dicitur, lib. V. Pa-
 “rergr. cap. xxvii. Hotomannus: *Duodenos*
 “*asses* intelligit, qui mensibus duodecim colli-
 “guntur, nimirum ex usura centesima. Solus ex
 “eodem valetudinario, in quo noster, Mat-
 “thæus Hostus: *Duodenos asses* in annum pro ple-
 “na centesima usura posuit: est enim centesima
 “usura velut as: quod ut in mensem uncia, quæ
 “assis duodecima pars est, ita in annum duode-
 “ni asses nummi, velut integer as, ut à quibus
 “compleatur, cedant de centum assibus: fuit ita-
 “que hæc centesima usura annua, scilicet duode-
 “ni asses, ut unus as quolibet mense datus, usura
 menstrua. Paulo hic cultius: non tamen sine
 spinis. *Plenam centesimam* dixerat Budæus: id
 statim arripuit hic tanquam conveniens assi
 usurario annuo. Sed centesima usura est vel-
 ut as, non respectu ejus, quod annuum datur,
 sed ejus quod menstruum: est enim nummus
 integer in centenos: ut *semisses* usuræ sunt idem
 nummus in centenos dimidiatus menstruus:
quadrantes pars quarta vel tres duodecimæ
 ejusdem. Ergo quia hic nummus menstruus
 est centesima usura & as, non uncia ejus pendi-
 tur in menses, quoties centesimis contractum
 est sed ipse as: ubi autem uncia hujus assis pen-
 ditur menstrua, non potest intelligi centesima
 usura: hæc enim ipse as est & duodecim un-
 cia.

ciæ. Duodeni autem asses nummi cedunt quidem in anno, ubi as datur menstruus: sed duodenis assibus non potest describere centesimam, qui adsuevit usurarum quantitatem nunquam definire aut appellare, nisi ex menstruo, ut adsueverat Plinius. Hæc non ferenda novitas etsi ambigere de recepta lectione jubebat, tamen & ab altera me: deterrebat Salmasii *usurarum assium* interpretatio, quam concoquere non poteram, & meliorem non reperiēbam, ut nunc, Deo dante, reperi.

Asses usuras dictat appellatas, quia ut Græci „ ἀπὸ τῆς δερχμῆς suas usuras denominaverunt, „ qui nummus apud illos ex argento signatus „ antiquissimus, ita Romani ab asse & suarum „ appellationes sumpserint, quem ex ære per- „ cussum, & quidem ab antiquo & longe, ante „ quam ex argento signatum denarium habue- „ runt. p. 233. Et rursus: Nam ut Græci usuræ „ nomen ex nomine drachmæ designarunt, at „ fortis appellationem in mina fixerunt, ad quam „ omnis usura revocaretur, Latini similiter ab „ antiquo ab asse & ejus partibus usuræ appella- „ tionem expresserunt &c. p. 270. Non conveniunt hæc: nam Græci drachmam considerarunt ut nummum; Romani assem, non ut nummum, sed ut divisorem centesimæ. Præterea Romani, quum invenerunt hoc genus loquendi, nec assem nomisma nec ullum adeo nummum indigenam habuerunt: ære gravi pro

pro nummo aut pretio rerum utebantur. Eadem pag. 270. dicit *asses usuras* dare *assem* in
 « centum annum, ut *πᾶσι ἐμὲ δεῦρο* Græ-
 « cis dat drachmam in mensem: & hac re differ-
 « re Græcos à Romanis, quod illi in hac formu-
 « la de menstruis usuris intelligant, Romani de
 « annuis. Et pag. 231. *Assis* nomine Latini cen-
 « tesimam significarunt, sed annuatim solvendi,
 « ut Græcis *δεῦρο* appellatione idem usuræ
 « genus intelligitur, sed menstruatim præstan-
 « dæ. Hæc olim rejecimus, quia p̄lam est &
 Romana vocabula omnia non nisi menstruum
 exprimere. Et sic suspecta mihi erat *usurarum*
assium appellatio pro centesimis: quamvis
 minores assis partibus describi facile ferrem
 ob exempla passim obversantia. Primus autem
 quod meminerim, Salmasius post Hermo-
 laum *usuras asses* nominare ausus est, rationi-
 bus, ut dixi, suspectis. Tentaveram quidem
 aliam, nempe, quod centesimæ cum inferiori-
 bus collatæ is est conspectus, qui assis ad
 partes suas. Sed vicissim, nec, quæ intra
 centesimam sunt, assis partibus designarentur,
 nisi earum foret idem conspectus ad centesi-
 mam, qui est partium assis ad *assem*. Et ita
 fit circulus, nec apparet hætenus, in quibus
 sic cœperint loqui. Quærimus autem initium
 & caput hujus nodi lororum. Ista ratio totius
 ad duodecim partes, & uniuscujusque partis
 ad solidum, potius est aliquid necessario con-
 se-

sequens applicationem assis ad rem partien-
dam, quam occasio applicandi: & quia con-
currit in omnibus, quæ sic dispartimur, non
potest haberi causa, cur unum genus ex omni-
bus hoc modo tractetur, & perpetua inde
nomina nanciscatur.

62 Nunc autem & *usuras asses* dictas &
summa cum ratione dictas & in ore vulgi non
infrequentiores quam alias fuisse & ab *usuris*
assibus fluxisse cæteras certum habeo. Unde
igitur *usura asses* nomen acceperunt? Verbo
dicam, quod adhuc neminem statuisse vidi,
sed verissimum est: ex eo, quod *as* & *libra* ea-
dem res erat, quum hæc vocabula sunt in-
venta, & eodem pondere fuerunt usque ad
bellum Punicum secundum, quum ob ærarii
inopiam & ultimas reipublicæ necessitates Q.
Fabio Maximo Dictatore *as* ex *librali* factus
est sextantarius. Quemadmodum autem cen-
tesimis minores *usuræ* dictæ sunt *deunces*, *dex-*
tantes, *dracantes*, *heses*, *septunces*, *semisses*,
quincunces, *trientes*, *quadrantes*, *sextantes*, *un-*
cia, *semuncia*, quia *centesima* & *libra* eadem
res erat, nec pecuniam aliam quam libras æris
habebant, & si centesimam dividere vellent,
non poterant aliis vocabulis uti, quam par-
tium libræ: ita & *usuras* centesimas dixerunt
usuras asses, quia qui centesimas *usuras* pro-
miserat, menstruos dabat asses in centenos
asses vel menstruas libras in centenae libras.

Una

Una erat differentia inter *assem* & *libram* ex instituto Servii Tullii, quod *as* signatus habebatur cum partibus suis, ne molestia appendendi moram commerciis faceret; *libra* dicebatur etiam de non signato ære: in cætera pondus idem, eadem materia, eadem partitio assis & libræ fuit: sed invaluit, ut potius dicerent *usuras asses*, quam *usuras libras*, quia in signato & pecunia hujus nuncupationis usus erat. Qui die cæca vendebat, aut mutuum rogabatur, nihil ambigui relinquebat secum contrahenti, sive dixisset: *Faciam nomina*, vel *expendam tibi*, quod *desideras*, *ea lege*, ut quod *serius triginta diebus debitum expunges*, *des mihi insuper usuras menstruas centesimas*: sive quotquot *triginta diebus*, *usuras libras singulas in centenas singulas libras*: sive *usuras asses in centenos*. Eadem est in his omnibus ἐπεξήγησις, vel appositio, ut nunc vulgo Literatores vocant. *Usuras centesimas*, usuras, quæ sint centesimæ partes fortis menstruæ: *usuras libras*, usuras, quæ, ne nescias, erunt libræ æris: *usuras asses*, usuras, quæ sint asses in centenos menstrui. Erat autem *as* libram pondo: & massa libralis non plus non minus capiebat æris quam *as*: hoc uno discrimine, quod *libra* dicebatur etiam de rudi & factò, *as* tantum proprie de signato ære. Hæc vera sunt, adhuc ab omnibus frustra quæsitæ, *usurarum assium* incunabula: hoc initium usurarum modum asse definiendi: quod

quod non nisi asses forent, quibus ut plurimum ibant in creditum, quibus emebant, vendebant, pretia omnium rerum aestimabant. Id hinc porrexerunt ad minores usurarum numeros, quia asses isti, perinde ut centesimæ, nihil differebant à libris æris, nisi quod signum impressum haberent: & sic commodius aut omnino aliter dividi non poterant, quam partibus libræ. Qui enim audierat, *Dabis usuras asses in centenos*, si bonum nomen erat, si non dubitabat aliunde minoribus accipi, aut quamcumque aliam spem habebat, *usuras non asses, sed beses, semisses, trientes* unius libræ vel assis vel centesimæ menstruas offerebat. Et satis credibile est, prius in summa quam in partibus veteres sic sermocinari cœpisse. Fert enim natura, ut prius eloquatur destinetque mercedem rei, qui rem sub mercede daturus est; ut cujus merx est, ejus indicatio sit: fert item, ut multum malit lucrari quam parum, qui fidei alienæ credit. Præterea partes fieri non possunt, nisi prius mente conceperis imaginem totius: & quemadmodum partes totum præcedunt natura, ita totum partibus prius est cognitione. Denique bes, semis, triens, quadrans nullius rei potest intelligi, quæ sit omnis quanta, ignoratur: at ubi rei modum mensuramque integræ tenueris, facile ex universa colliges, quantum sit in ejus besse, semisse, triente, quadrante.

63 Hinc apparet, quam feliciter & magnifice hunc locum Salmasius tractarit: nam quum vulgatum nullo modo tolerari queat, si *centesimis* supposuisset, utrumque vocabulum deleri oportebat: si *τὸ ἀσibus* expunxisset, quod *τὸ duodenis* adjungeret, nullum reperiebat: si *τὸ ἀσibus* reliquisset, unicum & solum erat, quod commode, quod erudite, quod omni ratione subserviente illi applicaretur, *τὸ Ὑσῦρις*. Et tanto pretiosior ista est emendatio, quod hæc sola nobis superest in antiquitatis naufragæ tabulis mentio *ασium usurarum*, quas tamen quotidiano sermone jactatas nihil dubitamus. Hic rursus, ut qui locis obscuris aut ignotis deprehensi omnia tuta timent, ille ignarus, quid probatione indigeat, quid sine teste recipiatur, poscet auctores. Ego vero nullum alium auctorem illi, quam rerum evidentiam, dabo: quam quisquis non capit, ei consilium dandum est, ut illos bonos libros evolvat, quibus tantopere noster offenditur. At illi non desinunt boni esse, quod omnibus bonis melior est *ὁ Θεόπρωτος*. Est enim etiam in suo ordine bonum, quod ad summum bonum non patet aut pertinet: & qui ista tanquam adversantia statuit, ostendit se malum dialecticum, nec perdidicit doctrinam de Oppositis, ut illi sua verba reddam.

64 Refert ex Plinio, Denarium placuisse olim pro decem libris æris, postea XVI. assibus

bus permutatum: & tamen, subjicit, fremen-
 te Grammatica, publice denarii nomen fre-
 quentatum fuit. Et hoc pueriliter atque indo-
 ctorum more: non enim Grammatice rebus
 nomina imponit, aut quo minus imponantur,
 intercedit, sed nomina rebus imposita ordi-
 nat, & in illis analogiam vel anomaliam cau-
 sas demonstrat. Sed & omnis hic sermo futi-
 lis est: & tamen denarii nomen frequentatum
 fuit. Quid stultius? An quia denarii pre-
 tium imminutum est in ære gravi, deinde au-
 ctum in assibus levioris ponderis, ideo nomen
 ejus, jubente Grammatica, debuit aboleri?
 & illa plorante frequentatum est? Perinde
 hoc ac si dicam: Olim Dalerus xxxii. obo-
 lis æstimatus est; nunc æstimatur xlviii. aut
 i: & tamen fremente Grammatica nomen
 ejus frequentatur. Olim aureus fuit xxviii.
 obolorum, nunc multo plures facit: viginti
 octo obolorum nummus est argenteus: & ta-
 men, fremente Grammatica, nomen aurei
 frequentatur. Justa volumina condi possunt
 in omnibus linguis vocabulorum, quorum
 significatio ab origine ita deflexit, ut vel con-
 trahior vel amplior, aliquando & prorsus
 alia & omnino contraria reddita fuerit:
 quod ita ne fieret, intercessisse Grammati-
 cen, aut se invita fieri obtestatam deum ho-
 minumque fidem nullis unquam nuntiis acce-
 pi. *Uncia* ne pro asse, & *as* pro uncia, tum

centesima pro duodecim centesimis, *duodeni asses* pro uno ne dicerentur, non Grammaticæ, sed usus loquendi (qui fuit ante Grammaticen, & Grammaticen genuit) & Arithmetice, & sensus communis omnium hominum & natura rerum intercedit.

65 Hinc adspersit quædam de exactiōe menstrua & de ἀνατολισμῶ, quæ nec ipsum juvant & nemo requirebat. Sed ne hæc quidem expedit sine argumento dissolutionis, negligentia, pinguis Minervæ, qua tractat hæc studia, & advigilat, qui videt alios dormitantes. *Licinnius*, inquit Gallia præfectus. Si quos processus in literis effecisset, diceret: *Licinus* Augusti in Gallia procurator: etsi oggerent istud versiones, neque in margine, ut fit, corrigeretur: etsi Græca Λικίννιος habere non desinerent. Est enim hic, de quo epigramma vetus: *Marmoreo tumulo Licinus jacet*. Rursum, Cicero optat lib. 5. ad Att. epist. ult. quo Salaminiis consuli posset, ut *centesima perpetuo fœnere ducerentur*. Nemo ista in epistola ullum tale votum aut optatum Ciceronis reperiet. Romæ absente Cicerone SC. factum ibi scribi video, ut in contractibus urbanis vel civium Romanorum *centesima perpetuo fœnore ducerentur*. Salaminiis ut consuleret, nihil erat ei optandum, utpote magistratui & cui pro imperio agere liceret: nisi forte, ut minor esset aut importunitas Scaptii aut

aut Bruti gratia. Nam absque his foret, satis eis consulebatur edicto ipsius Ciceronis, in quo observabat centesimas cum anatocismis anniversariis. Haftenus tamen iis consultum est, quod Ciceronis proconsulatu non quaternas centesimas, nec pro CVI talentis, quæ debebant, ducenta, quæ petebat tocullio, solverunt. Pag. 54. reversus ad nostram litem, negat se per somnium cogitasse, quod centesima dispersita sit in duodecim uncias, ejus rationem in anno quærendam. Potestne quisquam mortalium ita omnem pudorem decoxisse? Taceo, quæ passim per utrumque scriptum insulcat. Continenter ante hæc verba laudat, quæ de sextariis deque jugeribus mihi contradixit olim, scilicet ea suo modo mensurabilia non posse ita in duodenas partes distribui, ut duodena cujusque ANNI parte, pars pariter duodena exhibenda sit: nempe ut centesima. Rursum continenter post ejuratum suum somnium: sed, inquit, quod duodecies, hoc, est uniuscujusque mensis Calendis, duodena assis ANNUI parsexigi consueverit. Similia sunt in M. Damæ & Fufidii ficta ab illo fabula. Et hic homo negat, se rationem, quare Centesima in partes assis divisa sit, quæsisse in anno. Det age vel nunc definitionem aut descriptionem qualemcumque Centesimæ Usuræ, in quam non intret anni aut annui mentio: credam illum non fecisse,

quod toties fecit. Si non somniavit sibi rationem centesimæ assis usurarii quærendam in anno, quid pungit eum, quod injeci de anno interdum contracto, interdum producto?

Nec tamen evadit hoc telum tam leviter defungendo, quam putat. Annum contrahat, inquit, ut libuerit, & vel annum Arcadum assumat. Annon usura centesima sorti centesimo quoque mense adæquabitur. Hic latet anguis in herba. Significat enim, si nihil aliud possit, facturum, ut alio modo βαλαντιφάγην incipiat, nec certaturum, ut antehac, de duodecies soluto duodenis partibus anni, sed centesimam dicturum inde appellatam, quod centesimo mense sorti adæquetur: quam opinionem ipse inventor Budæus destituit. Videbimus, an huc se convertat. Nam si ea ratio est, prorsus actum est de asse usurario. Certe qui sic interpretati sunt, etsi erraverint, annum nullum respexerunt. At ille dictatoria majestate: Et ut hæc ipsa est & manere debet as usurarius, cujuscumque seu mensis seu anni habita ratione. Itane cujuscumque? etiamne, si annus decem tantum mensium fuerit? quid injustius in debitores? si quindecim? quid iniquius in creditores? Sed quid illius interest, pereant debitores, an creditores, an utrique, dum modo maneat & sit ille, qui nunquam fuit, nec posthac cuiquam mediocriter erudito probabitur, as usurarius.

66 Pergit : ita certum manet, à tempore „ Numæ Pompilii Romanum annum habuisse „ duodecim menses, atque qui sortem per an- „ num retinebat, pro more Romano duodecies „ centesimam sortis partem debuisse solvere. „ Hic iterum, dum se explicare studet, ita implicuit, ut nullo modo expedire possit. An- nus à tempore Numæ Pompilii erat duode- cim mensium : sed ubi ducit intercalares ? Anno à Numæ usque ad fastos à Julio Cæsare ordinatos Lunari utebantur Romani CCCLV dierum, ut Græci quidam, teste Macrobio, CCCLIV. Utrique ut suum annum cursui solis æquarent, singulis octenniis XC dies interca- labant : Romani ita ut alternis annis, seu cui- que biennio adderent binos menses intercala- res, modo paris, modo imparis numeri, vel- ut XXII & XXIII dierum : & quia in octennio Romano superant octo dies, secus atque in Græco, illos colligebant tertio octennio & tantummodo LXVI, non XC, dies tum inter- calabant, ut uterentur illis XXIV diebus super- fluis. Expende quos hic tumultus oportuerit facere assemillum usurarium. Alternus annus binis mensibus erat longior. Quis hic usus assis usurarii, qui duodecies solvebatur pro duodenis partibus anni, quum ipse annus haberet quatuordecim tales partes ? Quæ seges litium, quum debitor promptum haberet præ- ferre, nihil ultra assem annum usurarium

duodecim centesimarum sortis partium ab se peti posse; duos istos menses se lucrari debere: creditor contra, se centesimas menstruas partum? Vel hæc sola ratio satis est ad pervin-
cendum neque anni, neque alicujus assis an-
nui in æstimandis ac denominandis usuris ra-
tionem haberi potuisse, quia incertus erat an-
nus, nec incertum potest esse mensura & mo-
dus certi. Huc accedebat, quod negligentia
persæpe, nec raro fraude Pontificum magis
etiam, turbabatur. Videt adversarius, quid
sibi prosit digitum medium in Numam por-
rexisse.

- “ 67 Percontatur; Quæ ratio ergo, cur
 “ quod duodecies quoque anno solvebatur (toto
 “ illo, quod ex duodenis partibus constitueba-
 “ tur, *assis usurarii* nomen ferente) non potue-
 “ rit, ratione singularum partium, *uncia* no-
 . men ferre? Quasi cum surdo & stupido mihi
 res sit, quod centies occinui, usque & usque
 repetendum & occlamandum est. Ratio est,
 quia totum illud, quod sibi fingit, nunquam
 Romani pro toto habuerunt, nunquam id
 assis usurarii nomen ferre passi sunt. Peram-
 bulet omnes ætates superstitis prisce Latii: pe-
 tat ex Faunorum & Aboriginum tabulariis,
 petat ex semigothis & pœne in barbarum cor-
 ruptis: non impingam illi suam Grammati-
 cam, quam habet sine usu loquendi, nec suum
 usum loquendi tam infestum Grammaticæ:
 si-

sicunde produxerit illum usurarium assem, vicerit. Deinde cur illud, quod duodecies quoque anno solvebatur *uncia* nomen ferre non potuerit, ratio est, quia jam *Vncia* nomen ferebat illius ipsius, quod duodecies in anno solvebatur centesimis, duodecima pars; ut *sextantis* nomen ferebat illius, quod in anno duodecim mensium solvebatur duodecies, pars sexta; ut *quadrantis* nomen ferebat, illius, quod sic duodecies solvebatur, pars quarta; ut *trientis* tertia; ut *semissis* dimidia; ut ipsum illud, quod duodecies in duodecim mensium anno solvebatur, nempe centesimæ singulæ, *assium usurarium* nomen ferebant. Fuisset autem ambiguitas inexplicabilis, si *Vncia* nomen idem tulisset & duodecimæ centesimæ pars & ipsa centesima.

68 Rursus exquirat: cumque semel tantum centesima posset solvi, altero scilicet, mense sorte restituta, cur non ratione assis, usurarii, qui ad duodecim menses continuatus, duodecim unciis constitisset, scenus illud, menstruum, æque *unciarium*, ac *centesima* dici, potuerit? Sed iterum malus hic dispensator in rationem infert assem usurarium, quem nunquam subscribet, & ubicumque apparuerit, semper expunget antiquitas. Deinde, non illud tantum scenus, sed omne scenus Romanis erat menstruum & ducendo & nominando, vel si in annum, aut annos, quot velis,

continuaretur: itaque fœnus illud menstruum, præ aliis omnibus generibus fœnoris, quæ omnia erant menstrua, & à menstruo vocabantur, nihil potest habere præcipui. Tertio, quia fœnus unciarium erat centesimæ uncia, itaque non poterat dici pro ipsa centesima.

Quarto *παρωδίας* pulcerrimæ perire occasio non debet: itaque similiter interrogabo: Cumque bis tantum centesima posset solvi, tertio scilicet mense sorte restituta, cur non ratione assis usurarii, qui ad duodecim menses continuatus, duodecim unciis constitisset, fœnus illud bimestre, æque *sextantarium* ac *binæ centesima* dici potuerit? Et rursum: cur non, ter tantum soluta centesima, quarto scilicet mense, fœnus illud trimestre, *quadrantarium* & *terna centesima* dici potuerit? Eademque consequentia: cur non, quater tantum soluta centesima, quinto scilicet mense, fœnus illud quadrimestre, non potuerit dici, *trientarium* & *quaterna centesima*? Et sic *παρωδείν* cuivis licet & redamptuare, ut amptuat iste Præsul (quia me vult Saliorum hymnos intexere) usque ad deunces usuras, easque medias distendere ac dispendere usque ad undenas centesimas. Obtestabitur ille, si quid potest ex vero, hæc non esse paria: quia nec binæ, ternæ, quaternæ centesimæ dicuntur, quoties quot mensibus una centesima penditur, etsi duobus vel tribus vel quatuor

tuor mensibus conjunctis simul duæ aut tres aut quatuor solvantur. Agnoscât igitur omne fœnus à menstruo dictum, nec *centesimam usuram* unquam dixisse veteres aut ex annuo aut pro annuo: eoque *assem usurarium* ullum annum nec illis vel animo conceptum vel ore pronunciatum unquam fuisse, nec nobis concipi aut nominari debere, si probi illorum, loquendo dumtaxat, imitatores volumus haberi: & quia centesima usura, redditus tantum menstruus, ipsa est, à qua inferiores, tanquam ab asse, denominantur assis partibus, *uncias usuras* & *fœnus unciarium* nec fuisse unquam nec posse esse aliud, quam quo uncia centesimæ usuræ menstrua vel duodecima pars menstrua infertur: ut toto anno non plus fiat quam una centesima fors partis, seu nummus unus in centenos. Judicet nunc adversarius, utrum aperte agam, an captem voculas, quo cavillari possim.

69 Quod scripsit, (cum duodenæ Taciti, semunciam, quoque mense solvendæ, conficiant semissem assis annui sive centesimæ) quisquis candorem non exuit, non ita, ut ego, esse interpretaturum autumat. Quisquis candorem non exsuit, verba interpretatur, ut sonant, nec duodenas semuncias quoque mense solvendas accipere potest pro duodenis semunciis, quarum una quolibet mense solvatur, sed quæ omnes unoquoque mense solvan-

vantur. Neque aucupatus hæc sum, sed in sic loquentem, qui & alia plurima extra modum absona & absurda passim effutiret, incidi. Et tamen verbis sic quoque acceptis, ut nunc ipse interpretatur, respondi, quod belle diffimulat.

70 Salmasius in hac controversia sic fuerat argumentatus, si *unciarium fœnus* & *centesima*, *semunciarium* & *semisses usura* forent eadem, non posse fieri, quin quæ supra unciam sunt, eodem modo extendantur & amplificentur: nempe, ut *sextantes usura* sint binæ centesimæ, *quadrantes* ternæ centesimæ, *triens* quaternæ centesimæ, &c. Ratio hujus collectionis demonstratione Mathematica nititur. Cujuscumque enim rei ponitur uncia, ejus rei necessario ponitur & sextans & quadrans & triens &c. hæc si in ea non possunt destinari, nec uncia destinari potest. Jam cujuscumque rei ponuntur uncia, sextans, quadrans, triens, ejus necessario hac proportionem ponuntur hæ partes, ut sextans sit duplum ad unciam, quadrans triplum, triens quadruplum, quincunx quintuplum &c. Ille adversus hæc projece-
rat, tanquam cetus in Persea, undam torrentis cloacæ barbarorum vocabulorum, quæ decimus quisque lectorum non intelligeret. Duravimus tamen & fraudem sub illa sæce ac fœtore obrepentem deteximus. Contra iste:
“Erit vero mihi Apollo usurarius, si æque com-

commoda invenerit nomina usurarum quadrantium, trientium, quincuncium &c. quibus exprimatur duodena earum pars, quæ quoque mense Romæ exigî poterat: atque uncia quoque mense solvenda duodecimam partem centesimæ seu assis usurarii signabat. Petit ergo nomina, quibus exprimatur duodecima pars usurarum quadrantium, quincuncium &c. Quid opus istis singularibus nominibus, quibus explicetur earum usurarum duodena pars? Quadrantes usuræ sunt in centenos quovis mense quarta pars centesimæ, velut libræ unius tres uncia, denarii festerius. Trientes usuræ sunt in centum quolibet mense pars tertia, ut libræ unius uncia quatuor, denarii duo oboli Attici. Quincunces usuræ sunt quot mensibus quinque duodecimæ partes unius centesimæ, velut libræ quinque uncia, denarii sex asses duo trientes. Harum, quid necesse est reperiri proprium & singulare vocabulum, quod duodecimam fingnet? An pars duodena parum intelligitur, si vocetur pars duodena? &, paullo si doctius efferre velis, *uncia*? Ubicumque enim duodecim partes facere vel fingere possumus, *uncia* vocabulum ad præsentem usum ac tempus se præstat & commodat.

71 Sed vult partem duodenam, quæ & menstruum & annum significet. Bonus est creditor: ab ipso sumemus. Quæritur si *sanus*

unciarium centesimæ, *semunciarium* semisses
 usuræ sint, annon oporteat *sextantarium* esse
 binas centesimas, *quadrantarium* ternas cen-
 tesimas, *trientarium* quaternas centesimas.
 “Iste negat hoc esse necesse, quia non dentur in
 “sextantibus, quadrantibus, trientibus usuris
 “æque commoda vocabula ad significandum
 “pariter & annuum & menstruum, ut in uncia-
 rio. Immo quo jure quaque lege *usura uncia*
 sunt simul annuum & menstruum; quo jure
centesima simul annuum & menstruum sunt;
 eodem prorsus jure, eadem facilitate *sextans*
 significat partem duodecimam in sextante vel
 duplici asse usurario annuo seu binis centesi-
 mis: eadem commoditate *quadrans* significat
 partem duodecimam in triplici asse seu qua-
 drante usurario annuo vel ternis centesimis:
triens partem duodecimam in triente seu qua-
 drupedante asse usurario annuo vel quaternis
 centesimis. Eadem mollitudine, qua *uncia* est
 as, *sextans* sunt duo asses, *quadrans* as triplex,
triens as quadruplex. Juxta leniter & festivo,
 quam centesima est as usurarius, duæ cente-
 simæ sunt as usurarius duplex, & sic *sextans*
usurarius: & ejus duodecima pars quoquo
 mense illata, nempe duæ centesimæ sortis
 partes, est sextans sextantis usurarii seu du-
 plicis assis annui. Non aliter ternæ centesimæ
 sunt tripes aut triceps as seu *quadrans usurarius*
 annuus, & ejus duodecima, tres scilicet cen-
 tes-

tesimæ sortis partes, sunt quadrans quadrantis usurarii seu triplicis assis annui. Sic & quaternæ centesimæ nibilo durius sunt quadruplex as seu *triens usurarius* annuus, cujus duodecima, quatuor centesimæ sortis partes, erunt triens assis quadruplicis seu trientis usurarii annui. Et sic deinceps. Videt quantum in hac schola profecerimus, & quam male iterum adseveraverit, in sextantibus, quadrantibus, trientibus & cæteris usuris, admissio illo mythico asse usurario annuo, non inveniri vocabula, quæ simul & annum & menstruum istius assis novæ Latinitatis conditori exprimere possint. O materiem litium infinitam! ô vocabula non homines, non domos, sed urbes, sed nationes evertentia! Promisi tibi *uncias usuras*: puto me salvum fore, si menstruam tibi solvam unciam centesimæ, annuam centesimam sortis partem, vel nummum in centenos: at tu duodecim poscis, quia obtendis uncias te stipulatum non centesimæ menstruæ, sed centesimæ annuæ seu assis usurarii. Promisi *usuras sextantes*, speravi me abiturum latere tecto, si tantum corradere possim, ut mercedem pendam quovis mense centesimæ partis sextantem, toto anno duos nummos in centenos. at tu tibi satisfieri vis ad sextantem vel bifurcum assem usurarium annum, & quovis mense sextantis illius usurarii sextantem, id est, duas centesimas

for-

fortis partes, toto anno binas centesimas usuras exigit: & nisi dem, rapis me ad puteal Libonis, & si non sit, unde dem, additum abduces, & in compedibus habebis. Hæc multo gravior est rapacitas quam illa Licini: ille pro duodecim sextantibus abstulit quatuordecim; tu pro duabus unciis viginti quatuor.

72 Hæc vetera: sed machinatur & aliquid
 “ novi adversus Salmasii argumentum. Proba-
 “ re, inquit, antea debuisset, Romæ (neque
 “ enim extra illam divagari licet) & sextantibus
 “ & quadrantibus & trientibus anni partibus
 “ Usuras solvi consuevisse. Et hoc iterum iste,
 qui negat se somniasse, quare usuræ sint assis
 partibus appellatæ, in anno esse quærendum.
 Interim diu mecum deliberavi, qui sensus,
 quæ mens esset hujus oraculi: quid vellet, qui
 diceret, male colligi, si *unciarum fœnus* cen-
 tesimæ, *semunciarum* semisses sint usuræ,
 etiam *sextantarium* binas, *quadrantarium* ter-
 nas, *trientarium* quaternas fore centesimas;
 hoc, inquam, male colligi, nisi constet etiam
 sextantibus & quadrantibus & trientibus anni
 solutas fuisse usuras: aut quare solutio si non
 fuerit bimestris, trimestris, quadrimestris,
 obicem ponat tam liquidæ & fluenti conse-
 quentiæ. Hoc ille volens sic obscuravit, ut
 fastidiens & longam cogitationem in re tan-
 toper ab illo derisa pertæsus lector sibi quo-
 cum-

cumque modo satisfieri pateretur. Hæc igitur sententia hujus velut à Caco eructati fumi, diversam esse rationem unciarum & reliquarum usurarum : quippe uncias unciis anni solutas , nullas autem solutas sextantibus aut quadrantibus aut trientibus anni. Etiam non abesse sibi ad præcavendum intelligendi astutiam putat in isto, (Romæ, neque enim extra eam divagari licet) ut si responderimus, naturaliter hoc contingere ubique gentium, ut interdum annua, interdum menstrua, interdum complurium mensium die, hoc est, sextantibus aut quadrantibus aut trientibus anni, sumatur creditum sub usuris; habeat, quod regerat, id Romæ non factum, & poscat auctores. Et tamen sequenti periodo sibi excidere patitur, Unoquoque mense solvebant, nisi aliter convenisset; quæ exceptione, sibi rescindit irritumque reddit, quod tam generatim prius enuntiarat. Quamquam autem hac responsione stare me satis existimem, sunt tamen & alia, quæ vanitatem istius circumscriptiois manifestent. Primum hoc speciem habet in *unciario* : sed quid fiet *semunciario* accepto pro semissibus usuris? si omnino unoquoque mense solvebant, nunquam etiam solvebant semuncia vel semisse (eadem enim hæc illi) anni: & sic in semunciario scœnore eadem ratio cessat, quæ in sextantibus, quadrantibus, trientibus usuris,

valet autem in unciario. Deinde quod unciae usurae solvuntur unciis anni sive unoquoque mense, est commune accidens omnium usurarum, non fœnoris unciarii proprium : & propterea unciarum usurarum naturam invertere aut differentem ab aliis, quod ad originem nominis ac significationis, reddere non potest : neque efficere, ut aut unciae ab unciis anni; sextantes, quadrantes, trientes, non à sextantibus, quadrantibus, trientibus anni; aut ab anni unciis unciae; trientes, quadrantes, sextantes ab trientibus, quadrantibus, sextantibus centesimae dicantur. Plane καὶ ἀ συμβεβηκὸς evenit, ut idem vocabulum in divisione anni, tanquam assis, detur mensi seu ei parti, qua vulgo usurae pendebantur, & certo generi usurarum in divisione centesimae partis usurae, tanquam assis : res ipsae & ratio nominis utriusque nihil participant, nisi quod utrobique pars denotatur duodecima. In Græcorum usuris numerantur πικρῶ ἐπίτριτῶ, ἐπίπεντητῶ, ἑφεκτῶ, ἐπὶ γδοῦ, ἐπιδέκατῶ. Hic similiter contingit καὶ συγκυρίαν, ut ἐπιδέκατῶ πικρῶ idem prorsus in anno efficiat, quod in duodecim mensibus Latinorum usurae dextantes. Habent etiam commune, ut ἐπιδέκατον à δέκα, sic *dextantes* à *decem* dici. An id eo usque valebit, ut aut Græcorum ἐπιδέκατῶ à dextantibus Romanis, aut dextantes Romanae ab Græcorum

rum ἐνδείκται originem ducant; cæteræ aliam habeant? Haudquaquam: quia numerus, in quo conveniunt, est commune accidens omnibus his vocabulis: quod in uno nullam habet propriam efficaciam ad originem ejus aliunde ducendam.

73 Nunc tempus prostituendi summam imprudentiam hominis, & ostendendi, ut nihil sua referre existimet, amicus annon lædatur, dummodo & una lædatur inimicus. Gronovius misericordia dignissimus est, quando hunc producit Achillem: Alius jussus solidum argumentum adducere, si ita argumentaretur, firmissimis Hippocratis vinculis constringendus foret; Gronovius venia dignus est, quia dialecticam non didicit. Nec cogitat hæc omnia recidere in Salmasium, quem colere se simulat. Etenim Salmasius est, qui sic argumentatus est: ex Salmasio adduxit ipse in facerrimis exercitationibus: Salmasius igitur est misericordia dignissimus: Salmasius Hippocratis vinculis constringendus: Salmasius dialecticam non didicit, hæc omnia judicio tetrarchæ veritatum. Nisi ageret ferret hominem inconsideratissima temeritas, potuisset huic convicio alium locum legere, ubi non mecum Salmasius plecteretur.

74 Sed iste meus stupor, qui extra Sophisticen suam nil videt, nihil audit, Ipse quis sit, utrum sit, an non sit, id quoque nescit;

“ scit tamen me velle mea dumtaxat ut Grammatica haberi. Quamquam valde malignus est iste voluntatis alienæ interpret, volo tamen, si Grammaticum est, quicquid literatum & ex interiore censu ac mundo eruditionis petatum: ut Mosen primum σοφὸν fuisse καὶ τὴν γραμματικὴν, id est, docte scribendi artem, τοῖς Ἰσθαίοις παρεδῆναι ex Eupolemo refert Clemens: ut Eratosthenis solertiam in omni genere literarum Grammatici nomine addito significavit antiquitas. Volo vero, & ad tantum opus aliquid conferre mea scripta magnificum duco. Volo etiam, si Grammaticum est, quicquid non discrepat à præceptis recte loquendi; quicquid non ὑποσέλοιγεν aut βαρβαρόφωνον. & qui vel hoc assequatur, eum cur pœniteat, quantum profecerit, nihil esse causæ censeo. Sin autem Grammaticum est non nisi ex primis puerorum institutionibus decerptum (etsi quicquid ad illarum emolumentum egregie pertinet, non contemnitur à prudentibus, sed ab indoctis, rusticis, malo tirocinio ipsis primum imbutis, derisoribus rerum sanctissimarum, quibus omnis vitæ tranquillitas & reipublicæ salus continetur) hoc igitur si solum ei Grammaticum est, quod ludi puerilis parietes non egreditur, optarim equidem omnium & magistrorum & discipulorum tantam esse indolem, ut nostris uti possint: nihil ex eo detrimenti, opinor, caperent

rent studia. Sed si qua est ea classis, longe profecto infra hanc ablegandus & detrudendus est Theologorum vomica, Jurisconsultorum carcinoma, Medicorum simia, Physicus intus & harengis & Maurorum genitura, Dialecticus sine syllogismo, Philologus sine Grammatica, Rhetor Synecdochicus: qui si vere minatur se omnia mea legisse, (at ego perpauca illius & fere tantum, quæ intemperies hominis mihi impegit) nihil in illis clamat se intellexisse. Unde autem scit captator & actuarius sermunculorum, me velle mea tantum pro hujusmodi Grammaticis haberi. Nempe scripsi, nescire istum, quid sit analogia. Sic solent ratiocinari pessimi dialecticorum. Quid enim? quicumque nominat analogiam, ejus nihil est ipsius judicio nisi Grammaticum? Aristoteles in loco de justitia multus est τὸ ἀνάλογον & τὴν ἀναλογίαν appellando: sua igitur tantum vult ut Grammatica haberi. Julius Cæsar scripsit de analogia: ergo quæcumque scripsit, voluit pro Grammaticis haberi. Geometræ & Arithmetici tradunt de analogia: nil igitur tractant aliud quam Grammatistæ. Assæ & partibus ejus & Geometræ & Arithmetici & Jurisconsulti olim utebantur: nec illis poterant uti, nisi diligenter expensa illarum partium analogia: de qua nihil omnino Grammaticæ.

75 Aliud crimen pag. 57. Etiam omnia sua,,

- “ non cohærere fatetur : inde illud pag. 79.
 “ *Omne simile dissimile est.* Rursusque pag. 70.
 “ Minutiarum Grammaticarum ipsi adeo non
 “ constat ratio , ut coactus fuerit dicere : *Omne*
 “ *simile etiam dissimile est.* Et hoc perfrectæ fron-
 ris insigne specimen. Ego notavi, quæ nobis
 sunt *duodecim in centum* , posse vocari Latine
centesimas : hætenus vernaculæ linguæ cum
 Romana convenire , ut ambabus numerus
 quidam lucrativæ pecuniæ rem eandem expri-
 mat, quoque audito utriusvis unius modo
 callentes nihil diversum animo subijciant; ipsa
 tamen pronunciata inter se plurimum differre,
 nec centesimam significare Duodecim , nec
 Duodecim centesimam , sed Romanis efferri
 menstruum , nobis annum. Hæc quia ille
 turbat , & quæ sensum eundem efficiunt, pu-
 tat etiam dici eodem modo , nempe ut & Ro-
 mani significant annum , adhibui illud pro-
 miscuum : *Omne simile etiam dissimile est.* Iste,
 qui non, quod fecit , sed quod vult , somniat,
 hic me vult scripsisse confessionem , mea pa-
 rum cohærere. Quid si scripsissem, quæ ille
 “ pag. 16. Fateor lubens, me hæc probare non
 “ posse : & pag. 52. Nec inficias tamen ivero ,
 “ hic aliquos scrupulos superesse , & examus-
 “ sim omnia non convenire calculis , quos ad-
 “ versarius attendi debere contendit. At in vera
 sententia , quam nos tuemur , optime omnia
 cohærent & consentiunt : nihil restat scrupu-
 pli :

puli: ne obscuritas quidem ulla aut in explicando difficultas. Quicquid ejusmodi fuit, erat, donec omnis pateret. Olim magnis viris, qui non simul eam universam, sed particulatim eruerunt, quum multi errores circa fallerent, nec aut noscerentur statim ubique aut corrigerentur, arduum fuit recta & sana adulteratis conglutinare. Nunc sibi dictum putet: *Dignus cum tuis scrupulis, odium. nodum in scirpo quaris.*

76 Ibidem contemptis & exhibitis omnibus Jurisconsultis, Jacobum Gothofredum ait secum sapere. Sed impingit solens: nusquam enim Jacobus Gothofredus scripsit *fœnus unciarium* esse centesimam: sed ambigue atque obscure locutus est, *fœnus unciarium* definiendo, quod unciam unam menstruam in assem pendit. Neque enim quem *assem* intelligat, explicuit, illumne nostri assem usurarium annum, an assem centesimam menstruam, an denique assem sortem. Nam & hoc alicui posse in mentem venire, ac proinde, qui sic loquuntur incautioribus plagas tendere, præsto est exemplum Nic. Abramus ad Orationem Ciceronis pro Cælio. Compressa sceneratorum cupiditate scribit ad „*usuras uncias* ventum, ne plus duodecima parte singulis annis exigerent. Immo duodecima parte unius nummi menstrua, uno nummo annuo, in centenos. Sed audiamus ipsum

explicantem, quæ sit ista, cujusve rei pars duo-
 decima. Totam enim, ait, summam antiqui
assem sive *solidum* vocabant: eum *assem* in duo-
 decim uncias dividebant. Sic faciebant certe
 suo loco: sed non, quod continenter sequitur.
 Exempli causa, inquit, Sejus à Titio scæne-
 ratione mille ducentos Philippeos acceperit:
 cum illum *assem* sive totam summam in duo-
 decim partes sive uncias diviseris, singulæ un-
 ciæ centum Philippeos continebunt: quos
 Sejus Titio singulis annis *scenoris unciarum* no-
 mine pensabit. Ego vero dabo pignus in
 meum talentum, inque Abrami nummum,
 ni recusabit ille & deprecabitur tantam jactu-
 ram, siquidem sapiet: non enim plus duode-
 cim numeraturus est. At centum Philippei,
 merces mille ducentorum sortis annua, sunt
usura besse bina sextula: quippe in centenos
 octo triens. Pergit: Quod scenus si ad se-
 muncias redegeris, quartam & vicesimam to-
 tius summæ partem, id est, Philippeos quin-
 quaginta expendet. Juxta pinguis hoc Mi-
 nervæ: non enim expendet ultra senos. At
 quinquaginta Philippi in mille ducentos an-
 nui sunt *usura trientes sextula*. Nimirum in
 mille ducentos annui centum requirunt octo
 trientem in centenos. Duodecies octoni sunt
 xcvi: duodecim trientes sunt quatuor asses:
 qui nonagenis senis additi efficiunt centenos.
 In centum octo annui sunt menstrui besse:

nam

nam duodecim besles, octo asses. Hæ ergo *besles usura*. In centum triens annuus sunt menstruæ binæ sextulæ. Nam triens duodecim habet binas sextulas, quum uncia tres binas sextulas. Hæ igitur *usura bina sextula*. Similiter in mille ducentos annui quinquaginta, requirunt quatuor sextantem in centenōs. Nam duodecies quaterni sunt XLVIII: duodecim sextantes, duo asses: qui si accedant ad illos XLVIII, existunt quinquaginta. In centum quatuor annui sunt menstrui trientes: nam duodecim trientes absolvunt quatuor asses. Sic hæ *usura trientes*. In centum sextans annuus sunt menstruæ sextulæ: nam sextans habet duodecim sextulas, ut uncia sex sextulas. Sic hanc accessionem apparet esse *usuras sextulas*. Fraudem sibi fecit homo eruditus & *assem* & *unciam* male hoc in negotio interpretando. Nam *unciarium fœnus* duodecimam quidem conficit, sed menstruam, non annuam, & centesimæ partis, non fortis. *Assem* quoque vocabant quidem quamvis summam, si lubuisset: sed non summæ creditæ intuitu dicebant *asses usuras*. Sed & usuræ modum lege de unciario fœnore præscriptum non mediocriter ei centesima excessisse videtur. Facile patior: sed quemadmodum? Nam quum occu-
patis, inquit, mille ducentis Philippeis cen-
tum quotannis Philippei fœnoris unciarii no-
mine penderent, fœneratores *centesimalium*,

“ nomine duodecim Philippeos menſtruos, id eſt, CXLIV annuos, exigebant. Atego *aſſem* putabam duodecies excedere modum *uncia*. Aſſes autem uſuræ ſunt centeſimæ. Ergo ſi ſcœnus unciarium mille ducentorum ſunt annui centeni, uſuræ centeſimæ ejuſdem ſummæ erunt mille ducenti annui, & ſic ipſam ſortem æquabunt. Sin autem centum quadraginta quatuor ſunt centeſimæ mille ducentum, haud dubie ſcœnus unciarium non erunt niſi duodecim : nam duodecies duodecim ſunt CXLIV.

77 Perventum tandem ad Legem XLVII. π. IV. D. de admin. & peric. tut. ubi hoc ſaltem bene, quod verba mea integra referat, & in illis mendum operarum corrigit : ſed dum libello ſuo molem quærit, iſta comparatione ſuas ariolationes & ſordidas magis & ridendas reddidit. Itaque ne verbo quidem mihi hic opus, niſi quædam ineptiæ hominis delegendæ eſſent. Quum ipſe nihil eorum, quæ
 “ probare illum juiſſeram, adſerat, ex me quærit, ubi dicat lex maluiſſe teſtatores eam pecuniam eſſe penes tutores, quam alios? Reſpondeo, ibi : *Volo, ut ſit in arbitrio tutorum filii mei, ſi voluerint huius ſummæ uncias inferre uſurarum nomine.* Quod eſt, ut illorum ſit optio, velintne eam pecuniam potius ipſi habere ſcœneratam ſub unciis centeſimarum huius ſummæ ſolvendis uſurarum nomine, an alijs credere,

dere, ut solent debentque vulgo tutores, qui pupillorum bona administrant, & ab iis pupillares usuras exigere. Quis enim infert usuras, nisi qui pecuniam habet scēneratam? Ubi autem est arbitrium, nisi minimum duo proposita sint, ex quibus alterum eligere liceat? Quod si alterutrum horum ordinarium est, & arbitrium fecero, utrum ordinarium sit, an id quod præter morem ego commentus sum, quis dubitat, quin hoc malim? Quærit deinde, ubi dicat, quos tutores dedidit liberis, fuisse viros bonos & exploratæ fidei? Respondeo: si prævidissent jurisconsultus aut testator, fore homines aut tam stupidos aut tam malignos, qui hoc quærerent, non pepercissent adjicere. Sed quia putabant neminem fore mentis compotem, qui de hoc ambigeret, prætermiserunt. Quales enim alios, ulla si horum est copia, damus tutores liberis? qua quidem in opinione decipimur interdum: sed nemo ultro præsumit, in hoc se decipi. Quærit, ubi dicat acceptam sub levissimis usuris potuisse tutores majoribus credere? Respondeo: usuræ levissimæ inde colliguntur, quod nemini obtrudere pecuniam meam possim, ut ea uti velit non desiderata, nisi sub levissimis usuris. Potuisse autem majoribus credere, palam respondet Jurisconsultus. At quæ iste ex eadem lege sibi fingit, nemo sanus cogitat.

“ 78 Negat posse credi usuris tam parvis pa-
 “ trem tutoribus permissurum fuisse pecuniam,
 “ quam illi majoribus scenerarentur. At pater,
 quid illi ea pecunia facerent, emerent prædia,
 militiam, decuriam, negotiarentur, terre-
 stri an nautico scenore illam occuparent, nihil
 morabatur: id modo respiciebat, ut pecunia
 pupillo esset salva, donec in suam tutelam ve-
 “ nisset. Adjicit peropportune: de qua certi
 “ esse non poterant ipsi, annon foret dispergen-
 da. Hoc enim si ad patrem refert, quasi ejus
 metus de dispergenda pecunia non fuisset sub-
 latus, fallitur; nam ille securus erat, quia tu-
 tores videbat, debitores certos & paucos: sin
 ad tutores, contrarium ponit superioribus:
 si enim talis erat aliquis metus ipsis, non est
 credibile magnis sub usuris hanc pecuniam ac-
 “ cepturos fuisse. Non poterant autem esse certi,
 nempe, ut in rebus humanis nihil est certi,
 & sæpe quum optime se cavisse arbitrantur,
 cautores capti sunt. Alioqui cur certi esse non
 poterant, quibus promptum erat providere,
 “ ne nisi bonis nominibus collocarent? Tuto-
 “ res pro pecunia, quam apud se detinuerunt,
 “ jus est solvere quincunces aut trientes. Puta,
 si contra voluntatem testatoris: non ubi tale
 “ arbitrium fecit tutoribus ipse testator. Ut
 “ hoc licuerit tutoribus, intervenire debuit co-
 gnitio judicis. Falsum: *paterfamilias uti le-
 gasset super pecunia tutelave sua rei, ita jus esto;*
 edixe-

edixerunt duodecim. Lex Ulpiani, quam subsidio vocat, tractat de officio judicis in lite de exhibitione atque alimentis pupilli, quam hic non incidisse planum est. Militare forte testamentum fecerat. Forte non: & utrum fecerit, quid ad Dionysum? Formulam *usura unciaria* (abolitam jam consuetudine) inter testandum usurpavit, ὡς περ νόμισμα ἀρχαίων ἐν Ἰνσουργῶν πέντε ἀδεσπότης. Militem per- scitum & antiquarium, cui de supremis agitantibus nondum exciderant glossmata, & libebat ex Fauni & Aboriginum sermone formulam petere. Supra *fœnus unciarium* in XII tabulis noluerat æstimari ad recentiorem distinctionem fœnoris juxta assis partes. Concedit ergo aliquam fœnoris secundum assis partes distinctionem recentiorem. At hic ubi recentior testator præsto est, fingitur aucupatus vetus verbum abolitum jam consuetudine? Quo nodo tenebimus hunc Protea? Qui recentiores isti? in quam ætatem conferendi? Habebat dubio procul depositam apud argentarios? Quare dubio procul? immo quare? quod vestigium ejus depositi? Qualis quæstio exhibita est Scævola, talem ille nobis remittitur: fuisse honoratæ militiæ virum, qui de certa pecuniæ summa in testamento suo sic ordinavit. Ubi esset ea pecunia, in vidulo, in risco, an in aula Euclionis, in domestico thesauro an in fani fovyssa, deposita an defossa, apud

apud Lyconem trapezitam an apud lenonem Ballionem, tanquam ad rem non pertinere ratus, nec inquirendum sibi nec chartis mandandum censuit. Sed otiosam in arca intelligimus ex ipsa dispositione testantis: nam si fuisset bono loco, & ubi salva fide sua tutores illam relinquere possent, non invitasset ipsos testator, ut illam ad se reciperent: nam de sorte potissimum sollicitus erat. Sed habuerit
 “ penes argentarios: quid tum? immo, refert,
 “ ait ille: nam quia argentarii binas aut ternas
 “ accipiebant centesimas, simplices facile promittebant: & huc tendunt verba legis. Ergo tutores isti fuerunt argentarii? Quæ non monstra parturit hoc cerebrum? Unde autem vaticinatur Scaptium familiarem Bruti fuisse argentarium? Notum est, inquit, illud Horatii lib. I. Sat. VI.

“ *Ibant octonis referentes Idibus ara.*

Qui, quæso, ibant? annon

pueri magnis è centurionibus orti,

Levo suspensi loculos tabulamque lacerto.

Et quidem ad avaros, siquidem avari sunt, qui ad δίδασκον manus porrigunt, ex regula magnorum Moralium cæspiticii dialectici. Quid autem isti ad institutum postum?

79 Sed nuntius horribilis subito affertur:
 “ totum jam negotium confectum esse. Bone Juppiter, Latinas jam confectas? Metuo ne sero venerim, & carnis mihi nihil supersit.

Eamus

Eamus tamen vel exploratum. Tutores uncias usuras singulis mensibus inferre debent: , atque similes uncias (neque enim dissimiles) , minimum cujusque mensis idibus referre: , duodenæ autem uncia , duodenis mensibus respondentes , absolvunt assem usurarium , seu centesimam. Ergo γρῦ. Quis novit hominem tam stolide sibi blandientem? Balbutit ex insanis suis, quæ vocat, principiis, quod centies confutatum , explosum, conculcatum est: & gloriatur, se confecisse negotium. Audiat & nunc , quod res est. Tutores rogantur uncias centesimæ usuras singulis mensibus inferre: duodecim autem uncia centesimarum , duodenis Calendis vel mensibus respondentes , absolvunt centesimam toto anno unam: ergo quotannis centesima pars sortis vel nummus unus in centenos usura illis statuitur. Hoc verum est, confector. Necesse est summam valde grandem , fuisse. Si *locuples aquila*, si *magni centuriones*, si *primipilarium*, non modo funera plebs detinuit, donec hæredibus extorquerent pecuniam ad gladiatorium munus, sed & testamenta atque emerita inhierunt maligni Cæsares, quid miratur præfectum legionis fuisse locupletem? Quid autem nostra, grandis an parva fuerit? Non potuit habere prædia, unde reficeretur, quo citra illius pecuniæ redditum aleretur pupillus?

80 Inpostremis Scævola verbis habetur: *Respondi, si secundum voluntatem defuncti elegissent usurarum praestationem, neque pupilli nomine in fœnus dedissent, id praestatur, quod testator voluisset.* Verbo significavi, videri Scævola scripsisse: *praestatueros.* De hoc ita judicat Criticorum obscurissimus: Sed pariter
 “vapulat IC. Scævola: nam juxta suum illud
 “Vre seca, pro *praestatur* in ipsa lege substituit *praestatueros.* Et hic barritus est barbaricus, non inspecta causa, cur fiat, clamare, quod ne quidem fit: tanquam non liceat usquam corrigere librariorum errata, & vapulent auctores, quibus suum redditur: quum si loco & tempore id tentetur, laudem pariat; si cedat infelicitur, non sufficiat aperire rictum & intonare, nisi meliora docueris. Quando igitur Grammaticam ejurat, consulat usum loquendi: utrum is ferat, si *elegissent, neque dedissent, id praestatur*, an, *id praestatueros*? Annon idem requirat, si maneat *praestatur*, præcedere: si *elegerunt, neque dederunt*? Videat etiam quomodo loquatur Jurisconsultus ea in ipsa lege: *Respondi, si & administrationem Mario dedisset, non recte solutum.* Et, *Respondi, si provincialis contractus esset, non pertinere.* Item, *Respondi, si manent res pupilli, vindicari ab eo posse.* Quæ omnia infinitivo modo pronuntiantur. Simili inscitia Accursium ait suffragium
 “dicere non potuisse, nisi vapularet. Quasi non liceat

liceat dividere sententiam alicujus, & probare partim, alia abnuere. Ille vero ne intellexisset quidem Accursium in exemplo subiecto, nisi nos monuissemus, quo respiceret. Cæterum si, quod notamus, non jure reprehensum est, proferat rectiora: sin jure, compescat protervum os, aut ipse vapulet.

81 Ad Senecæ locum par est & inanissima λογδιάρροια. *Vsuram haud millesimam* & Scaliger minimam, Lipsius subdubitans & Salmasius non dubie ipsum interpretantur scænus unciarium, quo duodecima vel uncia centesimæ menstrua, anno vertente una centesima pars sortis usurarum loco cedebat. Hoc genus quæstus ille censet esse τῶν ἀδυνάτων. Ostendi & homines micropsychos ac tenuis rei augendæ cupidos potuisse non præterire jacentem in luto nummum atque hujusmodi capturas sequi. Ostendi munificos quoque ac largos & locupletes potuisse, ut nummo sestertio prædia & gemmas vendebant clientibus atque amicis, ita cum iisdem nomina pactis unciis usuris facere. Contra ille ὅλη θυλάκι, non solos capitecenso esse avaros, & omnes avaros esse suspicaces, nec parvo plerumque contentos, & interdum infimæ conditionis hominibus accessus haud difficiles ad magnates, & fingi casus, qui nunquam exstiterunt, & alia plurima, quorum piget vel meminisse: adeo garrula & nullius usus sunt. Rogavi
K defi-

- definiret mihi & explicaret ex suis principiis *millesimam usuram*. Nam si centesima est as usurarius & simpliciter duodecim in centum annui, *millesima* erit decies duodena in centum,
- “ quia millesimus decies centesimus. Ille negat
- “ Logicam colligere, *millesimam usuram* effi-
- “ cere decies centesimam, quia eadem sit terminatio. At non Logice modo, sed & Arithmetice, quæ multo certior est quam Logice, nihil illæ quidem nescio quam terminationem, nihil Andabatæ imperatoris principia moratæ, sed ipsi naturæ rerum servientes colligunt mille esse decies centena. Pag. 71. & 72. torquet se in omnes formas, ut inveniat aliquid, cur Seneca *millesimam usuram* pro minima dixerit: cur ita ex usu loquendi potuerit dicere, ne tentat quidem. Et quod est
- “ subtilissimum: Non dicit vero eum sceneratum fuisse usura haud millesima, sed ob eam
- “ non solutam, clamasse. Cui vero solvuntur usuræ, nisi qui sceneratus est? Utrum sceneratores patiebantur sibi solvi usuras per quædam intervalla & spiramenta, ita ut non clamarent, si millesima earum pars ad diem soluta esset? an quovis mense totum exigebant, quod debebatur? Certe qui nihil donat, nihil remittit, ut ipse de illis loquitur, non tantum temporis donat.
- “ 81 Aliud acumen: Forte sceneratores, præ-
- “ ter usuras grandiores, stipulabantur creditæ sortis,

fottis, quando restituenda esset, additamentum exiguum, velut *foenusculum*. Sit hoc, quod nihil est: cur tamen aut unde hoc additamentum vocari potuit *usura millesima*? Deinde, illa *millesima usura* per vadimonia potuit vindicari: hoc additamentum quibus interdictis? Id dici *accessionem creditæ sortis*, nemo mirabitur, si vera sunt, quæ Gronovius in Mantissa adversus Salmasium disputat, p. 108 & seq. Non cervicem tantum equinam humano capiti, sed quidvis cuius jungit hic pictor. Disputabam illic, quibus in locis veterum *foenus* significet ipsam sortem creditam, non autem accessionem creditæ sortis vel usuras. Ille dicit quod nusquam est, nisi in ipsius portentifico capite, posse vocari accessionem crediti, si vera sunt, quæ tum ego disputavi. Statim autem, ut instar puerorum passim ædificat casas, quas destruat, hoc quod etiam vocat *foenusculum*, esse partem crediti minus censet probabile, idque se demonstraturum vindicaturumque Salmasium. Quid autem ad Salmasium, quid ad me, utrum hoc, nunc primum auditum & in tam infelici officina proculsum, additamentum vocari possit accessio crediti, nec ne? Huc illi facere videtur singularis Plauti locus Pseud. act. 1. sc. 111. ubi Ballio leno Callidoro amatori hoc consilium dat. *Amabas? invenires mutuuum, Ad danistam devenires, adderes foenusculum: scilicet,*

- “ usuris grandibus, quæ ordinario solvi solent
 “ ab iis, qui mutuabantur. Hæc quoque, opi-
 nor, lacinia est gustus vicem præflorata &
 præcerpta ex beatis illis & reservatis Adversa-
 riis, quæ si quando habuerimus, nullas Nu-
 gas, nullos Sardos Venales desiderabimus.
 “ Sed ô sententias capitales! Romæ centesimæ
 “ erant duodecim tabulis introductæ, & ple-
 “ biscito tribunicio pro beneficio pauperibus
 “ concessæ, & leves habebantur adeo, ut illi
 “ rigidi iusti antistites neminem audirent de il-
 “ larum iniquitate querentem. Itaque jam ho-
 “ mines istis contenti non erant, nec ferebant
 “ molestiam pecuniam numerandi aut tabulas
 “ conscribillandi, nisi accederet superpondium,
 “ quod simul cum reddita sorte dabatur. Id Se-
 “ necæ est *millesima usura*, Plauto *fœnusculum*.

Quot Anticyræ, quot hellebori jugera huic
 malo indies ingravescenti sufficient? Plautus
 loquitur, ut decet, quam induxit, personam:
 Si tibi cordi erat, nec in oculis aut in arca
 quî parares, quin circumspiciebas amicos,
 sicunde ad præsentem usum gratuita concede-
 retur pecunia? aut si recusarent illi, quin ibas
 ad danistam, pollicebare te forti reddendæ
 additurum aliquid usurarum? te redditurum
 cum fœnore? Hoc est, quod ibi dicitur. *Fæ-
 nusculum* nihil est aliud quam fœnus, vel si sit
 gravissimum: *ὀπνεῖς* enim ad minuendam
 invidiam, blandeque ac tacite inculcat adole-
 scenti,

scenti, pro leviculo æstimandum quantumvis, dummodo amores suos redimat. Duos modos parandæ pecuniæ ad tempus conjungit, mutuum gratuitum & scænebre, sine ullo alio additamento : ut Cicero quum Laconem illum præstat loquentem, se gratias habere legislatori, qui ipsum ea mulctasset pœna, quam sine mutuatione & sine versura posset dissolvere.

82. At alia miseria : hoc etiam videntur innuere Impp. in l. 11. Cod. Theod. de Usuris : *Quicumque ultracentesimam jure permissam quidquam sub occasione necessitatis eruerit.* Scilicet ignoraverunt, quid essent centesimæ & uncix usuræ, quid centesimæ & sextantes usuræ, quid centesimæ & quadrantes, quid centesimæ & trientes, quid centesimæ & quincuntes, quid centesimæ & semisses &c. quid denique centesimæ binæ aut ternæ. Horum enim est aliquid, quod sub occasione necessitatis erui significant imperatores. Rursus callide, ut putat, Sed nihil definio. Εἰκότως δὲ οὐ, ὡς, πολλὰ πειρίτων. quid est enim in his commentis, quod sperare possis te cuiquam approbatum? Sed hiccine est, cui primum numerum exacte pensitandorum modo fecit, doctæ & ingeniosæ Salmasii suspicioni me parum tribuere? Quanto certius habebimus vana & stolidi esse, quibus ipse inventor, præceptis alioquin & temerarius & quidvis adfirmandi

negandive pro libidine, τοῦτε κρείττον· καὶ τοῦ ἥττον· jaçtator parum tribuit? Sed statim corrigit, quod timidius profabatur: ut agnoscas in eodem diversissima vitia (quæ valetudini mentis adsignat in Caligula Suetonius) summam confidentiam & contra nimium metum: & quam vere Hippocrates τὴν ἀπειρίην
 “dixerit δειλῆς καὶ θερασύτη· πῶς πῶς Suffi-
 “cit, inquit, evictum esse, Usuram vix millesimam à scœnore unciario toto cœlo distare.
 Vix elocutus est, se nihil definire, & statim, certum esse pronunciat id, de quo nihil definit. Ubi autem evictum est? quando? quomodo?

83 Orationis reprehendendæ, perinde ut omnis hujus litis, ab ipsius procacitate initium est factum. Postquam illam quoque legem certaminis accipi & se inferiore videt, tropæum id Grammaticum est. Ego vero ita sentio, qui se Philologicæ veritatis quæsitorem, qui de Criticorum familia, quamvis obscurissimum, profiteatur; qui ad materiam ex antiquitate Romana petitam lectu & arbitratu suo disputet, atque in ea plus aliis vidisse confidat; qui eloquentiæ doctōris personam ultro ambierit, susceperit, gesserit; qui se orationem pectere scire jaçtitet; ei sermonem dumtaxat Latinum, ut nunc haberi potest, præstandum, eumque turpiter discedere, si tropæum erigi de se Grammaticum injuria queratur. Præsertim, si is non iterum iterum-

rumque peccet (quemadmodum & diligenter ac sollicitè loquentibus scribentibusque humanitus contingit, ut sæpe excidant, quæ improbant alioque tempore facile vitant ipsi) sed si tota ejus compositio sit indocta, inficeta, inæqualis, & qua verbis inculta atque impura, qua sententiis ineptis & male connexis ubique dissoluta, frivola, sordida: denique omnibus, quæ non modo Grammatici, quorum osor est, sed etiam rhetores, quorum contubernalis haberi desiderat, in ea re caveri præcipiunt, vitiis scateat atque affluat. Ejus generis, quum acervi construi possint ex paucis illis paginis, quibus me invaluit, perpauca attigimus: ille ex omnibus quatuor loca vindicat. Quam strenue, videamus.

84 Quæritur, an Latine dicatur: *Quum hoc ita sit, etenim cur non sit & illud?* Item, *Hoc fecerunt: etenim cur voluerint facere, si Salmasii vera est opinio?* Ille semel atque iterum redundans meo judicio *» Etenim posuisse »* confitetur; solæcismum fecisse negat. Audiatur, quid censeat Diomedes: *Solæcismus quoque fit modis quatuor, adjèctione, detractiōne, immutatione, transmutatione. Adjèctione, quum supervacuo quid sententia adjicitur. Capiat mecum, quem voluerit, judicem, annon hæc particula supervacua istis sententiis adjècta fuerit. Quid dixisset, inquit, si illam tam »*

“frequenter usurpassem, atque simili ratione
 “unoquoque capite solet Cælius Aurelianus,
 “Medicus antiquus, adhoc accuratus & niti-
 “dus. V. C. consulatur vel solum cap. V. lib. I.
 “tard. passionum. Primo cur, Tam frequen-
 ter? Num quid ego culpavi frequentius,
 quam par erat, interpositam hanc particu-
 lam? Immo, adhibeat una pagina vel decies,
 dummodo ut illam & adfines, *enim, nam,*
quia, &c. adhibere Latini solent. Deinde
 taceo de Cælio Aureliano: sed ubi ille simili
 ratione? Recte utimur hac particula, quoties
 quod diximus, imus confirmatum: non,
 quum ex posito argumentamur. Hoc poste-
 riori modo iste; priori semper Cælius. Enex-
 empla ex eo ipso capite, quod nobis obje-
 ctum est. *Sed hac quidam discernunt, commu-
 nibus propria jungentes: graves etenim, inquit,
 somni magis epilepsiam fore significant. Mox: pul-
 sus parvus atque creber & vehemens. Etenim in
 epilepsiam declives atque pronos major atque rarus
 pulsus sequitur & imbecillus. Iterum: Patitur
 autem omnis nervositas &c. magis tamen caput.
 Etenim antecedentes plurimæ querelæ ejus partis
 existunt. Et ita per omne caput. Secundum
 quod tuetur, est jugeri dictum in nominativo
 plurali. Ille monstrum monstro protegit: cur
 non & jugeres, inquit: utrumque juxta mea
 “principia æque verum atque jugera. Taliane
 “habet principia, qui toties consuetudinem*

loquendi ingerit? Agnosco hominem Grammaticis præfidiis, fulcris, tibicinibus destitutum. Tertium erat, *collocare vel dare ad usuram*. Defendit ille se veteris Grammatici auctoritate, qui ad Horat. 2. epodon etiam dixerit *ponere in usuram*. Quis autem vetus ille Grammaticus? Non Acro, cujus hæc verba: IDIBVS] *Tanquam eum pro fœnoris lucro jam receptæ pœniteret, ita recollectam Idibus, Calendis properat commodare. PONERE] Deponere*. Non Porphyrius, cui sic est: *Exigit, inquit, à debitoribus pecuniam comparaturus prædia, cogitans jucunditatem vitæ illius, quam in rusticis laudat, sed rursus stimulatus cupiditate pecuniarum querit eam fœnori dare*. Non Crispianus, apud quem invenio: *PONERE, deponere, in fœnus dare*. Hoc si prodesse sibi credidit, cur non potius Plautum aut Varronem aut Scævola[m] invocavit, quibus *dare in fœnus, queritare argentum in fœnus* dicitur: aut Tacitum, cui *fœnus in usuras extendere*? Sed horum nemo dixit *collocare in usuram vel dare ad fœnus, aut ad usuram*. Certum as habere, quod quartum fuit, errato excusat operarum, quia num. 11. legatur as usurarius. Sed hic alieno ore loquitur, nempe Hotomanni; illic suo. Si cui tamen hoc purgatum videbitur, superest abunde, quod substituamus. Etenim ne jejenum & parum ornatum esset tropæum nostrum, ipse illud egregie his Vincitiis

diciis instruxit: & me poscere auctores docuit.

85 Velim igitur monstret mihi τῆς βαρβαροφωνίας medulla & solæcissimum Siren, quem secutus sit in illo pag. 52. *Haftenus conjectura mea cum suis paria faciunt.* Et p. 58. *tam liberalis ero, ut suis fautoribus ultro adjiciam Budeos, Brissorios.* Et pag. 77. *Iudicent qui hæc legent & mea cum suis contendere possunt.* Horum mihi det auctores: ut & illius pag. 1. *pelves profundere*: nam *effundere pelves* quid sit, scio; *profundere pelves* nunc primum audio. Sic pag. 8. *procurare famam* pro *comparare*, *adipisci.* Pag. 12. *deducere aliquid prolixè*, pro multis de aliqua re agere. Pag. 16. *audax adversarii assertio* pro *sententia*, *opinionè.* Et iterum pag. 16. *quod mihi coincidit*, imo *coincidere debet.* Tum illud bellum *Ratione*, pag. 16. *Centesima potuit ordinarium fœnus fuisse juxta duodecim tabulas ratione omnium contractuum*: & *ratione cujuscumque licita negotiationis Iustinianus usuras bestis permisit.* quum vellet dicere, in *contractibus*, in *licita quacumque negotiatione.* Sic p. 18. *Romana saltem reipublica ratione favere deberet* Dio. pag. 48. *Idem contendo ratione fœnoris unciarii.* p. 70. *Ætates Latini sermonis ratione distinguere debent.* Cupio scire, cui hoc bono auctori ante istum placuerit. Tum *seponere conjecturas*, pro *facere*, quis dixerit, ut cum ille pag. 16. *Interim seponere tuto mihi licet*

cet hæc conjecturas. Præterea qua syntaxi: ea modestia, ut, cum forte hunc liberius notare potuissem, contentus tamen fui, p. 4. Item pag. 22. Fingamus Titium accepisse à Cajo &c. Cajo autem voluerit: pro Titium autem voluisse, vel, si Titius voluerit. Sed & τὰ Quod si, quis sic adhibuerit, ut noster pag. 5. Hoc scio, quod si iis sisteretur &c. commendandum esse: & pag. 8. Quis fando unquam audivit, quod si fuerit, &c. leges desinuisse. Item, tam diu quam, pro tam diu, donec, ut pag. 76. auctorum loca tam diu in equuleo torquentur, quam similem explicationem in speciem admiserint. Super hæc, cui tam lepide redundarit τὸ vel, ut huic pag. 22. quis voluerit tantillo vel pecuniam suam collocare, periculum sustinere &c. Tum quis tam bene dicerit doctrinam de Oppositis, ut diceret: quo centesima opposita ad sænus unciarium permissa in urbe fuerit, pag. 37. Quin etiam, cui mutare pecuniam fuerit mutuam dare, ut nostro pag. 39. Cui discursus pro scripto, quod lego pag. 55. ut in toto hoc discursu agit.

86 Sed quæ finis erit, si omnes colligam corruptissimæ dictionis nævos? præsertim, quum paullo politiorum sit nemo, cui non manifesti passim incurrant. Hic tamen notavit sibi fascinantibus illis oculis, in quo mihi pares redderet dolores. Scripsi enim de homine, verba ejus illudens: quanta, qui somnios nostros aucupatur & quadrijugum verum perlan-

“lancem & licium concipit, in scribendo aut
 “veret cum vigilantia aut cum veritate vigilet.
 “In hæc ille: Certe si viveret Priscianus, hæc
 “non intelligeret. ex Gellio licet sciamus, quid
 “sit *furtum per lancem & licium*. Ac fortasse non
 “intelligit ipse, qui scripsit. dum morose Tul-
 “lianæ elegantiae & Liviano nitori Aboriginum
 “jus & Saliorum hymnos intexit, Oedipolecto-
 re indiget. Verum, si militi suprema ordi-
 nanti licuit formulam abolitam jam consuetu-
 dine usurpare, ὡς περ νόμισμα ἀρχαῖον ἐκ
 θεοῦ ποῦ πῶθεν ἀδεσπότου, quæ invidia est de
 verbis & rebus antiquis disputantem adversus
 illum, qui se pro docto gerat, iudicibus non
 nisi eruditis, aliquid ex interiore literarum
 vetustate arcessere? Priscianus quidem, si vi-
 veret, sciret me joco, non serio, agere, &
 hominem doctis deridendum cum suis verita-
 tum quæstionibus & meæ dormitionis anim-
 adversationibus propinare: qua in re nescientem
 verba valere ab usu vulgari remota, juberet
 ille Plautum inspicere, multa fingentem ri-
 sus gratia, quæ ab seria oratione abhorrent.
 Sciret furtum *per lancem & licium concipere*
 nihil esse aliud quam quærere aut quæsitum
 deprehendere. Sciret Ennium cecinisse: *satin*
verant vates atate in agunda.

87 Sed superest latebra: Insulto ut philo-
 “sopho. Ego vero nec philosophiæ unquam
 nec philosopho cuiquam insultavi. De istis,
 qui

qui sibi non nisi barbare philosophandum censent, audiat, quid sentiat philosophus M. Tullius lib. II. Tusculanarum: *Est enim quoddam genus eorum, qui se philosophos appellari volunt, quorum dicuntur esse Latini sane multi libri: quos non contemno equidem, quippe quos nunquam legerim: sed quia profitentur ipsi illi, qui eos scribunt, se neque distincte, neque destribute, neque eleganter, neque ornate scribere, lectionem sine ulla delectatione negligo. Quid enim dicant, & quid sentiant ii, qui sunt ab ea disciplina, nemo mediocriter quidem doctus ignorat. Quamobrem, quoniam, quemadmodum dicant, ipsi non laborant, cur legendi sunt, nisi ipsi inter se, qui idem sentiunt, non intelligo.*

88 Restat unum, ut noscamus, quas ille literas interiores censeat, quaque ratione & via in addiscendis illis sibi utendum existimabit. Ita fert hominum natura: facile nostri similes imaginamur & fingimus: quibus virtutis inest indoles, plerisque non malos credimus; quo autem quisque deterior, eo pauciores sperat inveniri probos: & qui de moribus alienis judicat, suos in consilium adhibet. Sed nemo in hoc genere intemperantior: quemcumque videt, obstat occurritque ipse sibi, & alios per mediam pellem suam intuetur. Itaque quum non nisi invidia, maledicentia, contumeliosus animus, & quosvis laessendi lædendique libido, obrectatio & ingrata

grata voluntas erga auctores suos, cæca & præceps temeritas, *πλυπρεσμοσύνη* molestissima, frons pudoris expers, quæsitissima *ὑπὸ κρείσσε* & omnia fucata perpetuaque vitæ histrionia, suspicax & maligna interpretatio innocentissimarum cujusque actionum & cogitationum & ex suspicionibus odium, eruditio *ἐπιπλάαι*, perfunctoria, vix ingenuo digna, & tamen omnia promittens, persuasio scientiæ & venditatio immodica & arrogantissima, gloriæ insolentes ubique, & verborum triumpho, ubi maxime & miserrime victus & captus tenetur, illecebræ ad juventutem ab solidis ad inania convertendam, collegas refrigerandi calumniis & quamvis amicos inter se committendi susurris artificium, avaritia speciem contempti quæstus induens & quod recta via recusat, id duplum per pseudothyrum invitans, quos & plures hujusmodi Furiarum stimulos additos habet atque infixos, *πρεσκαρήνας*, *πολικαρδίας*, *ὑπεργαλίου*, *ὑποκαλπίου*, *ἐνδομούχου*; quum igitur, ut occæpi dicere, non nisi hæ feræ species oculis ejus oberrent, perpetuo laborat hoc morbo in judiciis de aliorum persona faciendis, ut his attribuat, quæ in sese invenit: nec certior est ratio deprehendendi hominem, quam si aptes ei, quæ pingit in illis, quos injuria insectatur: semper enim ab se formam & colores sumit. Hic igitur etiam pulcre se prodit ac detegit, quum nescio

nescio quos fursuros Criticos ita progredi scribit: Singulares aliquas voculas & locutiones, nomina quoque propria apud auctores, observant: ea in indicem redigunt. Noli putare, hunc ludium aliam quam suam ipsius personam agere. Hoc nimirum unum fecit ipse, & hoc facto fursurosus se Criticis immiscuit. Hoc clamant Volusianæ chartæ, quibus bibliopolia jamdudum gravavit, nihil aliud hominem in studiis humanioribus præstitisse, nisi quod singulares aliquas voculas, locutiones, proverbia collegit & in numerato habet: sed quid ista sonarent in ore Romano, ubi proprius illorum locus ac sedes, quibuscum congiungi, à quibus separari & abesse debeant, hoc observare insuper habuit: quod ostendit passim inepte & locis alienissimis eadem inculcando: ut omnium rerum, morum, hominum, sermonis, historiæ veteris imperitissimum vel ipsis his Vindiciis se probavit. Nec mirum est ignorare res Romanas, qui (ut Circes Sophistices poculo ebrii & in eadem hara producti omnes) totam Græcam & Romanam antiquitatem neque rerum neque scientiæ numero ducat; quæ antiqua sunt, facere ad doctrinam inficietur; Criticum seu Grammaticum & Reale pro distantibus toto genere, ac tantum non pro contrariis inter se repugnantibus, nec commune quidquam ferentibus, habeat. Quæ sequuntur, superant,,
fane

“sane captum ejus, Sollicitare varias lectiones
“& bibliothecas ad suffragium vocare: sed re-
dit ad suum illum regium morbum, primo,
quum, quod laudi est, per quod meliori se-
culo vivimus, & priscos auctores, dicendi ma-
gistros, sinceriores habemus, & omnia studia
cultiora sunt, infamat; deinde quum addit,
“MSS. licet nunquam inspectis: hic enim ite-
rum alios videt in fallaci sui ingenii speculo &
ex sua fide alienam æstimat. Quemadmodum
etiam, quum meminit locorum obtorto col-
lo tractorum & in eculeo tortorum: scit enim,
quid Livio, quid Plauto, quid Horatio, quid
Senecæ, quid Scævolæ, quid Imperatorum
constitutionibus nuper fecerit.

89 Persequuti sumus omnia, de quibus
moneri studiosorum hujus controversiæ dis-
ceptatorum interest. Quæ præterea *ὡς ἐξ
ἀμαξίας* deblaterat, flocci facio: neque enim
vel si dignus istis ego, ille in meliore causa &
scenus unciarum erit centesima. Sed etiam aut
palam eumentita sunt; in his, quæ ipsum in sese
admisisse constat, ego semper procul habui:
aut honori mihi ducunt prudentes, quæ vitu-
perat: aut media & innocenter facta in pra-
vum malignissime detorquentur. Iterum di-
cam, ut ringatur & rumpatur, hæc alto vultu
contemnimus, confisi satis moribus nostris &
judiciis bonorum. At ille existimationis suæ,
si quid ejus reliquum fecerat sibi, plaustum
per-

perculit, tam temere & inconsiderate, tam infeste atque inimice, tam minaciter & gloriöse aggressus, in quo nil nisi ignaviam suam publicaret. Exposita in theatro & denudata est hominis ambitiosissimi infantia in illis studiis, quæ docere ausus est, antequam didicisset, & in quibus & vulgo & sibi mire jamdudum placuerat. Hanc ille veritatem, dum quaternas quærit, unam omnibus certiolem, & Hercule dextro & communi satis Mercurio, invenit, atque orbi literato patefecit. Eat nunc & conquirat omnes rumusculos, fabellas, auditunculas: & his referciat, quod profana Eleusin parturit rescribenti, si quis non tacitus hujus Fimbriæ ferrum recipiat; suas Ridiculogrammaticosycophanticas Vindicias; sua Adversaria, in quibus utramque paginam facimus; suum adversus Critica mangonia prolixi libri prolixum malum; suam æruginem adversus institutionem auream; non abolebit notas, quas ipse sibi inussit, ego tantum ostendi. Interim aut tacitus fruar in barbariæ petrauro cernuantis infania, aut si quod iterum ciebo bellum, perinde ut hoc prius, non adversus narratiunculas, sed adversus unicam hominis inscitiam militabitur.

L

AD-

ADDENDUM

Mutatis exinde numeris,

41 **Ε**ς Τροίην περιώμενοι ἦνθον Ἀχαιοὶ· ten-
 Etando M. Tullius Archimedis sepul-
 crum, civibus quoque ignoratum, reperit:
 tentando, quod ad Calendas Græcas futurum
 putabat iste, nos cum Deo benevolente no-
 bile illud eruimus Senatusconsultum, quod
 centesimas Romæ legitimas fecit, etiam, si
 quos advertit antehac, non nisi confuse atque
 in tumultu admonens, eoque monstrantibus
 non creditum. Nunc illo, dum sponsione,
 quam ultro tulit, irretitus contatur, fidem
 perdat an rem, omisso, quod etiam facio li-
 bentius, tecum, bone lector, paullisper ra-
 tionem habere volo, ut cognoscas, quas &
 alii excellentes homines circa legem Gabi-
 niam & hoc Senatusconsultum frustrationes
 dederint, & ne, quia forte alibi καλῶς πιῶν
 vestigia illorum pressisti, lippos hic oculos
 cæcis in foveam sequaris. En quid exciderit
 præcipuo jurisprudentiæ Romanæ interpreti
 “ in quarto ad Africanum: Videtur, inquit,
 “ lex Gabinia curiositatem desiderasse in credi-
 “ tore, dum vetuit jus dici de pecunia sub usu-
 “ ris sumpta per versuram. id est, ut ea pecunia
 sol-

solverentur usuræ alii debitæ. qua ratione fit, ut usurarum solutarum uni usuræ debeantur, alteri. quod jus non patitur, ne inopes usuris, obruantur. *Versura* igitur fraus est hujus juris, quæ ne fiat, ac proinde, ne creditor jus crediti amittat in mutuando, diligentior esse debet. Hic mirificus & multiplex versatur error. *Versura* non est, quod ille opinatus est, sed nihil aliud quam mutuum scœnebre: somnium est legem Gabiniam vetuisse jus dici de pecunia sumpta sub usuris, ut alii creditori usuras debitas illa sorte solvas: nusquam legimus hoc unquam Romæ legibus obnoxium fuisse. Sed & vix est ut uspiam terrarum esse possit: neque enim debet ille, qui dat, quo ille, qui accipit, consumat, querere, ut egregie Cicero pro Rabirio. Sed in has fallaces cogitationes conjecit eum lapsus plurimorum, qui non distinguebant inter *versuram facere* & *versura solvere*: quum *versura solvere* sit mutuo alicunde accepto solvere debitum, sive illud sortis, sive usurarum, sive factis nominibus, sive ex emptione præsentis, sive ex promisso, sive undecumque sit: *versuram facere* autem argentum accipere scœnori, mutuum sub usuris sumere. Quod satis evicit Salmasius ad Tertullianum de Pallio, & in hujus commentarii defensione, denique cap. vii de M. Usur. Terentii, Ciceronis, Nepotis, Taciti locis. Et addi facile plura possunt.

Pro Fontejo : Hoc pratore oppressam esse ære alieno Galliam. A quibus versuras tantarum pecuniarum factas dicunt ? Ergo versuram facere est facere æs alienum, quacumque in re id æs occupes. Pro Flacco: In ærario nihil habent civitates, nihil in vectigalibus: duæ rationes conficienda pecunia, aut versura aut tributo. Hieronymus epist. xxvii de Paulla: Liberalitas sola excedebat modum: & usuras tribuens versuram quoque faciebat, ut nulli stipem rogantium denegaret.

“ Marianus Victorius: Æs alienum alieno dis-
 “ solvebat ære, quod ita creditor non auferatur,
 “ sed commutetur potius vertaturque. Immo quum sat nummorum præ manu non esset, usuris præstitis sumpsit mutuum, quod largiebatur egenis. Terentii locum imitatus Lactantius lib. ii. de Orig. err. cap. ix. Igitur ortum rerum tribuis natura, ac detrahis Deo. Cur in eodem luto hæsitans versura solvis ? Ubi juxta pertinaciter edunt versuram solvis, quod Latinum non est.

42 Vide autem, clarorum hominum offensæ quantum noceant, nisi castigentur. Dionysius Petavius, vir multis doctrinis nobilis, probaturus contra Salmasium, *versuram facere* esse aliud quam mutuam pecuniam sumere, & quidem mutuaticia pecunia vetus nomen expungere, Cujacii pronuntiatum accipit quasi certum & indubitatum alicujus veterum oraculum, & ex eo argumentum petit
 in

in Mastigophoro secundo, cui respondere neglexit Salmasius. Gabinia lex, ait, vetuit *jus* „
dici de pecunia sub usuris sumpta per versuram: „
 qua lege cautiōres sunt facti creditores, ne pe- „
 cunias crederent iis, qui ad usuras persolven- „
 das illis uti vellent. Ita Cujacius ad Africanum „
 tract. iv. An tu *versuram* in illa lege putas esse „
 simpliciter mutuum vel fœnus? Et quid erit „
pecuniam sub usuris sumere per usuram? quid „
 absurdius? Certe nihil est absurdius, si constat illis verbis conceptam fuisse legem Gabiniam: quod Cujacius absque ulla veterum auctoritate tradidit, & hic sola Cujacii fide repetivit. Utrum in lege Gabinia vox *versura* posita fuerit, nec ne, ignoramus: si vero posita fuit, haud dubie significavit simpliciter mutuum vel fœnus. Pergit: Deinde Gabinia „
 lex non prohibebat usuram, multo minus mutuum, sed eas usuras, quibus ad alias solvendas sese debitores obstringebant. Immo lex Gabinia prohibebat Romæ fœnori provincialibus dari, provinciales accipere. Tum, Ea „
 lex centesimas permittebat. Immo ne mentionem quidem habebat centesimarum, quantum de illa scimus: centesimas autem perpetuo fœnore legitimas inter cives Romanos constituit illud Senatusconsultum *Sulpicianum* vel *Claudianum*, sive utroque nomine appellandum est *Sulpicianum Claudianum*, ut dicitur *Lex Licinia Sextia*, *Lex Papia Poppæa*, *Lex* „

Villia Titia. Adducit verba Ciceronis: *Salaminii cum Romæ versuram facere vellent, non poterant, quod lex Gabinia vetabat. Addo ego: quod ex syngrapha jus dici lex Gabinia vetaret. Tum: vetabat autem lex jus dici de ita sumpta pecunia.* Hinc colligimus sententiam & vim legis Gabiniaë fuisse, ne provincialibus Romæ versuram facere, id est, mutuum sub usuris sumere, liceret; si fecissent, ne ex tali syngrapha jus redderetur: formula vero eadem verborum fuisse illam legem, quis pro certo audeat adseverare?

43 Plinium quoque suæ opinionis auctorem dederat Salmasius, lib. XIX. cap. IV. *Parse eorum ad condimenta pertinet fatetur domi versuram fieri solitam, atque non Indicum piper quasitum, quæque trans maria petimus.* Hæc sic explicabat Dalecampius: Ut in versura mutatur creditor, pecunia vero semper debetur, ita quum oleribus utimur aromatum loco, quod delectat, diversum est, voluptas eadem. Obligat se, qui aromata magno comparat: *versuram facit*, qui eorum loco in cibis adhibet olera vilia. Cur non potius apposuit Terentianum: *Tum annona cara est. quid dicam aliud, nescio?* Non enim magis aliena dixisset, & magis intelligeretur. At Salmasius: Ut piper Indicum & condimenta trans mare nascencia sibi compararent gulæ procures, cogebantur plerumque *versuram foris facere*, hoc est, pecu-

pecuniam aliunde mutuari. At homines frugi,, & sobrios, qui condimentis in horto suo nascuntibus erant contenti, *domi versuram facere*, dixit eleganter Plinius, quasi qui domo sumerent, non ex aliena arca, quo cibos suos condirent. Contra Petavius eum locum sibi prodesse censet. Eleganter ille, ait, *versuram domi facere*, id est, ab horto scenerari scribit eum, qui, ut gulæ, tanquam *δωρεῖς* satisfaciatur, non ab alio, quam ab horto suo, mutuum accipit: ita *versura* proprie est creditoris mutatio. Lepide adinvenit alterum creditorem gulam, alterum hortum. Tantos viros in re tam liquida tantopere hallucinatos! Hoc immo vult Plinius. quod pars olerum præstat vicem condimentorum, eo intelligi, priscos Romanos ab sese & ex hortis suis sumpsisse, quo indigebant; non ab Indis & gentibus transmarinis mutuatos. Ad condimenta, quæ præstat hortus, respicit Plautus in Milite 2. II. sc. II.

Nam mulier olitori nunquam supplicat, si quæ est mala:

Domus habet hortum & condimenta ad mores maleficos.

Comparat hortum & sceneratorem hæcenus, quod ab utroque capitur utendum, quod imperat necessitas. Illi domesticum habebant sceneratorem hortum, à quo *versuram faciebant*, hoc est, unde necessaria mutuabantur: ut à creditore sumimus mutuam pecuniam,

qua egemus: externum neminem appellabant. Nulla alia in re conferuntur hortus & fœnerator, quam in copia & datione, quodque ab utroque accipiebatur: nulla alia in re prisca Romani, de quibus loquitur, & ὁ δαειζόμενος, quam in indigentia & sumendo, quodque utrique accipiebant. Idem proverbium est apud Senecam lib. v. de beneficiis cap. viii. *Vt concedam aliquem à se accipere beneficium; dum dat, & recipit: ut concedam aliquem à se accipere beneficium; dum accipit, reddit. Domi, quod ajunt, versura sit, & velut lusorium nomen statim transit. Ubi similiter Lipsius Donato se lactandum dedit. Refert Seneca dictum Catonis cap. præcedente: Quod tibi deest, à te ipse mutuare: & inde appellat Catonianum creditorem epist. cxix. A te ipse mutuare, est, domi versuram facito. Videtur autem hoc proverbium ortum habuisse in iis, quæ inter maritum & uxorem, vel dominum & peculiosum servum gerebantur. Tale auctoris Dialogi de corrupta eloquentia: Quanto autem pulcrus, si ita res familiaris exigat, se ipsum colere, suum genium propitiare, suam experiri liberalitatem? Potuisset eodem sensu dicere, domi versuram facere.*

44. Imbiberat eandem Cujacii opinionem Simeo Bosius in lib. v. ad Atticum, quum scriberet *versuram* multo magis quam *usuram* legibus Romanis vetitam fuisse. Contra sciendum

dum *versuram* non fuisse vetitam, nisi quum usuram, hoc est, eodem tempore: nam quum *versuram* dicimus vetitam, significamus vetitum mutuari sub usuris; quum *usuram*, vetitum pro usu mutui stipulari usuras: quæ duo eodem recidunt. Addit *versuram facere* esse, per argentarios solvere. Id vero non est solvere, sed obligari, sed accipere, sive aliquid aliud eo solvere velis, non utique usuras, sed vel sortem vel quodvis debitum ex empto, conducto, stipulato; sive quacumque de causa aliquid expendendum sit, muneribus, voluptatibus, lucro sperato. Deinde non solum ab argentariis, sed à quovis fœneratore, ut Athenienses ab Attico, Cicero à P. Sulla & Julio Cæsare, Ariobarzanes à Cn. Pompejo Magno. Subnectit: Veluti, si, qui centum debebat sortis nomine & quinquaginta ex usuris, ut utramque summam dissolveret, totam mutuaretur ab argentario; ita ut quinquaginta illa, quæ priori creditori usurarum nomine debebat, apud secundum creditorem sortis locum obtinerent, eoque parerent usuras: quod ne fieret, lege Gabinia cautum. Sed hoc non est *facere versuram*: *versura* solvere est. Quod si lege Gabinia interdictum erat, cur re tam recenti Cicero scribit ad Atticum lib. V. epist. 1. De Oppio factum est, ut volui, & maxime, quod DCCC aperuisti: quæ quidem ego vel *versura* facta solvi volo, ne extre-

ma exactio nominum nostrorum expectetur. Cur lib. xvi. epist. 11. Omnia nostra, quoad eris Roma, ita gerito, regito, gubernato, ut nihil à me expectes. quamquam enim reliqua satis apta sunt ad solvendum, tamen fit saepe, ut ii, qui debent, non respondeant ad tempus. si quid ejusmodi acciderit, ne quid tibi sit fama mea potius. non modo versura, sed etiam venditione, si ita res coget, nos vindicabit. Et est ille, quem Bosius fingit, unus casus gravis. Quoties autem contingit & in primis locupletibus, ut aliquid solvendum habeant, priusquam ipsi sua reliqua redegerint, aut arcam plenam inveniant? quemadmodum Ciceroni, ut significat loco postremum advocato? Illisne igitur quoque non licebit creditorem mutare? Hoc est commercia tollere ex rebus humanis. Tandem censet legem Gabiniam respexisse Tacitum, quum dicit: *postremo vetita versura*. Sed comparatis Livii & duobus Appiani locis cum loco Taciti nemo potest dubitare, quin is respexerit plebiscitum Genucium. Eoque festinantius ὁ πέντε de M. Uf. p. 292. Quod ait Tacitus de vetita postremo versura apud Romanos, haud scio an verum sit. Sed mox se corrigit: De vetanda, inquit, versura rogationem tulisse Genucium, nihil est fortasse, quod vetet credi, sed legem illam observatam diu fuisse non est credibile. Certe nihil est, quod vetet: & recte non diu ob-

ob-

observatam, quod toties nobis inculcandum fuit: etsi subinde ex eadem fœneratores ab ædilibus fuerint mulctati. Denique & Fr. Hotomannus hæsit in his salebris. Gabinia, de usuris, ait, tulit, ne jus diceretur de iis pecuniis, quæ usura facta essent sumptæ. ne, scilicet provinciales homines à Romanis ex- haurirentur. nec gravior usura quam centesima exigeretur, sed & præter amissam sortem, certe pœnam statuebat. Taceo illud *Usura facta*. potest librariorum mendum esse, ut ipse scripserit *versura*: sed si cavebatur provincialibus, cur vetantur in universum sub usuris pecuniæ sumi? Deinde confundit & hic Legem Gabiniam de fœnore in provinciales Romæ dato; & Senatusconsultum Sulpicianum Claudianum de centesimis perpetuo fœnore ducendis inter cives.

L E C T O R I.

Ut omnes pueri posthac rem, quæ doctissimos viros tan-
topere ac toties vexavit, capere possint, en tibi descri-
ptionem usuratum secundum Romanos ex ipsorum
mente lingua Belgica & Gallica expressam.

Centesimæ usuræ, een ban hondert ter maent: maecht in't
jaer twaelf. *Vn denier pour cent par mois. par an douze pour cent.*

Semisles usuræ, een half penningh ban hondert ter maent:
in't jaer ses penningen. *Vn demy denier pour cent par mois.
par an six.*

Quadrantes usuræ, een vierdendeel ban een penningh ban
hondert ter maent: in't jaer drie penningen. *Vn quatriesme
partie d'un denier pour cent par mois. par an trois.*

Trien-

Trientes usura, een derdendeel van een penningh van hondert ter maent: in't jaer vier penningen. *Vne troiesiesme partie d'un denier pour cent par mois: par an quatre.*

Sextantes usura, een seshendeel van een penningh van hondert ter maent: in't jaer twee penningen van hondert. *Vne sixiesme partie d'un denier pour cent par mois: par an deux.*

Vocix usura, een twaelfden deel van een penningh van hondert ter maent: in't jaer een penningh. *Vne douziesme partie d'un denier pour cent par mois: par an un.*

Quincunces usura, een derdendeel en een twaelfden deel van een penningh booz hondert ter maent: in't jaer vijf penningen. Want twaelf derdendeel maecten vier geheele penningen: twaelf twaelfden deel maecten eenen gantschen: syn t'samen vijf. *Vne troiesiesme & douziesme partie d'un denier pour cent par mois. par an cinq.*

Septunces usura, een halben deel en een twaelfden deel van een penningh booz hondert ter maent: seben in't jaer. *Vn demy & une douziesme partie d'un denier pour cent par mois, par an se.*

Besses usura, twee derdendeel van een penningh booz hondert ter maent: in't jaer acht penningen. *Deux troiesiesmes d'un denier pour cent par mois, par an huit.*

Dodrantes usura, drie vierdendeel van een penningh booz hondert ter maent: in't jaer negen penningen. *Trois quatriesmes d'un denier pour cent par mois, par an neuf.*


Dextantes usura, drie vierdendeel en een twaelfden deel van een penningh booz hondert ter maent: in't jaer tien. *Trois quatriesmes & une douziesme d'un denier pour cent par mois, par an dix.*

Deunces usura, drie vierdendeel en twee twaelfden deel van een penningh booz hondert ter maent: in't jaer elf penningen. *Trois quatriesmes & deux douziesmes d'un denier pour cent par mois. par an onze.*

Asses usura, eodem quæ centesima, een penningh van hondert ter maent: in't jaer twaelf. *Vn denier pour cent par mois, par an douze.*

F I N I S.





1040



